


Early European Books, Copyright © 2011 ProQuest LLC  
Images reproduced by courtesy of The Wellcome Trust, London.  
170/D/2









Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
170/D/2





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
170/D/2





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
170/D/2

Medicine

$\frac{2}{4}$

107 -

170(2)




25248

Chisle  
statio




ALDINO





Romae Typis Jacobi Mascardi Anno Iubilei. MDC.XXV. Superiorum permissu. F. C. E.







ILLVSTR.<sup>MO</sup> ET REV.<sup>MO</sup> D. D.

ODOARDO  
FARNESIO

S. R. E. CARD. AMPL.<sup>MO</sup>

EPISCOPO SABINENSI.



**H**CC E, Illustrissime & Reuerendissime Princeps, icones aliquot rariorum quarundam stirpium, quæ in amenissimo exoticarum omnisq. generis nostratum insigniorum plantarum refertissimo tuo aluntur, colunturq. Horto, immensis curis, laboribus, atque expensis, tanta liberalitate, tantâq. magnificentia Serenissimæ familiæ innata; quibus suas etiam adiunxi Historias; quasdam quidem exactas, & prolixas, prout rei dignitas postulabat, & Auctorum veterum controuersię; quasdam verò perspicua breuitate denotatas. Pauca certè exhibeo otij penuria, quas, otium tamen Hermetica inter opera quandoque nactus (si otium dici mœretur continua lucubratio circa furnulos, & dum ignis ardetq. agitq. ipse indefessus, propè illum sedendo, standouè calamo aliquod Botanicum furtim animi gratia exarare) paulatim, longóq. intermedio tempore confarcinare licuit. Hoc qualecunque sit opus, nunc afferro, offero, propono, reddouè, donare nequeo, quia tuum quod est, tibi dono dari non



dicitur. Iam diu enim à quo tempore in tuam fui  
susceptus seruitutem, me totum tibi dedi, dicaui, &  
consecraui: Sic omne opus mei tum animi, tum cor-  
poris, tuum est, tibi debetur, ad te spectat. Suscipe  
igitur, Illustrissime, & Reuerendissime Princeps, ea,  
qua soles alia mea fouere, alacritate, tuum meum,  
& meum tuum hoc quaecunque publici iuris fa-  
ctum opusculum, vt signum mei erga exoticas  
plantas amoris; desiderij ad disciplinas acquirendas;  
nec non affectus, quibus possum actibus, virtutum,  
studiosis inseruiendi; sed præcipuè, vt monumentum  
fidelissimæ seruitutis erga te meæ, Serenissimamq. fa-  
miliam tuam. Nil aliud addam, ne adulatoris munere  
fungi velle seruum, ac mancipium tuum suspicio  
vlla insurgat. Tantum restat, vt Deum Opt. Max.  
tibi Nestoreos tribuere dignetur annos, supplicem,  
quod ex animo iterum, atque iterum oro, Vale felix  
ex Museo Hermeticâq. officina ædium tuarum Ro-  
manarum Anno Salutis 1623. Kal. Martij.

Illustriss. & Reuerendiss. Dominationis Tuæ, ac  
Serenissimæ Familiæ

Serius Humillimus

Tobias Aldinus.

AD





AD AVCTOREM  
ERVEDITISSIMUM.

IACOBVS CORN. LVMMENÆVS A MARCA  
RELIG. SACERDOS BENEDICT. BELGA.



**P**ODALTRIVS quæ scribit Heros abdita,  
Et vulgat Orbi nomina omniparæ Psyche,  
Tunc, cum profundo pectore imbuerat sophos,  
Rerumq. ab usu cautus haud sciuit nihil,

Vindex malorum sæculi, et rapti ætheris  
Suspecta nimium furta defendit reis.  
Cretus petra mēliore Castello-Petrus,  
Audax verenda sacra naturæ sequi,  
Sublimia ista ruminans, melius quoque  
Tractare potuit, rerum et abstrusas nimis  
Eruere caussas, et suis quis sit vigor  
Lectis, ab Indorum ultimis, plantarijs,  
Ludente Genio, talis est lusus tibi;



*Vsu laborem vincere, & ludere tamen.*

*Sic lucubrare & ludere ex aequo potes,*

*Romana pubes debet hoc opus tibi,*

*Opus dicatum Heroibus FARNESIIS,*

*Magnis Patronis artium, augustum genus*

*Austriadum ab ipsa stirpe quos clarat nimis,*

*Non poterat illo melius auspiciū legi,*

*Vt nulla melior esse lucubratio:*

*Sic nil Patrono melius & scripto nihil.*







# TYPOGRAPHVS LECTORI.



**E**quidem Generose lector tibi verè indicare possum Operis huius auctori iustis de causis placuisse externo nunc nomine paucas has in publicum exhibere Plantas, quas Epistolæ subsequenter non paucae, nec pauci momenti, ob varietatem, & subtilitatem. Tu benigne lector interim hæc hilari excipe fronte. Reliqua in diem expecta, quæ sub prælo habeo, & præstolanti ignosce. Varietate te delectare auctori in animo fuit. Seruat tamen sibi plurima, quæ tibi communicare etiam breui censet (fauente Cælo) Auctor noster, indefessi vir laboris, & diligentiae incredibilis, Si hæc placebunt, si benigne excipies, auctoremq. ipsum recognosces. (Tironis enim non sunt primitiæ) Emitteret profecto altiora, & suo digna nomine. Lege interim attentè, (moneo) plantas. Leges breui iucundè (polliceor) epistolas. Vno quidem eodemq.

(vt



(vt agnosces) expressa, stilo, caracterevè nostro. Si auctori gratus non eris, si mentem ipsius non intelliges, neque scribentem, ac auctorem ipsum, si verè agnoscere negliges: ingratum te dicam, crassum, & prorsus negligentem. mihi vero, ergomet ipse summe gratulor cohtigisse **IN GRATIAM** viri amicissimi **TOBIAE ALDINI** typis meis hæc exarare, ac functus sum amici officio: tu verò lege, & lecta, animo reuolue, abstrahe, & collige, mentem, caracteresvè maiores. **SCRIPSI CUNCTA.**

quidem Genitoris lector tibi vere in-  
dicare per Opus huius auctori  
iustis. Tunc enim extimo nunc  
no. publicum ex-  
hi. Epistolæ suble-  
quid. nec pauci mo-  
menti, ob varietatem. Tu benignus  
lector interim hæc hila. Reclius in  
diem expecta, quæ sub prælo habeo, & præfolantur  
ignosce. V. arietate te delectare auctori in animo fuit.  
Scias tamen tibi plurima, quæ tibi communicare.  
cetam præmi censeat (saneque Cælo) Auctor noster,  
indestit vir laboris, & diligentis incredibilis, si  
hæc placebunt, si benigne excipies, auctorem, ip-  
sum recognosces. (Tuo enim non sine primi-  
tis) Finitis prodest auctor, & suo dignis nomine.  
I. ego interim attente, (mones) planas. Leges præmi  
incedas (polliceor) epistolæ. V. no quidem eodem.



# AD STUDIOSOS BOTANICOS.



**P**AVCAS quidem in præfenti vobis exhibemus plantias (benigni lectores) breui tamen plura daturi. Etenim quanquam plures, rarioresq. in Horto Farnesiano colantur stirpes, quarundam tamen expectamus flores, & fructus, ut completè, in lucem propellamus, quasdam verò, oij penuria, nec dum descripsimus, nec minus pingi curauimus: At breui (iterum inquam) plura nos daturos speramus, tum ex his quæ iam actu colimus, tum etiam quia proximis his diebus Illustrissimo Principi meo ex Indijs missa sunt, & semina plurima ultra centenarium numerum, & bulbos non paucos, quæ si solum nostrum alere non indignabitur publico non inuidebimus, faxit Deus ut prospera sint, & Clementissimo Heroi meo, & vobis, & mihi, & plantis nostris, prout opto, omnia.





*Imprimatur, si videbitur Reuerendiss. P. Mag. Sacri Palatij Apost.*

*A. Episc. Hierac. Vicesg.*



**E**X Reuerendissimi P. Fr. Nicolai Rodulfij Sacri Palatij Apost. Magistri  
Mandato. Ego infra scriptus diligenter legi opus inscriptum. Exactis-  
sima descriptio rariorum quarundam Plantarum, quæ continentur in  
Horto Farnesiano. Tobia Aldino Celenate Auctore. In quo nihil inueni,  
quod S. R. Ecclesie, aut bonis Moribus aduersetur, sed summa eruditione ple-  
num, dignumq. et in utilitatem Reipub. Medice exponatur iudico, in quorum  
fidem &c. hac die 5. Iunij 1623.

Ego Benedictus Auerrinus Med. Physicus.

*Imprimatur.*

*Fr. Vincentius Martinellus Mag. & Socius Reuerendissimi P. Fr. Nicolai  
Rodulfij Ord. Predicatorum, Sacri Palatij Apostolici Magistri.*




IN-



# I N D E X

## CAPITVM HVIVS OPERIS.



De	 C A C I A .	cap. 1.	fol. 3
	Descriptio arboris Acaciæ Farnesianę.	sect. 1.	3
	Æquiparatio cum Græcorum Acacia.	sect. 2.	7
	De Vsu Acaciæ Ægyptiæ.	sect. 3.	25
De	H yiucca Canedana .	cap. 2.	33
	Historia, & descriptio H yiuccæ Canedanę.	sect. 1.	33
	Censura aliarum de H yiucca relationum .	sect. 2.	36
	De Pane H yiuccæ Mexicanæ .	sect. 3.	38
	De succo H yiuccæ .	sect. 4.	41
De	Maracot .	cap. 3.	49
	Descriptio Plantæ Maracot .	sect. 1.	49
	De fructu Maracot .	sect. 2.	57
De	Lauro Indica .	cap. 4.	61
De	Hololiuchi .	cap. 5.	71
De	Glande Vnguentaria .	cap. 6.	73
De	Lilionarçisso rubeo Indico .	cap. 7.	83
De	Spinacibus fragiferis .	cap. 8.	85
De	Ricino Americano .	cap. 9.	87
De	Campanula Exotica .	cap. 10.	89
De	Caryophillo Spicato .	cap. 11.	91
De	Solis flore tuberoso .	cap. 12.	91
De	Helleboro nigro trifoliato .	cap. 13.	93
De	Aloe Americana Florida .	cap. 14.	95
De	Narcisso Calcedonico prolifero .	cap. 15.	97
De	Caryophillo prolifero .	cap. 16.	97



IN-



# INDEX

Figurarum, quæ sunt in hoc opere.



*ACACIA Farnesiana.*

pag. 2

*Acacia Indica, folia, flores, & siliqua.*

4

*Acacia nostra Indica lobus.*

7

*Acacia Aegyptia lobus.*

16

*Acacia fructus Bellunensis.*

17

*Hyiucca Canedana.*

32

*Flores Hyiuccæ Canedane.*

34

*Folia Hyiuccæ Mexicana.*

38

*Panis Hyiuccæ Mexicana.*

40

*Maracot Indicum.*

50

*Flores Maracot.*

52

*Fructus Maracot.*

58

*Laurus Indica.*

60

*Folium, & Baculum Cannellæ.*

68

*Hololiuchi.*

70

*Balanus Myrepfica.*

72

*Folium glandis Vnguentaria.*

74

*Vas pro conficiendo Oleo odorato.*

79

*Lilionarcissus Rubeus Indicus.*

82

*Spinacia Fragifera.*

84

*Ricinus Americanus.*

86

*Campanula Exotica.*

88

*Garyophillus Spicatus.*

90

*Helleborus niger trifolius.*

92

*Aloes Americana florida.*

94

*Aloes flos, & fructus.*

96

*Narcissus Calcedonicus Proliferus.*

*Garyophillus proliferus.*



HORTI



1

# HORTI FARNESIANI RARIORES PLANTAE

EXACTISSIME DESCRIPTAE

A TOBIA ALDINO CESENATE

Spagyrico, & eiusdem Horti Præfecto.

*Ac Illustrissimi, & Reuerendissimi Principis sui à Cubiculo.*



IRABITVR fortasse, qui hæc nostra aspiciet, me ex innumeris plantis, quæ in Horto Illustris. Principis mei coluntur, paucas tantum mihi describendas proposuisse. Fateor multa ibi adesse, hic desiderari multa, flores præcipue rariores, & nondum descriptos, vt inter bulbearum, & tuberosorum genera, necnon inter herbarum, suffructicum, fructicum, atq. Arborum, raras, multas, & hucusq. à nemine descriptas species. Quia tamen, nec otium datur hæc (chimie in totum addicto, & occupato) describendi, nec intentio est, nisi Indicas adultiores afferre plantas, benigni Lectores id æqui boniq. consulent; sed non deerunt Critici, ac Momi, qui prolixitatem accusabunt, quibus respōdemus, nos non scripsisse, & promississe breuem descriptionem; sed exactissimam: cum autem breue, & exactum simul esse nequeant, prolixitatem non respui. Adde nos non simplicem hic plantarum quarūdam dare Historiam, sed Philosophicam, Medicamque simul Historiam, quæ paucis verbis comprehendi nequit. Verum cum simplices, nec controuersas Plantas tradimus, nos quoque breues benignus reperiet lector.


A DE



## ACACIA INDICA FARNESIANA.







# DE ACACIA

## CAPVT PRIMVM.

Descriptio Arboris Acaciæ Farnesianæ.

### SECTIO PRIMA.



**P**LVRES Acaciæ plantas alit, Illustrissimi Principis, & Cardinalis Domini mei semper Clementissimi Romanus Hortus, (non alter, quod sciam, in tota Italia vna excepta planta, quam benè adultam, & cum sua terra in apto vase plantatam, adhuc florentem, Serenissimo Aettruriæ magno Duci dono mitti iussit superiore Anno Illustrissimus, & Reuerendissimus Princeps meus) semen ab Insula S. Dominici dicta (aliàs insula *Spagnola*) propè Mexicum transmissum fuerat, plantæ autem nobis ortæ Anno Saluatoris nostri 1611. Harum Arborea magnitudo nunc Auellanam, seu Nucem Ponticam dictam æquat, & superat, altitudine quippè dimensa ad cubitos duodecim, & procerior qualibet esset, nisi præteritis annis Hybernum frigus valde læsisset: Caudicis autem crassities semipalmum suo continet diametro; Atque sua etiam figura, & cortice, dictam nuper æmuleretur omninò nucem, si aculeis careret, dum scilicet sine folijs spectatur, Hyemali nimirum tempore, seu à Decembri mense, quo decidunt frondes, usque ad Maij initium, quo germinare incipit Arbos. Rami insunt longi, alti, atque erecti; sed iuncturis haud in rectum sibi respondentibus, fractu contumaces, & flexiles, cortice leui, lenique, vt Auellana. At Ramusculi nouelli, ea quidem, qua humum spectant, vel Septentrionem parte, viridicineri; sicuti superiore, Solique apposita, obscure rubentes, atque albis punctis commaculati apparent, qui tandem solidiores effecti, cinerei, cum diluto virore, toti visuntur. Folia Maio mense alternatim in ra-

Acaciæ plan-  
ta Magno  
Duci Aettru-  
riæ missa.

Plantæ Aca-  
ciæ figura.

Foliorum  
Acaciæ de-  
scriptio.



## ACACIAE INDICAE FOLIA, FLORES, ET SILIQVAE.





mis, modò ex vna parte, modò ex altera, antè primos flores, elucescunt, ramosa, pennataq. Filicis sceminæ in modum, non vniformiter tamen; nam alia quatuor, alia quinque, sex, septem, & alia octo pro quolibet latere sunt prædita ramulis, sed paribus semper numero, ita vt nunquam summitas, ac in Filice dicta, vno desinat folij ramusculo, in quorum vno quoque parua, oblongaue sunt foliola viridia, instar foliorum lentium, vel Aphacæ, inuicem opposita, se se ex ordine contingentia, & quæ post Solis ortum extenduntur, expansaque remanent vsquè ad Vesperas, clauduntur verò se inuicem cum oppositis conduplicata, paulò antè Solis occasum.

Aculei cuilibet folio, in lateribus pediculi connascuntur bini, initio colore carneo, postea albescentes, validi, vnciam, & amplius longi, qui remanent diu in ramis, & caudice, etià deciditibus folijs.

Flos Quintilis mensis initio apud nos postquam folia pauca ex veteri ligno emerferunt, apparet, non quidem in multa copia, sed qui fructum perficiat: Septembre autem incipiente, post plurima etià alia enata folia, iterum floret copiosè ex nouellis furculis: at minimè filiquas ex his posterioribus copiosissimis floribus nobis spectare licet, fortè ob frigus insequens; nam Alpinus bis in anno Acaciam in Aegypto fructus ferre, & maturare scripsit. Verni flores pauciores sunt numero, & singulatim oriuntur, breuique annectuntur pediculo: Autumnales verò copiosissimi (vt dixi) prodeunt; atque tres, quatuor, quinque, vel sex propè orti, & quasi simul, longoque pediculo pendentes hærent, cæterò non differunt. Porro flos iste cum paruulus est viridi cernitur colore, paruaq; figura imitatur fragam, deindè lutescit, & post duos, vel tres dies albescens, sic cano hominis capillo haud absimilis, parua etiam pilæ in modum est rotundus, apparetq; quodammodo tomentosus, ac lanuginosus, quasi ex pluribus flocculis confarcinatus: sed re vera à medio prodeunt infinita quadam mirum in modum tenuissima filamenta, in summo luteum apicem, paruum, rotundumq; ac arenæ granulo similem habentia, quæ circumposita cum suis apendiculis, globum luteum efformant fructus Cerasi magnitudine, & figura. Adhuc autem exactius hunc florem examinans reperi parua, & oblonga Vascula (seu potiùs Caliculos) optimè simul confacta in perfectam rotunditatem, numero aliquando 95. 100. & 110. & plùs, & minùs, quæ omnia occlusa, sunt viridia, aperta verò, scilicet cum efflorescunt, singula quælibet 40. vel 50. tenuissima, breuiq; & lutea filamenta, (seu capillamenta, aut potiùs pilos) in summo sortita paruulum granum luteum pro Apice, continent, atque emittunt. Sapore est flos iste parum astringenti cum leuicula quadam amaritudine. Odor verò datus est gratus, & suauis, nec

Aculei Acaciae.

De floribus Acaciae.

Flores Verni.

Flores Autumnales.

Exacta floris inspectio.



diffimilis ab eo, qui in lutea Viola, vulgo Keiri dicta, sentitur, at paulò acutior: Odoremq; suum siccatus flos diù pertinaciter retinet, mira, etiam suauitate. Florescens arbor primùm toto Iulio mense visitur, & iterùm secundo toto Septembri, atque Octobri, & nunc etiam Decembri: non tamen eodem simul tempore vigentibus omnibus floribus, verùm successiue. Atque etiam vidimus istos flores (qui fructum non produxerint) siccari in sua planta, appensosq; remanere suæ Arbori vsquè ad Ver insequens, folia verò nostrarum plantarum decidunt penitus omnia Hyeme, nudaq; spectatur Arbos vsque ad mensem Maij. Florere autem apud nos cœperunt ab indico semine enatæ hæc plantæ post triennium ab ortu suo.

Siliquæ à floris centro prodeunt numero variæ, solitariae interdum, aliquando verò binæ, ternæ, quaternæ, & senæ, septenæ, & denæ etiam, nec rarò etiam plures, ab vno eodemq; flore. Cum enim ortum ducant siliquæ ab illis vasculis in flore dictis, quæ cum centena quandoq; numerauerimus, nec etiã erit impossibile ab vno globoso tantum flore centum oriri siliquas: positu autem, figuraque simillimæ conspiciuntur Piperi Æthiopico à Matthiolo descripto, & figurato; sed sapore, & internis seminibus differunt, vt animaduertimus sedulò aliquoties. Præterea nostræ Acaciæ siliquæ primo sunt virides, maturæ nigerrimæ, atque dùm paruæ sunt sapore adstringentissimo gustantur, & sunt contortæ, & rotundiores, ac veluti cornicula: maturescen- tes verò diminuto astringenti, acris in cortice sentitur magis sapor: maturæ denique figura & magnitudine Lupinorum siliquas æmulantur, aliquantùm contortas, longæ sunt sex vncias, digiti minoris crassitie, rotundiusculæ, & tuberculosa, ob semina inclusa, cortex siccus validus est.

Semina Carobiæ, seu Siliquæ vulgaris seminibus sunt similia cum sunt matura, dura, atq; nigra; immatura verò viridia sunt, & Piseoli magnitudine, ac figura; sed non rotunda, quam longiusculam hæc habent, duro cortice, vt dixi semina prædita sunt, substantia verò interna in duas partes est diuisibilis leguminum more. Sed mirum, huius Acaciæ semen vnum tantum paululum ore mansum adeo calefacit os, & palatum, atque Allij odorem adeò imitatur, ac taliter eo odore os inficit, vt etiam à longè mirè foeteat halitus eius, qui huiusmodi semen parum manserit. Hinc dixit Petrus Castellus isto degustato hanc Arborem appellari posse Allium, vel Moli Arboreum. Semina autem in quolibet lobo plura sunt, & varia numero, modo plura, modo pauciora, & sine ordine in sua siliqua posita, & confarcta, vt patet in picto lobo cultri acuta acie per tranuersum secto, seminibus etiam tranuersè incisis, atque interposita est substantia quædam candida, & leuis.

Siliquæ Acaciæ.

De Seminibus.

Odor Allij.



## ACACIAE NOSTRAE INDICAE LOBVS.



Radix vna est recta, & profunda valde, à qua radiculæ plures prodeunt, Autumno quum arbor est humore turgens, & florida, radix ipsa succosa est etiam magis, & contrafacta odore quodam valido nares ferit, qui quodammodo brassicam contusam, putrescentemque à longè olet. lignea arboris pars dura est, albescens, inodora, & insipida, in centro medullam, seu animam paruum, nigram, & duram habens.

## Aequiparatio cum Græcorum Acacia.

## SECTIO SECVNDA.



ONFERENDA est nostra planta cum ea spina, quæ à Veteribus paucis notis designatur, difficultatesque aliquot emergentes agitando, vt clarè peteat nostræ plantæ vera essentia. Acaciam autem vocari scribit ab Ægyptijs Alpinus Sant, & Kakian.

In primis legitur apud Theophrast. lib. 4. de Hist. Plant. cap. 3. Magnitudine excellit, materies quippe duodenorum cubitorum, rectis idonea ceditur. & paulo post subdit. Erecta non valde assurgit Dioscorides autem. Acacia (inquit) in Ægypto nascitur instar Arboris fructifera, non se in rectum attollens. à quo non dissentit Oribasius dum scribit. Spina est Arborecens, non recta in altum crescens. At videntur hoc loco Græci opponi inuicem. Arborem facit Theophrastus magnitudine excedentem, rectis idoneam, nauiumque fabricis aptam. Contra Dioscorides non ἀέρδιον dixit; sed diminutè Ἀερίδιον, dicens: Arbusculam appellat.

Acacia Radix.

Discordia Græcorum.



Certum autem est Arbusculas non esse aptas sua tenui materia ad vñs à Theophrasto scriptos. nam Atheneus etiam *Δειπνοσοφιστῶν* lib. 1 §. cap. 20. *Spinam Arborem* vocauit.

Solutio.

Sed fortasse facile responderi potest, si dicemus arborem hanc natura quidem sua esse fructicosam, & ob multiplicem adnatam prolem difficulter posse in arboream magnitudine excedentem molem assurgere: sed si stolones, & furculi à radicibus prodeuntes auellerentur, qui alioqui multiplicati matri, & inuicem sibi alimentum eripiunt, quo fit vt crescant tantum ad fructificis, & parue arbusculæ altitudinem; si (inquam) Caudex tantum singularis demptis continuo nouellis furculis remanserit, non erit dubium, quin magnitudine excedere arbor illa possit, qua arte Tamariscus, Lentiscus, Mirtus, Salix, & huiusmodi alia arboream acquirunt magnitudinem, alioqui natura sua fructicosa; immo id continuo spectamus in Auellanis, Punicis, & ficibus; quorum incrementum prohibetur à multis ab radice stolonibus, notumq. agricolis est ortos ad radices arborum omnium furculos, filiosque matri, non modo incrementum, sed etiam fructum eripere. Nostra autem arbor valde à radice est fructicosa copiosaque ab ea producit germina, sed Olitoris diligentia sepe ablata, impedimento non fuerunt, quin ad dictam magnitudinem peruenerit.

Nostra Acacia fructicosa.

Acaciæ Arbor contorta.

Dubitatio.

Atheneus de Acacia.

In eo autem, quod scribit Dioscorides *ὅτι ἀρθροῦν*. cum Theophrasto sentit, nimirum hanc Arborem erectam non valde assurgere. Non se in rectum attollere, quod confirmauit Prosper Alpinus libro de Plantis Ægypti. *Crescunt* (inquit) *ad mori magnitudinem* (obscurum, an intelligat de moro Ægyptia) *ramosque sursum latius expandens: quod etiam Dioscorides admonuit, dicens arborem non in rectum se attollere. Caudex quanta est Pruni magnitudo cernitur, Corticemque habet nigrum & asperum.* Quæ quidem haud videntur consentire aspectui nostræ Acaciæ, quæ recta assurgit, ramosque rectos in altum tendentes profert, leni est cortice, cinereoq. ligno albo, (quamuis cor, quod paruum est, nigrius appareat) nec spectatur contorta, nigro asperoq. cortice, immo Acaciam debere habere ramos contortos coronæ in modum refert Atheneus loco citato, ex Demetrio scribente has spinas esse circa Abylum ciuitatem Ægypti, & appellauit simpliciter spinam, vti etiam fecit Theophrastus: itaq. scribit Atheneus. *Habet spinam quandam Arborem locus inferior, quæ fructum* (intelligo florem) *rotundum producit, ex ramulis quibusdam circularibus, floret hæc spina ubi est Ver, flosq. colore est obscuro.* Addit fabulam Atheneus aïens. *Narratur fabula quædam ab Ægyptijs, quod, cum Æthiopes in Troiam proficiscerentur sub imperio Tithonis, ubi mortuum esse Memnonem audierunt, in eodem loco coronas abiecerunt in spinas, sunt autem ramuli, ex quibus flos emit-*

titur



itur Coronis perfrimiles. Aliam etiam affert fabulam scribens. De semper  
 florentibus coronis in Aegypto ita scriptum reliquit Hellanicus in rebus Aegy-  
 ptijs: Civitas est fluvialis nomine Tindium, ubi Deorum fit concilium, atque  
 in media ipsa Civitate Templum purum, ac magnificum ex lapidibus conspicitur:  
 tum etiam extra Templum ipsum vestibula sunt lapidea, spinæq. candidæ, ac ni-  
 græ nascuntur, quarum in superiorem spinæ partem, coronæ ex mali punica, vi-  
 tisquæ flore compositæ proijciuntur, atq. hæ semper florent. Coronas Dei in Aegypto  
 eo tempore deposuerunt, quo intellexerunt Babym, idest Typhonem regnaturum.  
 Ad hæc dicere licebit, duplicem reperiri Acaciæ, seu Spinæ genus teste  
 Theophrasto. lib. 4. de Hist. plant. c. 3. Eius (inquit) duo genera sunt, quæ-  
 dam enim candida, quedam nigra, & altera imbecillis, facilèq. putrescens, nigra  
 autem robustior, atque incorrupta, ob id in navium fabrica ad costas, & ventrisq.  
 compagine ea utuntur, erecta non valde assurgit. confirmavit id Plinius  
 lib. 13. cap. 9. Nigra (inquens) incorrupta etiam in aquis durat, ob id utilissi-  
 ma Navium costis. Candida facile putrescit. sed lib. 24. cap. 12. addi-  
 dit tertium genus, cum scripsit. Acacia fit in Aegypto alba, nigraq. arbore,  
 item viridi, sed longè melior è prioribus. Distinctio autem albæ, & nigre  
 non videtur sumenda ex flore, vel fructu; sed ex ipsa Arbore, sic om-  
 nes Arborem dicunt albam, vel nigram, scilicet corticem Arboris,  
 ut Alpinus dixit. Fortè etiam ligni materia talis est: ipse vero Alpinus  
 Marem, & fœminam facit. unde mirum est Dioscoridem, qui in Aegy-  
 pto ipse fuit, & amicus ibi Antonij, atque Cleopatraræ Reginae, ut Suidas  
 refert, vnum tantum Aegyptiæ Acaciæ genus adnotasse. Nos ex mox  
 dictis ad difficultatem propositam respondebimus, nigram spinam, seu  
 marem esse illam, quæ in rectum non assurgit; sed contortis ramis, ut  
 clarè pater ex verbis Theophrasti, & illam intellexit Dioscorides, atque  
 nostram Acaciam (quamvis non ex Aegypto, sed ex insula sancti Do-  
 minici, ut dixi, nobis fuerit allata) esse illorum Spinam, seu Acantham  
 albam, (at diuersam à dicta Leucacatha, quæ herba est) dicemus: Et quas  
 vidit in Aegypto Alpinus arbores fortè annosiores fuisse, vel nigre Aca-  
 ciæ, seu Maris: dicemus etiam nostræ Arboris ramos non esse omnino  
 rectos, quamvis recta sursum tendant: nam rami non sunt rectilinei,  
 cum qualibet iunctura, à qua folium exiit, rectitudine cum altera  
 focia non respondeat; sed parum ad latus declinet, reflectatur, & angu-  
 lescat (ut ita dicam) unde ramuli sunt aliquantum obliqui, hinc, inde,  
 deflectentes, quasi serpentes, & contorti: ob id fortasse dixerè Auctores  
 arborem non in rectum assurgere: & quia etiam facile flexibiles in co-  
 ronam sunt, hinc Athenæus in Coronæ modum contortos ramos flo-  
 rentes ferre memoravit. At fortè in India, Arabia, & Aegypto idem  
 plantæ genus ramos magis cōtortos, quam in Italia fert. id fortasse acci-

dit

De Coronis.

Duplex Aca-  
cia, candida,  
& nigra.

Responsio.

Ut intelli-  
gantur rami  
contorti.



In Aula Car-  
dinalis Far-  
nesij sūt duo  
fratres pilosi

Cultura va-  
riant Plantæ.

Iudicium de  
icone Aca-  
ciæ Mattioli

Defensio  
Mattioli.

Fabius Co-  
lunna inu-  
stè acculat  
Mattiolum.

dit ob Cœli temperiem magis frigidam, unde cortex minus niger, rami minus contorti, & minus aculeata Arbor spectatur, eodem fere pacto, ac Aethiopum nigrorum albescere filios, in Gallia, & Italia videmus, sic videmus pilosos homines, (quorum aliqui, ex Canarijs insulis adducti in magnifica Illustrissimi Principis mei Aula commorantur inter alia mirabilia) filios producere paulatim a genitoribus pilorum copia degenerantes. idcirco sicut capilli, & pili copiosiores, robustiores, & valde intorti, & circinnati sunt hominibus calidæ, & siccæ complexionis, & habitantibus regiones summè calidas, & siccas, qui postea mutatione temperiei mitescunt, & plurimum variant, idem de plantis, & in præsentī de nostra Acacia imaginandum. quantum autem cultura, & cœli mutatione variant, & degenerent plantæ pluribus docent B. Marantha. & Io. Costeus in Meth. simpl. & alij. Quoniam verò Acacia Aegyptiæ icon est quidem apud Prosperum Alpinum, sed ipsius arboris rudis admodum: est etiam altera effigies apud Bellonium lib. 2. Obs. cap. 56. non minus inepta, ob eam causam hoc loco ex viua planta indica, optimè delineatam proponere libuit. ideam veram. Ut autem meam etiam afferam sententiam de Icone illa Acaciæ primæ à Matthiolo in suis doctissimis commentarijs posita, certum esse affirmabo non assimilari legitimæ Acaciæ, & nihil aliud videri, nisi Arborem Iudæ Herbarijs dictam, quæ Clusij siluestris est Siliqua, additis tantum spinis, ut Botanici omnes consentiunt, & ex eius figura, atque descriptione. clarè patet. sed fortè erit species Arboris Iudæ spinosa, quod non videtur impossibile, cum etiam cappares spinosi in Aphrica proveniant, (teste Dioscoride) non apud nos Romæ. Rubus etiam sine vllis spinis, quem sancti Francisci vocant, hic Romæ fructicat. Sunt & aliæ Plantæ, quæ nihil inter se differunt, nisi spinis. Si Mattiolo falsa imago oblata est, fidem ipse ab Auctore requirit: ab alio acceptam refert: dedit ipse quam accepit imaginem, & equidem ægrè tulissem, si scripsisset, se quandam habuisse Acaciæ picturam, quam noluisse ostendere, quia plantam non viderat. Nec in animū cadere vllō pacto potest eruditissimum, integerrimumq. Virum suo Marte illam effinxisse, ut Quadramius, & alij eius amuli in Lunam latrantes obijciunt. Quare, non dicam esse imaginariam, ut malè Pharmacarius Pona illi exprobrat, qui primam Antiquorum Acaciam (ut libri sui moles augeretur) se vidisse in Monte Baldo scribere ausus est, quam fortè vix vidit in Prosperi Alpini libello. Sed magis miror, Fabium Columnam similia, etiam Mattiolo imposuisse, non solum cap. de Fabâ Aegyptiæ, sed etiam de Ephemero scribentem: *id. solere Mattiolum*. quod facilius ipsi obijci potest, qui ex seipso Plantas à se (quod ego aliàs valde laudo) impressas,

delineat,



delineat, & exculpit, nec est, vt magis Columnæ, alteriue, quam Matthiolo credam. At nullo probato Auctori similem falsitatis notam inuendendam tam facile iudico. Scribit Matthiolus Ephemerum se collegisse in Ananiensibus montibus, appellariq; ab Incolis *Giglio Matto*. si Columna non vidit Matthioli Ephemerum in Cirinolanis montibus, quæ culpa est Matthioli? debuisset perquirere Ananienses montes, & à rusticis percontari illud lilium stultum, alioqui hæc non expertus, multum dicit, & nihil dicit. Dodoneus verò Animo sincerior Ephemerum Matthioli aliter delineatum proponit, & culpam in pictorem, non in Matthiolum reijcit. Sic etiam Fabam Aegyptiam testatur est Matthiolus se vidisse apud Odoardum Polonum (credo siccam, vel pictam) Syriani, & Aegyptum peragratum: si nondum talem vidit plantam, noster Columna, quid mirum? eas Regiones nequæ etiam vidit. Delineauit quidem Columna Arum Aegyptium cum flore: at si fides non est habenda, nisi ijs, quæ videmus ipsi, & pictas imagines sæpe pro Auctorum arbitrio fictas senserimus? cur credam Arum Aegyptium apud Columnam floruisse, si ego nunquam vidi talem plantam cum flore? si Matthiolus, Dodoneus, Clusius, Cefalpinus, Anguillara, Guilandinus, floridam non viderunt? nec alius quisquam vidit? si Alpinus, qui in Aegypto diu vixit, vbi spontè, & in maxima prouenit copia nusquam florentem vidit? nec quenquam vidisse audiuit? Credidero equidem, nisi vidisset Columna, non picturum fuisse: sed quis me certiore facit, ipsum non fuisse delusum ab illis Aromatarijs, apud quos Arum Aegyptium cum flore se vidisse, scribit, non nè poterant (quæ est humana calliditas) Ari vulgaris flores adaptare artificiose? vt aliàs in alijs plantis à deceptoribus factum scimus. At id Columnæ non obijciam ego, qui scio, scripsisse Marantam lib. 2. Meth. cap. 7. sibi missum huius florem à Luca Ghino, qui, præter magnitudinem, nullam ab Ari flore dissimilitudinem habebat. Sed ad Acaciam habuisse credo Matthiolum ab illo Mercatore eam Acaciæ figuram, quæ cum Dioscoridis Acaciæ minimè quidem quadrat, at à Mercatore fictam esse, nec est quod credam, quid enim prohibet reperiri similem plantam in India, Arabia, alijsque remotis Regionibus? Clusius censuit, Iconem arboris Coral, cum illa Matthioli Acaciæ, aliquo modo conuenire, sed pictoris forsan vitio disferre. Exemplum sit floris Maracot figura, in qua Pictores quantum à veritate deuiauerint, qui nostram cum aliorum iconibus conferet, manifestè agnoscer.

At hoc loco scribit Dioscorides. *Acacia in Aegypto nascitur*, ob id Alpinus *Huiusmodi* (inquit) *planta genus non ex Græcia, vt Andreas Matthiolus Bizantio accepisse ait, in quo tamen non parum deceptus fuit: sed ab*

Turela Matthioli.

Dubium de plantis Columnæ.

Maranta suffragatur Columnæ.

Defenditur Matthiolus à Columna Alpini.

Aegy-



*Aegypto foret petendum in qua omnes scriptores Acaciam provenire affirmarunt.* Equidem iterum assero Acaciam à Matthiolo impressam non esse genuinam Acaciam Aegyptiam Græcorum: sed Matthiolus non est falsitatis redarguendus, ipse accepit à Mercatore iconem. An lex est Auctores non debere scribere, nisi quæ viderint ipsi? Dioscorides quidem scribit initio suorum librorum. Se traditurum plurima, quæ ipse exactè viderit, quædam etiam ex aliorum relatione. At quot assert Theophrastus, quot Plinius? quibus quia, & ipsi forsitan paucam habebant fidem, Auctores citant, & illis fidem præstari volunt. Nos si Dodonei considerauerimus Nasturtij Indici Iconem sibi (vt ait) transmissam, multum ab eo, quod apud nos nascitur distabit, quid si imaginaremur aliam esse speciem? vel cæli aspectu variantem, vel pictoris inscitia? ponit etiam Tigridis figuram nusquā ab eo, nec à nostrum vllō visam. an dicemus Dodoneum eam finxisse? Sed quod magis est exhibet idem bulbi Eriophori imaginem cum flore quodam Tomentaceo, non dixero tamen falsam, quamuis aliter de Visu pingat Clusius, & nos vidimus (testibus Petro Castello, & Henrico Coruino Botaniciis Romanis) aliquoties florentem, spicato flore, vti squilla, atque stellato, sed colore cæruleo, rarissimè autem florent hi bulbi, etiam si plurimi, ob magnam fertilitatem in hortis apud Herbariæ studiosos reperiantur, ob quam florendi raritatem aliquem facile afficere potuit libido florem illi bulbo suo Marte fingendi, eumq; Cortusio offerendi, qui deinde ipsum Dodoneo communicauerit. Sed magis inclinatur animus, opinari aliam esse speciem. Itaq; quò diuerteram regressus non consentiam Matthiolum errasse eo, quod imaginem quandam Acaciæ nomine acceperit à Constantinopolitano, non ab Aegypto quæsiuerit, non enim in Aegypto tantum oritur Acacia; sed alibi etiam, vt ipsemet testis erit Alpinus, qui scriptis reliquit. *Huius arbores copiosissimæ in Montibus Synai, penè rubrum mare, positæ proveniunt.* At mons Synai non est in Aegypto: sed in Arabia Petrea, postea subdit *in Montibus Arabiae albos flores ferre.* Atque in Monte Synai, & Arabia quoq; Acaciam se reperisse testatur Bellonius lib. 2. obseru. cap. 54. 56. 60. 66. 68. 80. & circa Hierosolymam cap. 86. quæ est in Iudæa, & Palæstina. Nostra autem Acacia nobis delata est ex Insula S. Dominici, quæ in India est propè Mexicum: licebat igitur Matthiolo, etiam ab Arabe, Iudæo, & Indo, non ab Aegypto solum, Acaciæ iconem accipere: sed nonne Byzantium petunt Regis Turcarum sedem Aegyptij, Arabes, Syri, & aliæ Nationes plurimæ illi subiectæ? & cur Mercator Constantinopoli non potuit habuisse Acaciæ Aegyptiæ Ideam? Altera Difficultas est, nam scripsit Dioscorides. *Ακασία ἐστὶ δερδρὸν ἐν*

Nasturtij Indici icon Dodonei variat in nostrate.

Flos Eriophori.

Vbi nascatur Acacia.

Difficultas de spinis Acaciæ.

Spina



*Spina Arboris figura.* Theoph. *Spina* (inquit) ex eo nomē accepit, quod tota *Ar-*  
bos aculeis horret, excepto caudice, nā, & super germina, foliaq. aculeos gerit. *Spina*  
etiā appellauit simpliciter Atheneus. At scripsit Plinius *Aculeus spinarum*, & in folijs. *Alpinus* verò. *Caudex* (ait) corticem habet multis acutissi-  
mis spinis munitum. *Arbores*, quæ in prædictis montibus spectantur spinis albis  
horridissimæ sunt. *Nostri* *Acacia* non adeò spinosa videtur, nec gerit in  
folijs spinas; sed tantum in trunco circa foliorum latera binos pro sin-  
gulo quoque folio producit aculeos, ita vt frondium pediculus in me-  
dio aculeorum locetur, quo decidente folio remanent ipsi *Aculei* albi,  
& non valde crassi, ac solidi, ideoq. plures apparent spinæ etiam supe-  
rioris anni. Dicemus ergo *Acacia* non rectè ab Antiquis tribui acu-  
leos in frondibus; sed fortè voluerunt singulis frondibus connasci acu-  
leos, vt dixi, & ita optimè dicunt. At quia subdit *Alpinus*. *Huius Arbo-*  
*ris Mas*, atque *fœmina* reperitur, *Mas* quidem spinis est horridus, fructus non  
edit, *fœmina* spinis paucioribus, mollioribusq. referta est, eaque intra ramos non  
habet, sed tantum extra, ideo afferere licebit nostras *Arbores*, (quamuis  
indica sint,) quia fecundissimæ, paucioribusq. aculeis præditæ sunt,  
referri posse ad *Alpini* *Acacias* fœminas, & albas *Theophrasti*, minus  
robustas, & tenuiores.

Tertio de *Florē* videtur dubitandum, nām scripsere *Dioscorides*, &  
*Oribasius*. *ἄνθος ἔχουσα λευκὸν*. *Athenæus* vero *flos colore*, est ob/curo scripti.  
*Theophrastus* nihil de florum colore, nihil *Plinius*, cum autem nostri  
flores lutei sint, non albi, vt voluere auctores dicti, quamuis tractu tem-  
poris languescerent postea albescant, canescantq. ideo colore differen-  
tes possent reijci: sed pauca est differentia cum amborum colorum flo-  
res inueniantur, & forte fœmina, albæ spinæ luteum producit florem,  
mas verò, & nigra *Theophrasti* spinæ florem album fert, minimè verò  
femen. Vtriusq. coloris poterit esse testis *Alpinus*. *Flores* (inquiens) *par-*  
*uos*, *pallidos*, *subflauos*, atque etiam *albos*, *rotundos*, *paruos* tanæ *floccos* imitan-  
tes, *platani* fructibus formæ planè similes, his tamen longe minores, & nihil  
aliud flos huiuscæ arboris videtur, quam mollis lanugo paruum, rotundumq. glo-  
bulum efformans, non ingrati est odoris. *Quæ* *Cayri* aluntur, flores habent flauos,  
vel pallidos, quæ sunt in montibus *Arabia* albos. *Aptus* porrò locus hic vide-  
tur in quo explicentur *Virg.* verba lib. 2. *Georg.* de *Acantho* *Baccifera*.

*Quid tibi odorato referam sudantia ligno*

*Balsamag; & baccas semper frondentis Acanthi?*

Multos anxit *Acanthus* hæc *Virgiliana*. *Seruius Grammaticus* *Maro-*  
nis commentator, docuit *Acanthum* arborem esse in *Ægypto* semper  
frondentem, dictam, quasi spinis plenam, & abundare etiam in *Cyrenai-*  
*ca Insula*. *Christophorus* autem *Landus* alter *Virgilij* commentator,

B idem

ad hanc M. 3  
ad hanc M. 3  
ad hanc M. 3

*Acacia* fron-  
des non sunt  
*Aculearæ*.

*Acacia* fron-  
des non sunt  
*Aculearæ*.

Dubitatio de  
flore *Acaciæ*.

*Acanthus*  
baccifera  
*Virgilij*.

Comentato-  
rum *Virgilij*  
opinio.



B. Marantha  
de Acantha  
Virgilij.

Guillandinus  
de Acan-  
tha baccife-  
ra.

Acanthus  
semper fron-  
dens.

idem affirmat Ecloga. 3. Sed qua id coniectura assequuti sint, non declarant, & videtur hic postremus pro Acantho baccifera proponere Plinij Piracantham, quæ baccifera est: sed facile nos refellemus, quia perpetua fronde nec vireat, nec Ægypti propria planta hæc sit. B. Marantha lib. 2. sui Meth. cog. simpl. c. 7. quærens eandem arborem explicare, scriptum reliquit. *In non leuem suspicionem duxit nos Plinius, ut crederemus Acanthum hanc esse Ebeni speciem, de qua ille lib. 12. cap. 5. Nam cum cap. 4. Loquutus esset de Ebeni altera specie, quæ fructuosa est Cytisi modo, statim cap. 5. subdit. ibi est spina similis, sed deprehensa, vel lucernis, igni protinus transiliente, spina Acanthi nomen videtur exprimere. Hocque spina genus idem esse videtur, quod Dioscorides cap. de Ebena. Sesamina, aut spina lignea, quæ ob similitudinem pro Ebena venibant, quod discernebatur ex eo, quod fungosa erant, & in purpureas hastulas resoluebantur, unde fortè propterea lucernis apta erant, ut ignis rapacia.* Cum non constet, an Psendoebenum perpetuo vireat, & an Baccas producat, inanis est, & leuissima ista Maranthæ suspicio. Guillandinus autem acerbior Patauinus Olitor in Epistola ad Langium iactans se explicaturum Virgilij Acanthum bacciferam Athenæi verbis antè à nobis allatis, maximis implicitus erroribus, omnia confundit. cen fuit hic quidem benè Virgilium loquutum de Acantho Ægyptia Athenæi, quæ semper est frondens. sed esse diuersam ab Acantho Ægyptia Dioscoridis, Plinij, & Theophrasti ineptè imaginatus est: Deinde ratus Virgilium veras baccas intellexisse, quæ à siliquis multum differunt, deceptus est secundo ipse Guillandinus, non Hellanicus ab Athenæo citatus, rationes huius Borulsi nullam vim habent: falsum enim est Acaciæ Arborem siliquas ferentem semper frondere à nullo vnquam hominum adnotatum. Nam Athenæus *semper florere* apertissime scripsit; unde si semper floret, rationi etiam consonum est semper frondere, ita vt cum floribus coniuncta semper sint folia, unde forsitan Virgilius paucam diuersitatem posuit inter Verba *semper frondentis Acanthi* ac illa *semper florentis Acanthi*. Seruius etiam retulit in Ægypto esse Acanthum, Arborem semper frondentem, & Bellonius Acaciam inter Plantas perpetua fronde virentes reposuit, & ex Alpino etiam colligi potest cum asserit florere Nouembri Mense, & iterum Martio, quamuis apud nos ob ingentia frigora, aliter se res habeat: quum verò scribit idem Guillandinus. *Flos siliquati Acanthi candidus esse, coronariusq; traditur, contra bacciferi fuscus, obscurusq; nec coronis magnopere expetitus.* dupliciter errat. Dicemus nos optimè Hellanicum duo Acanthi fecisse genera, albam, & nigram, quarum vtraque siliquas gignit, non baccas propriè dictas, fructusue rotundos, quamuis rotundum fructū scripserit Athenæus, accepit enim florem pro fructu, qui Platani fructui persimilis est, minor tamen: vn-

de



de si Dioscorides, Galenus, & alij, ob rotunditatem Platani fructus lanu-  
ginosos Pilulas vocauere, & Pausanias lib. 7. Hist. Veteris Græciæ. Bac-  
cas dixit: cur non licebit Athenæo, & Poetæ Bacciferam dicere Acan-  
thum, & fructum rotundum? at florem intellexisse Athenæum videtur  
manifestum; quia hoc ipso flore, seu fructu rotundo ipse utebatur in Co-  
ronis, & hunc ipsum rotundum florem verè florere dixit, diùque per-  
durare: ideo fabulas texerunt de perpetuis Coronis Poetæ. Flos autem  
fuscus is forsan est, qui nobis luteus floret; & falsò asserit Guilandinus  
Acanthum flore rotundo, & obscuro, coronis non expeti; nam contra-  
rium expressè docuit Athenæus. Sed ad Virgilium. Mea sententia est  
Bacca nomine inproprie ob similitudinē quandā vsum Virgiliū, cum  
intelligeret flores rotundos, vt bacca sunt; sicut etiam in Culice dixit.

*Nec Indi conchea bacca maris pratio est.* *Intelligens Margaritas, seu Vniones rotundos instar baccarū, quod fortè  
desumpserat ex Theophrasto Peripatet. libel. de lapidibus id clarissimè  
exprimere hinc verbis. Vnio vocatur pellucida natura bacca.* Palladius autē  
magis abusus hoc nomine videtur, cum dixit *Caprae baccas* rotundum ip-  
sius excrementū. Licebit itaque Acaciæ, quæ Spina Ægyptia est, florem  
rotundū, quandoq; appellare fructum, quandoq; baccam, necnon etiam  
quandoq; Pillulam; nam sua rotunditate, & magnitudine, Cerasi fructū,  
& baccas amulatur, atq; paruam Platani pillulam. Posset etiā imaginari  
aliquis, Virgilium per Acanthum bacciferam, seu spinam bacciferacem  
non Ægyptiam spinā voluisse; sed aliam quandā, & foras illam, cuius  
meminit Plin. lib. 15. c. 24. qui locus haud videtur Guilandino fuisse  
notus, vbi ait. *Bacca Aquifolio, & spine sine succo*, sed quam spinā cum bac-  
cis velit Plinius, mihi nō constat, an spinam albam leucacantham dictā,  
an Piracantham, an Pseudoebenum, an spinam Ægyptiā Dioscoridis,  
vel Guilandini, vel aliam? nostra opinio iam supra satis explanata est.

Quærenus quarto pauca quædam de semine, si quidem Dioscorides  
ait *τὸ δὲ καρπὸν ὡς περ ὁ ἕρμιον ἐν λοβοῖς κείμενον* *fructum vti lupinus in siliquis fert.* Sic  
Theophrastus. *Fructus in siliqua, modo leguminum, quo incola coria perficiunt  
vicē galla.* Plinius verò. *semen in siliquis, quo coria perficiuntur galla vicē.*  
nec placent Hermolai verba vertentis Dioscoridis textum *semen lupini  
in siliquis*, nec Ruellij, qui interpretatur *semen lupino simile in folliculis*. qui-  
buscum videtur sensisse Guilandinus, & quidam alij: immo Oriba-  
sius legit. *semine cū Lupinorum candido in siliquis.* vbi addidit etiam can-  
dorem feminum, credo præter rationem, nec multum differt Serapio  
Arabs, qui transferens dicta Anazarbei, ait. *Fructus eius est sicut Lupi-  
nus albus, & est in vaginis.* hic albedinem Lupinis faciat. Verum hi qui-  
dem omnes mentem Dioscoridis, & Theophrasti non sunt assecuti.

Quid Bacca  
Acanthi.

Acanthi bac-  
ciferæ alia  
expositio.

De semine  
Acaciæ.

Error quo-  
rundam.



Nam semen non dicitur in textu græco lupino simile, ut hi transferunt, sed siliqua, quoniam nomine *καρπῖον* accipit Dioscorides totum fructum ex siliqua, & semine adhuc integrum, non semen solum, ut ij vertunt, nobis Alpinus etiam assentitur. *Ex floribus* ( inquit ) *siliqua lupinorum æmula proferuntur, ipsis veruntamen minores, in primis virides, & mox nigrae apparent, quorum semina dulcium siliquarum seminibus sunt similia, & in siliquarum folliculis sunt conclusa.* Non igitur semen, sed siliquam lupino comparavit Dioscorides, nomine fructus. Plinius autem lib. 24. cap. 12. de semine loquutus est, dicens. *semen omnium lenticula simile minore est tantum, & grano, & folliculo.* ex quo colligimus etiam Ægyptiam spinam habere granum lenticulæ simile, quamvis Dioscorides de Capadocica tantum id retulerit; nec censeo hæc Plinium confusisse, ut illi obiecit Guilandinus; sed vera adnotasse, nec semen, folliculumque, minora esse lenticula debemus intelligere; quamvis videantur id dixisse Dioscorides, & Plinius: sed contrarium potius, ut de visu testari possumus, minor enim est Lenticulæ fructus, tam grano, quam folliculo tum Acacia Ægyptia, cuius seminis mox dabimus figuram, tum Indica nostra; unde dicemus apud Antiquos idem intelligi tam de Ægyptia, quam de Capadocica; ideò vel in textu erratum est, vel intelligendum ipsam Lenticulam esse minorem, tum grano, tum folliculo, quam sit Acacia, ut dixi, vel dicendum minoritatem non ad Lenticulam referri, sed ad alteram Acaciam: ita ut Dioscorides assimilauerit Acaciæ ponticæ semen figura tantum lenticulæ, minoritate verò Ægyptiæ spinæ folliculo, & grano. sic Plinius voluit Acaciam Ponticam minorem esse tantum, & grano, & folliculo Acacia Ægyptia. Nostræ autem Acaciæ ( quæ Indica est ) siliqua, quam paulo ante pictam ostendimus, externa facie lupini lobum perbelle imitatur, non autem interno seminum posito: semina verò ipsa, lenticulis sunt maiora, & lupinis minora, sed aptius assimilantur Carobiæ seminibus.

Comparatio  
cum lenticu  
la.

## ACACIAE ÆGYPTIAE LOBVS.




- A Siliqua aperra, & semen Acaciæ Ægyptiæ, apud P. Bellonium depicta.  
B Siliqua integra Acaciæ Ægyptiæ, nobis transmissa, & semen. similia picturæ.  
P. Alpini.

Vifum



Visum est hoc loco lectoribus exhibere etiam Acaciae Aegyptiae seminis, & folliculi iconem, ut innotescat quantum conueniant, & differant à nostris Indicis. Bellonius exhibuit figuram apertae siliquae, cum semine rotundo caudato. Alpinus autem integras siliquas suis arboribus appinxit. à quibus non differt à nobis picta imago, desumpta ex lobis aliquot à Ferdinando Imperato Neapolitano pharmacopeo, & rerum naturalium inuestigatore diligentissimo, transmissis ad nos, & Henricum Coruinum eruditissimum Botanicum, nomine Acaciae Aegyptiae, quae perbellè quadrant dictis Antiquorum. Nam semen est Lenticulae magnae facie, & colore, in oculis connexis, folliculisq; iugatis, qui modo triloci, modo quadriloci sunt, seu ternum, quaternumve seminum capaces, ut de tali spina retulit Dioscorides. His accedere videtur etiam rudis illa apud Bellunensem delineatio in interpretatione Vocum Auicennae. *Acacia* (inquit) *fit ex fructu Arboris Setam, qui Alcharad appellatur, & est fructus stipticus in vaginis contentus in modum fabarum, & faseolorum secundum hanc figuram.*



Nostra autem Acacia, cum plura, & conglobata semina afferat (taceo foliorum figuram, quae aliquantum etiam variat, à picturis Bellonij, & Alpini) non parum differet. Possemus tamen dicere, vel semina esse Acaciae Maris, & Nigrae, quae pauciores fructum fert, vel eius speciei esse, quae in Capadocia, Pontoq. prouenit: & forsitan nostra est alia species, quam indicauit tantum, non descripsit Bellonius lib. 2. c. 80. Circa Urbem Rama scribens: *Acaciae alterum Genus copiosè ibi prouenit, atque alius fructus spinosus, quem à Veteribus non descriptum arbitramur, suspicamur tamen Mirrae arborem esse, contorto est caudice, denso, horrentibusq; spinis obsito, folia habens Acaciae similia, sed paulo maiora.*

Quinto de Gummi est disputandum. Dioscoridis verba sunt. *Manat, & gummi ex ea Spina.* deinde subdit. *praefertur eius spina gummi, quod in Vermiculorum speciem contrahatur, & vitri modo perluceat, ligni expers, proximum est candidum, sordidum verò, & resinosum inutile.* Theophrastus verò sic nos admonet *fit & gummi ex ea, manat tum arbore percussa, tum sponte sine ulla fissura.* Nec Plinij testimonium est praetermittendum, quod huiusmodi est. *Gummi optimum esse ex Aegyptia spina conuenit, vermiculatum, colore glauco, purum, sine cortice, dentibus adherens, deterius ex Amigdalibus Amaris, & Ceraso, pessimum ex Prunis.* Multi dubitarunt, & adhuc dubitant, an Gummi Arabicum nostrarum Officinarum sit huius spinæ gummi. Negant aliqui, in primis Bellunensis in Explic. Vocum Aui-

Semina Acaciae Aegyptiae à quo nobis missa.

Bellunensis figura fructus Acaciae.

Coniectura.

De Gummi Acaciae.

De Gummi Arabico.



cennæ. Licet (inquit) ex Arbore ab Aegyptijs appellato Setan colligatur gummi, tamen gummi Arabicum est illud, quod colligitur ex Arbore dicta Amgailam, & Acacia fit ex fructu Arboris Setan. & Scaliger de subtilitate. Exer. 163. Gummi hoc (inquit) quod Arabicum vocant neutiquam in Arabia nascitur. Quia hoc ipsum quo utimur e Pruno, Ceraso, Amigdalo detrahatur: non enim est ab Arabia petendum, quam ob rem sine ulla cognominis adiectione, Gummi vocatum semper apud Veteres legimus; Galenus enim vix aliter, aut Alexander, aut Dioscorides. Quin ex Aegyptia spina cum optimum proberit. istius cognomenti ratio nulla erit. Brasauolus in simpl. Exam. concedit quidem per gummi Arabicū apud Auctores Arabes intelligendum ex Arbore Acacia: sed vulgare officinarum censuit esse colore varium, quia aliarum arborum gummi mista sunt Amigdalarum amararum, cerasorum, prunorum, vitium, olearum, vlmī. eiusdem esse sententiæ Matthiolum reperio tum in commentarijs in Diosc. tum lib. 5. Epist. ad Balthasarem Populum, ductum potissimum Andromachi verbis, quum scripsit.

Δάφνον ἐν μέσσοις βαλὼν κυναπὸν ἀκάνθη.

*Misce atram lacrimam, quam spina remittit.*

Ideoq; quum lacrima hæc atro sit colore, nullo pacto censendum vult, eam id esse gummi, quod passim habetur in Myropolijs, Arabicum vocatum. Namq; hoc Aegyptiæ spinæ non esse censet; sed diuersarum aliarum stirpium lacrima. præterea addit. *non contractis vermiculis simile, sed in grumis versicoloribus.* ad hæc. si hoc, quo utimur, sincerum, legitimumq; Acaciæ esset Gummi; proculdubio ipsa quoque Acacia ad nos conueheretur. addit postea alias ratiunculas ab alijs etiam eiusdem sententiæ allatas. non dissentiant Monachi commentatores Mesues. & Maranta lib. 1. de Teriaca cap. 25. imaginatus gummi, quod modo Arabicum vocatur, esse miscelam plurium gummarum diuersarum Arborū: inductus etiam tum varietate colorum huius gummi, tum etiam quia Galenus absolutè Gummi appellat, lacrimam illam omnem, quæ ab Arboribus manat non resiniferis, & hoc clarum adeò esse dicit, ut probatione non egeat, addit paucos esse Botánicos, qui Gummi Arabicum esse Acaciæ gummi censeant.

Contra tamen Arabicum Gummi esse Acaciæ Arboris Gummi pleriq; affirmant. Serapio Arabs Gummi Arabicum apertissimè scribit esse Acaciæ Dioscoridis Gummi, cum quo consentit etiam Auicennas, & Brasauolus concedit apud Arabes (ut paulo ante dixi) nomine Gummi Arabici intelligi Acaciæ Gummi. idem opinantur Syluius, Amarus, & alij. sed in hac re maxime credendum oculatis testibus, itaq; P. Alpinus Aegypti olim incola hæc scriptis reliquit. *Certo scio me sapissimè hisce manibus Cayri in Viridarijs multis Acaciæ Arboribus confectis ex ipsorum*

truncis

Scaliger de  
Gummi Ara-  
bico.

Matthiol.  
opinio.

Maranthæ  
rationes.

Verior Al-  
pini senten-  
tia.



truncis multam collegisse: ac præsertim in viridario propè ad eam Veneti Consulis posito, in quo sunt multe Arbores Acaciæ, ex quibus gumma manat, pacè Dioscoridis dixerim, non tota, sed paucissima, quæ vermiculari forma spectetur, neque tota alba, & clara. Vno etenim colore, ac vna figura neutique omnes Acaciæ Arboris gumma spectantur, talemq. formam, vel figuram accipit gumma, qualem motus succi è cortice manantis fit; nam interim ubi admodum est crassus, non multum deorsum mouetur; sed statim ferè excretus coalescit, granosaq. gumma tunc fit, tenuiore verò succo exeunte, multumq. fluxili, aliquando oblongam gummam reddit. Atque vno verbo dico me vidisse gummas Acaciarum, figura, atque colore plerasque Cerasorum, Prunorumvè gummis haud dissimiles. Præterea scies quoque, totam gummarum quantitatem, quæ ad nos ex Aegypto conuehitur esse Acaciæ arborum: quando nulla ibi Arbor sit (hac excepta) quæ gummas educat, Aegyptus siquidem, ac Arabia prunis, Cerasis, Pomis, atque alijs gummosis arboribus omnino caret: ex quo, non ex alia, quam ex Acaciæ gummas Arabes, ac Aegyptij colligunt. Huic omnino etiam assentitur P. Bellonius, qui & ipse de visu testis est. & his nos quoque credimus, nobis cum alijs plurimi.

Itaque obiectis facilis est responsio. Bellunensem quidem errasse manifestè dicendum; quum non constet, qualis sit illa Arbor ab Acaciæ diuersa, quæ Gummi Arabicum ferat. At Scaligero dicimus simplici prolatione Gummi apud Græcos intelligi Acaciæ gummam per Antonomasiā (vt dicunt) hæc enim optima, hæc alijs prælata, hæc in frequentiori erat vsu, denique quia hæc in maiori copia reperiēbatur, colligebatur, & afferebatur; sic etiam apud nos quoque modò nomine simplici gummi semper Arabica gumma intelligitur. Nec nomen hoc falsum, vel nouum est, etenim non in Aegypto tantum, sed etiam in Arabia colligitur, & ibi etiam in maiori copia, vnde ad nos affertur, iure igitur Arabicum Gummi vocatur, & ea de causa Serapio, & alijs Arabes ita ipsum vocauerunt, quos cum omnino sequerentur nostri maiores, in officinis receptum communiter est hoc nomen. immo nec apud Græcos nouum est: legitur enim in 2. Democratis Antidoto, quam affert Galenus 2. de Antid. cap. 3. qui locus dignus est aliqua consideratione.

Succi Cyrenaici boni dracmam cape

Acori, Phu, Castorijquæ, & Asari,

Seminis Cardamomi, Gummi Arabici

Liquoris Acaciæ.

Quin etiam hoc idem Gummi denominatum reperio alijs nominibus, vt 4. de comp. med. 2. loc. cap. 6. in Medicamento oculario Asclepiadis, & lib. 7. cap. 2. in eiusdem Arteriaca, & cap. 4. eiusdem Asclepiadis ad Hæmoptoicos: quibus in locis legitur Gummi Thebaicum, & hoc Gum-

Respondetur  
obiectionibus.

Alia nomina.



Nomina  
varia Gū-  
mi Acaciæ.

mi voluisse colligitur ex eo, quod Theophrast. testis est huius spinæ ingentem syluam circa agrum Thebanum esse in Aegypto. & liber de Dinamidijs inter Galeni spurios. cap. de vitijs stomachi ad venam ruptam interius. habet. *Gummi Saraceni*. eò quod in Mauritania Africa parte colligeretur, cuius incolæ infideles, Saracenos nostri vocauerunt: deinde ad dissenteriam laudauit. *Gummi de Babilonia* quia circa Babyloniam Aegypti, idest Cairo concrefcit: (vt referunt Brasauolus, & Franciscus Alexandri in Apolline) cum altera Babilonia non in Aegypto sit posita, sed in Mesopotamia; At in altera Babilonia cur colligi nequeat, non video, cum, & in Arabia, Syria, Palestina, Iudæa Acaciæ arbores proueniant, nec non etiam in India, cuius generis est nostra arbor. Serapion autem vocauit arborem ipsam *Spinam Babylonicam*. Præterea Marcellus Empiricus vetustissimus scriptor c. 14. vocat. *Gummi Alexandrinum* ab Alexandria Aegypti vrbe vbi emitur, & ibidem, atque etiam cap. 20. scribit *Gummi Acanthinum*. f. ex Acantho arbore, quæ omnia nomina vnum, & idem significant Gummi.

Responde-  
tur Matthi.

Matthiolo respondemus. in Antidoto, ex text. lib. 2. de Antido. paulo antè citati, recipitur Gummi, & liquor, & in Theriaca etiam ponitur tam gummi, quam succus Acanthinus, seu Acaciæ: & Andromachus cum voluit Gummi dixit. *tenax gummi*. Democrates verò simplicem *Gummi* nomen posuit; quum succum voluit Andromachus scripsit.

*Misce atram lacrymam Nili, quam Spina remittit.*

ille verò, qui apud Galenum etiam Theriacam descripsit Hexametro carmine, sic ait.

*Atque Paretonium fundit quem Spina liquorem.*

Qui Poetæ videntur quidem velle lacrymam per se manantem, si simplicia verba essent accipienda: sed Poetis, carminumq. commoditari aliquid est condonandum. vnde illis conceditur nomine vti lacrymæ, pro succo, & fundere, pro exprimere. Hinc Matthiolus deceptus, auctorem imaginatus voluisse gummam atram, seu Cyaneam, vt vox Græca sonat. deceptus est magis Oddus recipiendum in Theriaca hoc loco gummi non Acaciæ succum opinatus. Nam dubia subſtulere tùm Andromachus iunior, & Galenus soluta oratione ſcribentes *Acaciam*. tùm Democrates ſic canens.

*Acacia succus tùm humens tùm bonus.*

tùm denique quia vtrumque recipitur tam gummi, quam succus Acaciæ, vt ſupra patuit. ſed non mirum doctos viros cecidiſſe, opinatos gummi eſſe intelligendum hoc loco, quia lacrymam dixit, quam fundit ſpina, & *χρῆνον* colore. ſuccus verò neque eſt lacryma, neque per ſe funditur, ſed exprimitur, neque Cyaneum colorem habet. At gum-

mi

La cryma  
pro Succo.

Color Gū-  
mi Arabici.



mi ipsum Plinius esse *Colore Glauco*. testatur, qui non multum à cyaneo distat, si Platoni credimus, qui docuit γλαυκὸν ἐκ κυανοῦ, ἢ λευκοῦ. præterea, Medicis γλαυκωμα dicitur vitium oculorum, quum cæruleo colore exalbido sunt, iraque si huius coloris debet esse Gummi Acaciæ, idest Glau-ci, & Cyanei diluti, non sine ratione taliter sensere Auctores dicti: debet etiam Gummi esse vitrea luciditate, & transparentia præditum, vt sit optimum. *Proximum est Candidum*, inquit Dioscorides, scilicet secundum locum habet post subcæruleum, & hoc intellexit Crito apud Galenum 5. de comp. m. 2. loc. cap. 7. ad pruritum faciei: necnon Aetius ferm. 13. cap. 124. sæpe per *Gummi album*. sed de med. par. fac. ad sol. 27. *Gummi* (inquit) *partem nigram passò elixam exhibe sub lingua continendam, ac deuorandam: ad sputum enim sanguinis, & tussim gummi nigra pars vehementer facit*. Atque hoc loco quid intelligat per partem nigram non capio, nisi fortè voluerit corticem nigrum arboris Gummi adhaerentem: cortex enim niger in Ægypto est, & astringentis cum tota arbore qualitatis, ideo ad sputum sanguinis aptus. An verò intellexit Gummi vstulatum, ita vt voluerit *Gummi partem nigram elixam. seu assam*. per se quidem nō alteri rei mistam. *passò exhiberi sub lingua continendam*? Vstione enim nigrescit. nec absurdum esset accipere succum nigrum, qui vt astringens sputui sanguinis erit aptus, & ad idem à Dioscoride commendatur, sed expressa vox *Gummi* vim in contrarium facit.

Atque in Theriaca Andromachi Cyaneum Colorem succo expresso conuenire magis voluit Stelliola, cui minimè assentiri possum, vt, qui legerim apud Dioscoridem, eligatur τὸ πρῶτον ἑρυθρὸν, *modicè rufus*. & Plinius Galaticam Acaciam nigerrimam, vel valde rufam improbat, laudat *Purpuream, & Leucopheam*, qui color potest dici subcæruleus, aut cinereus, seu albo fuscus, qui Glaucus etiam est. dixit etiam Dioscorides succum hunc expressum *Nigrum* (μέλαν ait ipse) *ex maturo semine sub rufum* (ὑποκόκκινον) *ex viridi*. Non quidem, quod omnino sit ater, & niger, sed quodammodo cæruleus, cyaneus, cum obscuritate, & leucopheus, seu non omnino obscurus: qui autem penitus niger est, vel exoletus, vel Capadocius iudicatur: certum autem esse debet pro Theriaca Andromachum voluisse Acaciæ succum ex maturis filiquis expressum, qui subniger, & cyaneus est. Heras verò in Diacodio, prout refert Galenus 9. de comp. med. loc. cap. 2. *Acaciam rufam* elegit. & Galenus 3. de med. fac. parab. 84. necnon Mesues in Diacodio *Acaciam rubram* posuere, qui omnes certum apud me est, succum ex immaturis filiquis voluisse, vt magis astrictoriū. itaq; Stelliolę dicimus, cum probetur magis Acacia rufa, quam nigra, & cyanea, potiore esse eligendā, & Poetæ verba interpretanda de electione optimorū simplicium, non deteriorū.

Sed

Gummi nigrum.

Quis sit color succi Acaciæ.

Gummi nigrum.

Gummi nigrum.

Gummi nigrum.



Gummi vermiculatum.

in immo  
mug

Quid lacryma  
sic apud  
Theophrast.

os in  
A loci  
mug

Gumma ex  
vase quid.

De iucco  
Acaciae.

Collectio.

○ Sed dices Gummi Acaciae à Plinio *Vermiculatum*, à Dioscoride  
 τὸ σκαλεῖν δὲ dicitur. & Marcellus Empiricus *Gummi Acanthinum* (in-  
 quit) *quod ex Vermiculis, quæ illic sunt verum docetur*. at vulgare Gummi  
 minimè Vermiculorum speciem, figuramq. exhibet: sciendum igitur  
 non omne Acaciae Gummi vermiculorum forma manare, nec omne  
 tale gummi Dioscoridem, Pliniumq. dixisse vermiculatum; sed huius-  
 modi esse præstantius: est enim aliud *candidum*, aliud *sordidum*, & *res-  
 nosum* (forte resinæ mistione) aliud *Croceum*, quale, ut plurimum ad no-  
 deturhitur: atque in Ægypto, ut testis est Alpinus, paucissima Gumma  
 manat vermiculari forma. Cum autem Aetius in Theriacæ descriptio-  
 ne adnotavit *Gummi Vermiculatum*, censuit Marantha voluisse Gummi  
 Tragacanthæ, quod vermis figura cernitur: sed minimè dubium est,  
 ipsum voluisse Acaciae gummi optimum, non Tragacantham. ideo  
 tempus non teram in confutanda erronea hac Maranthæ opinione. &  
 ad alias Matthioli, & sequacium rationes de Gummi Arabico, an sic  
 Acaciae iam responsum fuit in Apolline pharmaceoq. à Francisco Ale-  
 xandri Vercellenfi, & pluribus, & nimis etiam acriter, ob id his de re-  
 lietis ad alia transeam à scriptoribus minus animaduersa. *De Gummi*  
 Dilucidandus nunc est Theophrasti locus. 9. de Hist. Plant. cap. 11.  
*Humor* (inquit) *quibusdam etiam in lacrimæ modum gignitur, ut Abietis,*  
*Pino, Terebintho, Larici, Piceæ, Amigdalæ, Ceraso, Pruno, Junipero, Vlni,*  
*Spinæ Aegyptiæ. nam ea quoq. fert gummam, verum non ex cortice, sed ex vase.*  
 Hic Theophrastus lacrimæ nomine tam Gummas, quam Resinas vult.  
 sed illud *ferre gummam ex Vase* difficultatem facit: nam Spinam Aegy-  
 ptiam, nullus testatus est, lacrymam in vesica ferre, non autem ex cor-  
 tice, ut hic Theophrastus asserere videtur, immo contrarium alibi de  
 eadem loquens posuit his verbis: *Manat tum Arbore percussa, tum spontè*  
*sine ulla fissura.* Ego (ut breviter me expediam) sum in sententia illud,  
 ferre gummam ex vase, non Spinæ Aegyptiæ; sed antecedenti Vlni  
 esse referendum, quam certum est in vesiculis, non ex cortice gummam  
 ferre, seu potius resinofum quendam liquorem, & manifestum hoc  
 etiam est, quia dixit Theophrastus. *Nam ea quoque*, referens ad antee-  
 dentem; nec scripsit *Nam hæc quoque*, scilicet ultimo numerata, vel dici  
 posset pro vase lignum voluisse, contra distinguens à cortice. *De Gummi*  
 Tandem de Acaciae succo disputandum est, qui valde desideratur à  
 Medicis, & Pharmaceois pro conficienda præstantissima illa Antidoto  
 dicta Theriaca. Artificium habemus ex Plinio lib. 24. cap. 12. *Colligitur*  
 (inquit) *Autumno, ante collectum, nimio validus: spissatur succus ex folliculis*  
*aqua caelesti perfusus, mox in pila tuis exprimitur organis, tunc densatur in*  
*Sole, mortarijs in pastillos: fit & ex folijs minus efficax.* Dioscorides etiam

hæc

scripsit.



scripsit. *Niger ex maturo semine, subrusus ex viridi, aliqui exprimunt ex folijs, & semine succum.* Ego ab his Auctoribus edoctus Acaciae succum ex nostrarum plantarum viridibus siliquis mense Augusto extrahere aggressus sum: itaq; incisos minutim folliculos, & in Mortario bene contusos in multa aqua infusi, & per triduum infusa manere placuit, succum deinde expressum, qui lacteus videbatur, ad Solem exiccari effeci: ficcus autem primo rufus apparuit, deinde massa nigra: sed si Vitrum tenuiter ipso illinitum, ad lumen aspicitur, rufus apparet. sunt autem 4. iam elapsi anni ab istius confectione, & Visci qualitates habet non succi concreti, manuducitur, efformatur in pyramidalem, vel aliam figuram, post paucas horas subsidet, & demittitur, sed Borea flante durior est, Austro mollior. Sapore est potius acri, quam adstringenti, cum paucula quadam Aciditate, & temporis progressu etiam in ore sentitur dulcedo quadam: itaq; apparet esse valde Heterogeneus, & veluti miscela quadam plurium saporum dulcis, acris, acidi, & alstringentis, nec non etiam amariusculi, ut saepe attentè degustando percepimus.

De succo etiam scripsit Dioscorides, ut vertit Ruellius interpres. *Lauatur Oculorum medicamentis, trito in aqua, mox effuso, quod concreuerat, donec pura extet aqua, & ita cogitur in pastillos.* Galenus autem 6. de simp. med. fac. *Lotus* (inquit) *& imbecillior, & minus mordax redditur, utpote acrimoniam quandam in lauatione deponens.* Sed quaeret aliquis, quomodo lauantur succi, si toti aqua soluantur, liquantur, & immiscantur? Vnde si huiusmodi succos concretos, & siccatos, iterum totos aqua solueris, & liquaueris. ex his si partem aquae auferes; abstrahes etiam partem succi liquati, si quid subsidit est, vel arenosum, vel alienum. & hac de causa lauatur ex Dioscoride, & Plinio Aloes succus, vnde aiunt. *Lauatur, ut quod sit arenosissimum, tanquam inutile subsadat, & leue, ac pinguisimum assumatur.* an ne contrario modo in Acacia erit accipiendum, quod subsidet? sed quid subsidet? non nisi pars arenosa, terrea, & excrementosa commista, non succus liquatus: tamen Galenus lauat, ut tenuiorem partem, & acriorem separet. *Et sanè* (inquit) *coniectura est non, esse simile, verum quaedam in sese dispersas habere partes tenues, & calidas, quae in ipsa ablutione segregentur, estoque & hoc tertij ordinis exiccantium, & secundi refrigerantium, ubi quidem elotum fuerit, illotum verò primi.* Mesues alia ratione, & alio fine lauasse videtur Aloen, ac Dioscorides: siquidem scripsit: *In Aloë quidem loto minoratur solutio, & additur, ut sit stomachi confortatiuum. in non loto verò est è contrario.* Ego mente assequi non possum. (quae apud Galenum est coniectura) vim hanc loturae Acaciae, & Aloes. Nam aliud est lauare lapidem Armenum, vel lazuli, qui graues sunt, aliud succum in aqua liquabilem: miror equidem ab aliquo, nō dictum

lauan-

Nostrae Acaciae succus.

Lauatio succi Acaciae ex Dioscoride.

Difficultas de lotionem succorum.

Quare lauantur succi.



Quæsitum de  
lotione suc-  
corum.

Apud Mesuë  
lotio pro im-  
bibitione.

Spuma con-  
creta in lo-  
tione Acaciæ

Quis effectus  
loturæ Aca-  
ciæ.

lauandum Vinum, Acetum, vel Aquam Aquâ. Ego autem scio doctos aliquos; cum scribunt Aloem lotam velle depuratam, & à fordibus separatam, vel simplicis aquæ mistione; & colatura per pannum, vel subfidentia. Succotrina verò, quia purissima, lotionem non eget; atque idem imaginor debere dici de Acacia. Si quis verò pertinax in Galeni sententia perire mallet, experiatur dilutionem Acaciæ ipse opere, non coniectura vociferetur. Mente autem soluat hoc, si huiusmodi lotio (quamuis nec tale nomen verè mereatur) succorum solutorum aqua, auferret partem Acrimoniam, etiam à Scammonio, Opio, Galbano, Melle, Hyucce succo, Euphorbio, & alijs succis concretis pars tenuior, & acrior tolli posset. Sed si ab his lotura Acrimoniam non demit, cur, & quomodo Acaciæ succo liquato? Sed dicant quicquid velint alij, cum Aloes, & Acacia similiter in aqua soluantur, non intelligo in vna subfidentiam, in altera, quod supernatat, sumendum. Sanè Mesues improprie fortasse, & interpretum Arbitrio, nomen lotionis sumpsit, pro eo Magisterio, quod nutritionem dicunt alij, seu imbibitionem, aliquo decocto, sic nostri Aromatarij nuncupant Aloem lotam succo rosarum &c. & Albuchasis in lib. seruitoris promittens modum ablutionis Aloes ad expellendam Acuitatem, docet tantum Aloes imbibitione decocto Aromaticum. An Acacia in aqua concrefcit, non Aloes, quod ridiculum? Sed Hermolaus verba Dioscoridis citata aliter paulò vertit. *Lauatur verò ad oculorum utilitates in aqua tritus effuso tamdiu superiore illo, quasi spuma tectorio, quamdiu pura supernatantis aquæ sinceritas constet.* Sed textus Dioscoridis hic est. Πλύνεται δὲ καὶ εἰς τὰ ὀφθαλμικά, σπινομένον μεθ' ὁδοῦ τοῦ ὕδατος ἀποχρυσμένου καὶ ἐν τῷ ὕδατι ἀνὰ πρὸς τὸ ὕδωρ, καὶ οὕτως ἀναλαμβάνεται εἰς προχλοαίς. Sed difficultas est in dictione καὶ ἐν τῷ ὕδατι, quam Ruellius, *quod concreuerat*, vertit. Hermolaus verò pluribus explicare conatur, dicens. *Superiore illo quasi spuma tectorio.* Mihi quidem (ni fallor) videntur hæc interpretum verba diuersa significare: quamuis enim vox ἐπίπαιον apud aliquos humor concretus explicetur, quia tamen hanc succi concretionem imaginari nequeo, aliud quid Dioscoridem voluisse censeo: nam concreta, vt plurimum fundum petunt, vtpotè densiora, & grauiora. si interpretari nobis hanc vocem licebit, vt quæ componatur ex ἐπὶ, & πάρος superconcrementum, seu superpositum, supernatans, atque supereminens dicemus: nam πάρος, & concrementum, & locum altum denotare volunt. ita cum Hermolaus erit effundenda illa pars, quæ instar spumæ in conturbato liquore, superiora petit. Oribasius id clarius expressisse videtur scribens. *Lauatur in aqua succus identidem confricatus abiectis ijs, quæ in summo concreuerint; donec pura aqua relinquatur, atque ita in pastillos cogitur.* Sed vt talis lotio, dissolutio, ac pauca spumæ separatio possit vnum caloris gradum

remit-



remittere, & rem in primo gradu frigidam, efficere frigefacientem in secundo, considerent quæso attentè doctiores, ego non percipio.

Esset querendum de substitutione succi Acaciæ; nam & Prunellorum succum, lentisci, necnon Hypocistidis, & ex sumach substituunt quidam, de Vstione etiam ipsius ad Dioscoridis mentem posset sermo haberi, sed hæc omittimus, ut, qui de Indica, & nostra Acacia agimus, de Aegyptia verò non nisi secundario, & alterius ratione, itaque ex alijs hæc peti poterunt, nos autem postquam pauca quædam de usu Antiquorum Acaciæ, quæ ad nostram referri possent breuiter egerimus tertia subsequente huius capitis sectione, ipsi Capiti finem imponemus.

## De Vsu Acaciæ Aegyptiæ.

### SECTIO TERTIA.

**S**i agere vellem de multiplici usu, & facultatibus omnium Acaciæ partium ligni, frondium, florum, seminum, succi, gummi, & cæterarum huius Plantæ partium, tum in usu Medico, tum Mechanico, nimis longus essem, & id excederet nostri instituti limites, qui Plantas potissimum describendas, & publicæ luci exhibendas, assumpsumus. At nè manca penitus hæc Acaciæ tractatio videretur, breuiter ex Antiquis aliqua, ordine perspicuo, annotanda iudicavi.

*Ligni usus* ex Theophrasto patet cum ait. *Tectis idonea ceditur*. deinde subdit. *alba imbecillus, facileque putrescens, nigra robustior, atque incorrupta, ob id in Nauium fabrica ad costas, ventrisque compages ea utuntur*, quod confirmavit etiam Plinius lib. 13. cap. 9. sed non est reticendum de usu istius Arboris, quod refert P. Bellonius lib. 2. Obser. cap. 66. cum narrat ea, quæ in Monte Synai viderat, ubi multas Acaciæ stirpes inuenerat. *Iam discessuros* (inquit) *Caloieri baculis donarunt oblongis, cæteribus, leuigatis, & satis grauib, quos ex eadem Arbore reuulsos aiebant, ex qua Moyses Virga confecta erat, qua percussio saxo, aquam filijs Israel elicit.* & ex Acaciæ arbore sibi visum esse scripsit.

At de *folijs ligno, & ramulis* videntur loquuti Dioscorides, Oribasius, & Aetius quum scribunt. *Spine decoctum solutos artus foris committit.* Alpinus hæc retulit de usu apud Aegyptios. *Ad eos, qui ex quacumque causa articulos debiles habent, fomentum, ex ijsdem omnibus paratum pro presentaneo auxilio habent, neque immerito, cum Acacia prauatidissima adstringendi vi prædita sit.* Omnes eius fomento utuntur ad defendendos articulos ab humorum

aboz BA  
Quæstiones  
omissa.

aboz BA  
Quæstiones  
omissa.

aboz BA  
Quæstiones  
omissa.

aboz BA  
Quæstiones  
omissa.

aboz BA  
Vnus ligni  
Acaciæ Aegyp-  
tiæ.

aboz BA  
Quæstiones  
omissa.

aboz BA  
Moyfis Vir-  
ga erat ex  
Acacia.

aboz BA  
Vires folio-  
rum, & ramo-  
rum Acaciæ  
Aegyptiæ.

aboz BA  
Ad articulos  
roborandos.



Ad podag-  
ram.  
ad hunc  
ad hunc

Ad pustu-  
las Galli-  
cas.  
Ad Acores.

Folia pro  
pactu ani-  
malium.

Flos pro  
Coronis.

Ad uteri in-  
commodas  
vacuationes.

Ad alui flu-  
xiones.

Siliquæ ad  
coria per-  
ficienda, v.  
Galla vice.

Gummi via  
res.

decurſu, atque non minus in iſdem tumefactis, atque inflammatis, præſertim in principio, dum humores adhuc in curſu exiſtunt. Hincq. uſus ad podagricos dolores frequentiffimus eſt, maximamq. vim habet Acacia, ut à podagricis incurſibus homines præſeruet. Non deſunt, qui ad ea mala non modo ſoris fo- menti, vel balnei modò Acacia utuntur, verum etiam ſucci modicum per os ſumere ante fluxionis tempus per aliquot dies conſueſcunt, ut ipſe internæ viæ anguſtiores factæ minus curſui humorum pareant. deinde ait: multos noui re- cente à podagra tentatos, uſu aſſiduo Acacia planè conualuiſſe. qui ſingulis diebus per horam ad minus pedes in decoctum Acaciæ calidum detinebant, eoq. fomentabantur, pedesq. abſerſos linimento ex ſucco Acaciæ, opobalſamo, acetoq. parato, etiam inungebant. paulò poſt ſubdit: decocto etiam utuntur, ad exiccandas puſtulas omnes, præſertimq. Gallicas, ſed decoctum parant etiam cum modico ligni Guaiaci. in pueris etiam ad acores in capite orientes, & decocto, & puluere utuntur. eſculentis etiam foliorum uſus animalibus eſt ut narrat Bellonius. Incole (inquiens) eius ramos longis perticis flagellant, ut folia decutiant à pecore deuoranda.

At de floribus nihil Dioſcorides, nihil Galenus, vnde inferri poteſt in Medicina uſum non ſortiri. at Theophrastus Flos & pulcher aſpectu, ut coronas ex eo facerent, & medicamentiſ perutilis, qua de cauſa colligi à me- dicis ſolet. & Plinius. flos & coronis iucundus, & medicamentiſ utilis. ſed in Coronis eius uſum ex Athenæo iam conſtitit, appellante. Coronas ſem- per florentes. ſed ex ramis contortis coronas efformat, qui coronis certè inutiles non demptis aculeis. & Hermolaus in Corollario cap. 141. & 165. Tindiazas, & Abylazas in Ægypto appellatas fuiſſe ſcripſit. Alpi- nus autem hæc nobis indicauit. In iſs mulieribus, quæ uteri immodicas pa- tiuntur vacuationes, clyſteribus ex Acaciæ foliorum, florumque decocto para- tis, in uterum iniectis utuntur. Atq. etiam ſucco puluerizato, prædicto cum decocto diſſoluto, atque immiſſo. in alui fluxionibus eodem modo cum clyſteres frequentant, tum per os ſuccum feliciter exhibent. Ad anum, utrumq. foras proci- dentem ſucco diſſoluto cum foliorum, florumq. decocto, nihil habent preſtan- tius, ac frequentius quo utantur. Sed ex floribus ſuauiſſima aqua deſtilla- toria arte elici poteſt ad multos uſus magnificiendâ.

At pauca etiam de folliculorum ſeminumq. Uſu erunt tradenda. ex his exprimitur ſuccus, quamuis etiam ex folijs, ſed minus efficax. at per ſe ſiliquæ ad coria perficienda gallæ uſu, ſcribit Hermolaus, ſed à Theophrasto deſumpſit aſſerente. fructu incole coria perficiunt vice gal- læ. Plinius autem Ad coria perficienda ſemine pro galla utuntur.

De Gummi Dioſcorides hæc admonuit. Cutis meatus obſtruit, & me- dicamentorum, quibus admiscetur, acrimoniâ habet: ambuſtis ex ovo illi- tum, puſtulas non patitur erumpere.

Tan-



Tandem de succo refert Diolcorides. *Vis ei ad spissandum, refrigerandumq. efficax. Succus oculorum medicamentis utilis: valet ad ignem sacrum, ulcera quæ serpunt, pernioles, pterygia, & oris ulcera: procidentes oculos reprimat: mensum abundantiam sistit. prociendam vuluam cohibet: citam aluum supprimit, aut potus, aut subter inditus, capillos denigrat.* Gale- nus autem hæc protulit. *Acacia, & planta ipsa acerba est, & fructus, & succus, qui lotus quidem, & imbecillior, & minus mordax redditur, utpote Acrimoniam quandam per lotionem deponens. Porro si parti alicui sanæ illinatur, protinus eam, & siccior, & contractam efficit, nullum quidem caloris sensum inuehens, sed nec frigoris admodum valentem. Unde constat Medicamentum id esse frigidum, & terrosum, immista quadam etiam essentia aquea. & sanè coniectura est, non esse simile, verum quasdam in sese dispersas habere partes tenues, & calidas, quæ in ipsa ablutione segregentur. Estoque & hoc tertij ordinis exiccantium, & secun- di refrigerantium, ubi quidem elotum fuerit, illotum vero primi.* Tan- dem afferemus, quæ Acaciæ Egyptiæ vltimus scriptor Prosper Alpi- nus nobis reliquit scribens. *Aegyptij Acaciæ arboris utuntur succo, ex siliquis immaturis expresso, vel etiam ex floribus, folijs, vel ex fru- ctibus etiam. Succus huius usus apud eos frequentissimus est ad oculos ro- borandos, atque ab inflammationibus, quæ ibi sunt frequentissima, tuen- dos: ad oris, auriumque omnia ulcera. nec non ad labiorum fissuras. ad dentes collabentes roborandos, atque firmandos. Succo in puluerem re- ducto, post ablutionem ex decocto eiusdem succi, vel foliorum, vel flo- rum parato, factam, utuntur supra gingiuas asperso, ac eo dentibus con- fricatis. Sanguinem spuentibus dracmam singulo mane aliquo liquore dis- solutam, potandam offerunt, mirasque ad quamcumque sanguinis fluxio- nem firmandam semper vires habuisse apud eos cognitum est. Ego sa- pissimè hoc solo auxilio multas mulieres, ab immodico uteri profluvio penè mortuas reuixisse, atque sanatas fuisse certo scio. Deindè paulò post subdit. Non desunt, qui ad podagricos dolores, & articulorum affectus non modo foris fomenti, vel balnei modo acacia utuntur, verum etiam succi modicum per os sumere ante fluxionis tempus per aliquot dies consue- scunt, ut ipsa interna via angustiores factæ minus cursui humorum pa- reant. Aliqui, etiam ex succo Acaciæ, atque aceto linimentum parant, ad liniendos articulos debilitatos, quo sanè mirificè eos roborant, ac fir- mant. postea scribit. Ad pudendorum, aliarumque debiliū partium ulcera difficilia, succi aqua pluries loti puluerizari usus est illis familia- rissimus, decocto etiam utuntur, ad exiccandas pustulas omnes, præsertim- què Gallicas. & hæc de viribus Acaciæ affert libro de plantis Egy- pti: addens etiam Cayri Coriarios ad denigrandas pelles multam.*

Succi vires  
Ad oculos.  
Ad ignem.  
sacrum.  
Ad ulcera  
serpentina.  
Ad Pterygia.  
Ad oris vl-  
cera.  
Ad mensum  
abundantiam.  
Alutū sup-  
primit.  
Capillos de-  
nigrat.

Succus Aca-  
ciæ frigidus,  
& tenuium  
partium.

Siccum fri-  
gid. 2. grad.

Vsus succi  
ad oculos in  
inflammatos

Ad dentes.

Hæmoptoi-  
cis.

Vteri proflu-  
vio.

Podagræ.

Ad ulcera.



Ad Diarrhæa  
& dysenteriam.

Ad Vteri pro-  
fluia.

Historia.

Ad vlcera se-  
dis.

Ingenuitas  
Auctoris.

Summa viriū  
acaciæ.

copiam illiusce succi absumere, sed 4. lib. de med. Ægypti c. 4. sic etiam de acaciæ vfu in Ægypto loquitur. Pleriq. ad diarrhæam, ac dysenteriam corpore prius probè purgato clysteres adhibent, ex decocto siliquarum immaturarum, foliorum, atque florum acaciæ, in quo aliqui quoque duos, vel tres ouorum asarorum vitellos dissolunt, vel eosdem in oleo rosaceo, vel myrrhino dissolutos, cum decocto prædicto miscent. Verum quomodocumque clyster ex acaciæ siliquis recentibus immaturis, vel folijs, vel floribus paretur, semper quascunque sanguinis, vel aliorum humorum non naturales fluxiones citò, ac valenter sistit. In vteri profluuijs firmandis nihil ibi mulieres habent præstantius, quo utantur. Ioannes Mancinus nobilis Florentinus Cayri olim mercaturam feliciter exercens, à febre continua, putrida, cum diarrhæa biliosa, assidua, contabescere inciperat, ex qua cum clystere ex Acaciæ decocto parato bis tantum usus esset, sanatus est. Cum quidem alui deiectio longo tempore copiosa, ac crebra perseverasset, eumque ferè ad exitium duxisset, febre minimè (quamquam satis mitis esset) neglecta probè illius corpore purgato, haud leuata alui diarrhæa, multis frustra tentatis remedijs, consului, ut clystere ex decocto immaturarum acaciæ siliquarum, foliorum, ac florum recentium parato, uteretur, ex quo bis adhibito, sic illius aluus cohibita, atque adstricta fuit, ut nè dum flatus post hac per anum exire potuerint. Qui quidem nocte sequenti intus retenti, in dextròque hypocondrio collecti, septum transversum validè comprimentes, hominem ferè suffocarunt. Quo symptomate nonnullis admotis cum igne cucurbitulis, statim leuatus est. Aetiùs sermone primo sic scripsit. Spina Ægyptia, ex qua acaciæ præparatur, adstringendi, ac siccandi vim habet, quare & fluxui muliebri prodest, & vlcera sedis insufflata ad cicatricem perducit.

Et hæc de vfu, & viribus acaciæ adnotasse sit satis, ex antiquorum, ac recentiorum scriptis, nullà nostra experientia. Nam, ut verum fatear, cum à chimica arte paratis pharmacis in agendo plurimum euinci, superari, & præcelli rudia, simplicia, impura, ac impræparata, ratione, & longa experientia nouerim, non potui mihi persuadere, ut derelictis remedijs aliquot meis fidelissimis, & spagiricè præparatis, in vsum traherem acaciæ simplicem succum (quamuis à plurimis, ut ex dictis constat, commendatum), & à me ex nostra Indica acaciæ aliquoties confectum, quam Ægyptiæ æquivalentem iudico. Nam, ut mentem meam omnino aperiam, causamque dictorum afferam, nè negligentiam hanc mihi vitio vertat aliquis: laudari quidem summe lego acaciæ succum in astringendo. ad mensum abundantiam sistendam. ad citam aluum suppressendam. ad oris vlcera. ad vlcera pudendorum, & alia serpentia, maligna, & contumacia. ad dentes collabentes firmandos, & roborandos.

Verum



Verum ego (absit iactantia) cum habeam ad hæc eadem, efficacissima medicamenta, quæ citò, tuto, & blandè id efficiunt, & adeò felici, prospero, certoque effectu, ut æqualia vix in orbe reperiri posse censeam, superiora nunquam, ineptè agerem, si ipsis repositis, alia quærerem, & exhiberem (ut mihi persuadeo) longè inualidiora.

Primo autem *Sanguinem è naribus manantem* quacunque ex causa, maximo impetu, & copia, seu quemlibet copiosissimum, & impetuosissimum sanguinis narium fluorem *Quinta Essentia Aldina* in manu posita ad unciam semis, & naribus attracta, mirabile creditu, statim supprimit, statim comprimit, illicoque astringit, & cessare facit. cuius rei testes poterunt esse multi nobilissimi viri, qui copiosissimi lautè aluntur in Magnifica Illustr. Dom. mei Aula, aliq. plurimi, qui auxilium petiit ad nos accedunt. itaq. experientia ipsa iudice, meam quintam essentiam omnibus medicamentis, quæ ad Narium Hemorrhagiam commendantur præire, & ea præcellere iam notum: nec mirum, quia sua tenuitate, & depurata essentia ob spagyricam præparationem est summæ actiuitatis penetrationis, velocitatis, ac quod summum est nullius periculi, & nocumenti, citi, facilis, & iucundi usus. hinc factum, ut mea Quinta essentia contentus in huiusmodi profluuijs acaciam experiri non libuerit.

Secundò *Ad mulierum menstrualem abundantissimum fluxum* laudant quidem acaciam Antiqui, & Alpinus ad Cælum extollit. multum præstare posse credo, sed maiorem fidem habeo *Liquori Herculeo* meo oleagineæ formæ, quem præbere soleo in vino, vel alio liquore conferenti, ad guttas sex, vel octo mane per tres, vel quatuor vices. Huius autem utilitatem, & conferentiam verbis explicare nequeo; curavi enim ab omnibus medicis derelictas mulieres ob atroces sanguinis fluxus, & qui per plures menses, & annos quandoq. perdurauerant, atque particulares quasdam curationes adnotare possem, & curatas nominare. sed & Medicis domesticis Illustr. Principis, & Card. mei, & plerisq. Romanis, nec non nobilissimis aulicis omnibus notæ iam sunt huiusmodi plurimæ curationes; Hinc est, ut multi præclarissimi Romani Medici, ob clara experimenta, ad hunc effectum liquorem meum ita commendent: ut cogar infinitis ægris huius copiam lepidissimè facere. & inter hos honoris gratia mihi referendus erit Illustr. & Excell. D.P. Castellus Medicus Rom. sua singulari erud. & simpliciũ, & chimicæ scientia in Vrbe notus, qui aliquoties suis ægris nostra præscribit medicamenta, hic nuper testatus est se conuocatũ ad egrā quandā, quæ per annũ hoc fluxu sanguinolento erat detenta, & tandè morientē, nā quotiescũq. mingeat (quod sæpè accidebat) mutulā sanguine replebat, & à multis præcellētibus fuerat

curata.

Mira remedia auctoris.

Ad sanguinē è naribus mi re valet nostra Q. Essent.

Ad muliebres fluxus noster liquor Herculeus est optimus.

Testimoniũ Petri Castell. Medici Eruditiss. &amp; clarissimi.



Immenſa be-  
nignitas Illu-  
ſtriſſ. Card.  
Farnesij.

Historia,  
curati ab af-  
fectu Hypo-  
condriaco.

Diarrhea, &  
Hæmoproi-  
cis damus.  
Q. E. Corall.

Liberalitas  
Illuſt. Card.  
Farnesij.

Aqua bene-  
dicta Aldina  
ad oris vlce-  
ra.

Ad vlcera,  
precipitati  
plura genera

curata Medicis, testatus est (inquam) ingenuè, hic clarissimus vir, præscripto à se solo liquore hoc meo, paucis diebus, scilicet sex vicibus, mirabiliter conualuisse, & omnino sanatam fuisse, præter omnium opi-  
nionem. Illustriſſ. autem Dominus meus, pro sua indicibili benigni-  
tate, & liberalitate, expreſſè mihi iussit, ut nulli parcens sumptui, qui-  
buscunq. agentibus ipsum ne denegem, & gratis. (ut cætera alia chi-  
mica, quæ Principis mei humanissimi sumptibus parata, donare quoti-  
die soleo) sed tacendum neutrquam mihi est, hunc ipsum liquorem per-  
belle obſtructiones viſcerum tollere, unde hoc curavi ab affectu Hy-  
pocondriaco Doctiſſ. ac Reuerendiſſ. virum, (qui nunc Cardinalis am-  
plissimus, & viuens est, nomen autem obſeruantia gratia nunc reticeo)  
qui aliquoties benignè faſſus est, sed ab hoc solo liquore vitæ recepiſſe.  
Tertio, ad alui proſtuvia acaciam laudari, qui ſuperiora legit, certò  
ſciat, hac autem vi, mihi nunquam fuit necesse; nam *Ad alui fluxus*  
*quoslibet; ad ſanguinis ſputum ob venas in pectore ruptas; atque ad ſanguinis*  
*miſtum* exhibere ſoleo pretioſiſſimam *Quintam eſſentiam Coralliorum*  
cum ſaccharo in Manuſcripti formam redactam, & manè ieiunis ro-  
tulam vnā pētres, vel quatuor vices: qui nouit vires crudi coral-  
li in fluxionibus ſiſtendis, qui etiā nouit vim præparationum chimi-  
carum, fatebitur, & noſcet optimè *Corallorum Quintam eſſentiam* (non  
quālibet quidem, ſed exactè paratam, ut mea est) vini maximam ha-  
bere ad has fluxiones ſiſtendas: ſed experientia certiſſima, & infinitis  
probata, & confirmata particularibus obſeruationibus, & ſanationi-  
bus id notum fecit tam doctis Medicis, & Chirurgis, quā inerudi-  
tæ plebi; ita ut in maxima copia parare hanc cogar egentibus diſtri-  
buendam, iuſſu enim Domini mei clementiſſimi, quibuscumque  
(Medicorum ordine) petentibus dono exhibetur. ob id quolibet an-  
no cadus vnus corallorum, qui pendet circiter lib. 300. ex Inſula  
Ponti (quæ ſub Dominio Illuſt. & Reu. Odoardi nunc Card. Farnesij  
iacet, ubi optimi coralli copioſè expiſcantur) ad me apportatur ad hanc  
tantum Q. E. pro fluxibus conſiciendam. ſed de corallis plurima audi-  
tu digna in epistoſis referam.

Quarto. *Ad oris vlcera* (ut ſuprà retuli) laudant acaciam Dioſcorid. &  
Alpinus: vtor ego *Aqua benedicta* mea, quæ ab omnibus ea vtentibus be-  
nedicitur, quia mirabiliter ſanat quæcumq. oris vlcera, & ſine vſlo peni-  
tùs (in quo cōſiſtit huius aquæ præſtatiā) doloris, vel mordicationis ſeſu.

Quinto, acaciā ſuprà legiſti à Dioſ. Aetio, Alpino, ſumè cōmendari *ad*  
*vlcera pudendorum, & alia ſerpentia*. At his in affectibus conceſſū nunc est  
apud omnes noſtros Chyrurgos nil *Præcipitato* præſtariùs, quia citò, tutò,  
& iucundè, ſeu ſine dolore auxilium aſſerat, ſed rectè est præparandum

alioqui



alioqui prædictas bonas qualitates minime fortitur. ob amicos igitur plurimos chyrgos præparare soleo plurium generum, & colorum, præcipitata, rubri, lutei, cinerei, albi, ad illudendos infirmos, quæ omnia sine vlllo doloris sensu agunt.

Ex his pateat causa ob quam Acacia minimè hucusq. vsus sum ad medicum vsus, cum præstantissima apud me habeam chemicè parata medicamenta, & non hæc pauca tantummodo enumerata: sed propè infinita, cum enim nec otium, nec vasa, carbones, Mineralia, Vegetalia, &c. nec serui adiutores, liberalitate Illustris. Domini mei, mihi defint, nec vlli sumptui parcatur, quo minus instructissimam Hermeticam officinam meam seruare queam, non erit mirum si multa multis in annis, quibus viuo sub Farnesiana vmbra mihi comparauerim, & composuerim, taceo iuuentutis tempus cum bo. me. Illust. & Reuerendis. Inico Aualo Card. Aragonæ olim Domino meo transgressum, & non inutiliter sub chimie curiosissimo, & eruditissimo eodem Domino consumptum. Medicamentorum autem à me enumeratorum Encheiriam, Methodum, & processum non est hic aptus docendi visus locus, aliàs Deo concedente.

Ad dolorem dentium etiam acaciam valere antiqui scripserunt. Ego veram curandi rationem in meis epistolis explicaui.

Commoditas auctoris ad opera chimica.

Auctor vixit quondam in Aula Card. Aragonæ.

Epistolæ ab auctore editæ.



HYIVC-



## HYIVCCA CANEDANA.



HYIVC

Commo-  
dum an-  
tibus ad  
operam  
miser.

Anglor-  
um quon-  
dam in  
Asia Card.  
argentea.

Epistola ad  
Iulianum  
et alios.



# DE HYI UCCA

## CANEDANA

### CAPVT SECVNDVM.

Historia, & Descriptio Plantæ Hyiuccæ Canedanæ.

### SECTIO PRIMA.



**Q**UANTVM decipiantur illi, qui de rebus sibi incognitis verba faciunt, præcipuè in re Botanica, ex huius plantæ, quâ præ manibus habemus, examine, facile constabit. Missa nobis est planta ex Canada regione Hyiuccæ nomine, quam conferentes cum Hyiucca, seu Yucca ab aliquibus descripta, tam variat ab ea, quàm ij descriptores inter se, vt Monardes, Gomara, Quietus, Cardanus, atque Scaliger: itaque hærebamus cui magis credendum, vnde nostram Hyiuccam legitimam esse certò pronunciare iure dubitaremus (cùm eas regiones, vbi spontè, & satiuè nascitur, & eam colunt) cartis tantum, & per somnium viderimus) nisi Indi quidam, & alij etiam, qui Hyiuccam in India viderunt, & commederunt, nostram aspicientes plantam testati essent, ipsam legitimam esse Hyiuccam ex qua panem Indi conficiunt. Quo manifestè patet paucam fidem tribuendam ijs, qui Indicas plantas auditu tantum describunt, vel etiam si ipsas illi viderint, Botanices tamen ignari, ineptè admodum describunt eas. sed ad nos. Certè pulcherrima est planta, semper viret, & Aloës modo propè radicem folia emittit, & eius modo explicantur successiuè è medio quodam veluti cornu abscedentia, in quo etiam Aloës modo impressa remanent vestigia: tandem vnicus, nec foliatus, sed ramosus, plurimisq. onustus floribus è medio insurgit Caulis Albucosus, seu Hastulæ regiae non dissimilis. Atque foliorum ordo, situsque quamuis Aloës modo appareant, vt sub eodem generalissimo genere referri deberi, videatur ambo: tamè quia hæc non crassa folia, sed macra, tenuiaq. ac longa valdè, nec non Aloës multo copiosiora talique forma disposita, vt Hemisphericam figurâ visu raram, & pulchrâ efforment, præterea cum sint etiam aculeata, nō sine ratione Excellens Dominus Petrus Castellus Botanicus insignis dicebat posse appellari *Spherachantam*, si foliorum figura tantum in plantarum denominatio-

Nostra Plan-  
ta variat ab  
aliorum Yuc-  
ca.

Descriptio  
foliorum.

Spheracanta  
potest vocari  
hæc planta.

D ne ef-



FLORES HYIVCCAE CANEDANAE.





ne esset respicienda. Hæc autem ipsa folia tenuia sunt, macra, (vt dixi) dura, firma, & Iridis, Gladioliuè substantiæ quodammodo similia, seu potius Palmæ: duos palmos longa sunt, & amplius, canaliculata etiam sunt adeò, vt in medio semicirculum fingant, & in summo semper magis conuoluta rotundam tandem efforment figuram, in aculeum deniq. desinunt rotundum, rectum, solidum, coloreq. fuscum; hæc præterea propè suum ortus principium paulo crassiora, & vnciam tantum vnicam sunt lata, inde paulatim ferè vsq. ad medietatem latiora fiunt, vsq. ad trium vnciarum latitudinem, à medio verò iterum decrescunt, ita, vt in tenuissimum, acutumq. desinant (vt dixi) terminenturq. Aculeum. Atqui foliorum margines (quæ eiusdem sunt cum Gladioli folijs colore) lineola ornantur tenui, leonataq. Caulis autem propè radicem situs, à quo folia ortum ducunt, crassitudine per diametrum 8. vel 10. vnciarum est. Flores Septembri mense apud nos produxere plantæ duæ anno 1616. quarum vna ficcata, altera superstes est prole à radicibus vnica producta (Aloes autem modo producto caule planta tota emorta est) nec flores, caulemuè per quadriennū insequens produxit. Demum anno 1620. Nouemb. mense, & toto Decemb. florentē spectauimus. nunc anno 1622. floruit Maio, & iterū circā mediū Decembr. flores aperiri cæperunt, & produxere flores Ianuario, & Febuario. Virgam è medio Hastulæ regiæ modo, tricubitalem, rotundam, leuem, & splendentem emisit, coloris totam sanguinei obscuri, in imo pollicis crassitudine, postea paulatim decrescentem, & in plures ramos desinentem; ramuli pulcrè circumcircà caulem vestiunt concolores, & palmares 4. 5. 7. & 8. flores singuli continentes, quorum numerus centenarium transgreditur. Floris rudimentum, quum paruum est, & antequam flos aperiatur, liliorum nondum apertum florem amulatur; verum coloris est sanguinei obscuri, vt caulis, & pediculus, qui vnciam longus est, floresque ipsi multum inter se distant. cum autem flos grandescit, & apertioni se accingit rubedo illa externa paulatim diluitur. Flos ipse sex constat folijs liliorum, Tulipæ, & Fritillariæ modo; tribus quidem exterioribus pars externa circa dorsum tantum (scilicet quæ in clauso, paruoq. flore rubebat intense) in aperto parum rubet, marginesq. lati sunt; & candidi, sicut & interna pars tota, nec minùs candicant, niueaq. sunt interiora alia tria folia: in medio triangularis tubus, (seu vasculum est, fortè feminis receptaculum) oblongus, dilutè viridis, & in summo dehiscent in tres latiusculas particulas, huic circumponuntur quinq. crassa stamina in summo aliquantulum maiora. Floris positus Coronæ Imperialis, Lili Persici, & Fritillariæ modo deorsum nutat, vnde *Fritillariam maiorem* noster horti custos dicebat. nec flos iste perfectè vnquam

Flores.

Hæc planta  
appellata Fri-  
tellaria ma-  
ior.

D 2

aperi-



aperitur, dehiscunt tamen successiue flores, & per plures vigent dies, deindè cadunt marcescentes, apud nos nullo quidem relicto semine, vt alba Lilia. Nullus penitus flori inest odor.

## Censura aliarum de Hyiucca Relationum.

### SECTIO SECVNDA.

**N**VNC non abs re erit aliorum de Hyiucca referre dictata, vt Auctorum varietas, & vanitas eluceat. Nicolaus Monardes, qui Indiæ Proregis Medicus dicitur fuisse in Historia Medicamentorum ex nouo orbe delatorum, quam ex Hispano in latinum transtulit sermonem Carolus Clusius cap. 53. scribit negotio amicis dato se accepisse ex S. Dominici Vrbe Yuccæ folia, & describens huiusmodi plantam. *Est (inquit) herba yucca nuncupata quinque, aut sex palmos alta, folijs latis, & manus humanæ modo expansis, atq. in septem, aut octo lacinias diuisis, perpetuò virentibus, seritur in terra probe culta, & in sulcos ducta fragmentis radicis. fructus (radicem intelligendam hic interpretatur Clusius) crassus est, glomeruli filii, aut magnorum Naporum modo, cortice exteriori fusco, parte vero interiore admodum candida, è qua (cortice adempto) panem conficiunt.* Hæc descriptio diuersa videtur à nostra planta, quia tamen radices concordare videntur, posset quis dicere de folijs: Monardem non rectè descripsisse folia, ea esse diuisa scribens *in aliquot lacinias*, cum sint indiuisa, quamuis possint dici manus modo expansa, vt etiam Palmæ fœminæ folia manus figuræ assimilantur. sed nolo vim facere huius verbis, præsertim cum idem sentire videatur Franciscus Gomara Histor. Gener. cap. 71. vbi prouinciæ S. Marthæ dotes describens. *Radice seritur (inquit) non semine: digeruntur certa serie tumuli: deinde ipsius stirpis caules, qui solidi, crassi, nodosi, cinereiue coloris sunt, palmitum modo præciduntur, & singuli in singulis tumulis, ita reconduntur, vt dimidia pars supra terram extet: ubi comprehenderunt, cubitali crassitudine crescunt: folia habent viridia, canabinis similia: summa verò tellure in radices Galicianis Napis similes conuertuntur. Operosa est eius satio, & cultura, attamen certa, quandoquidem fructus in radice consistit. Annuo spatio maturitatem consequitur: præstantior tamen redditur si biennio sub terra lateat.* Si hic dixisset, folijs esse Cannarum, idest Harundinum, non Canabis, fortasse cum nostra planta conueniret, an per Canabem in India intelligunt Aloem Americanam ex qua inibi filum extrahi audio, & fortè funes, & Canapos? quod verisimile videtur; & nostræ plantæ

non

Descriptio  
Yuccæ Mexi-  
canæ.

Gomara af-  
fentitur Mo-  
nardo.

Cultura ra-  
dicum Yuccæ

Coniectura  
de Canabe.



non incōueniens, vt supra assimilauimus: at difficillimè apud nos propagatur, nec caules similiter propagabiles producit; sed fortè radix, & imus stipes illis in regionibus propagationi aptus. Cardanus de subtilitate lib. 12. Hyiuccam sic describit. *Herba similis sparto, quod Canepum vocamus. Radix tamen ipsa Carotis simillima; sed maior: intus tamen candida, exterius aspera, & coloris vinosi fermè.* Gomara in sua Historia (vt dixi) à quo sumpsisse Cardanum censeo Hyiuccam describit folijs Canapinis, Clusius in Annot. in Monardem. Canabis vertit, Cardanus verò (vt patet) sparti: quem certè Scaliger de subtil. exerc. 153. ineptè accusat. non enim confundit Genistam, & Spartum, Cardanus, vt falso illi obijcit Scaliger; sed alia ratione forsàn peccat pro Canape Gomara Spartum proponens. non enim certò scire possumus, quid Gomara intelligat per Canapum, (quod verbum funem apud nos sonat) an herbam ex qua canapi, & funes in Hispania fiunt, quæ Spartum Diosc. est, an verò Canabem propriè dictam, quod mihi arridet, ex qua in Italia Canapes, & funes cōficiuntur, vel deniq. aliud herbæ genus ex quo in India Canapes, & funes conficiantur, vt Aloes America, &c. Scaliger ipse, ita Hyiuccam designat. *folio est Sambuci. Radix humana coxæ complet crassitudinem.* qui quidem longius, quam alij à nostra planta diffidet, & ab alijs omnibus dissentit.

Superioribus his assentitur Consaluuus fernandus Ouiedus summario Indiarum Occident. c. 6. & lib. 7. Hist. gener. c. 2. vbi de Yucca agit. cui fidem præstandam censeo; nam lib. 1. c. 1. scribit se continuò habitare in Vrbe S. Dominici in insula Spagnola, & lib. 4. se dicit esse Capitaneum, & Castellaneum Arcis in Vrbe S. Dominici. in qua Yuccam colunt, & sic loquitur. *Planta Yucca vocata constat ex virgis quibusdam nodosis paulo altioribus, vel minoribus homine, crassitie duorum digitorum paulo magis, vel minus pro telluris maiori, vel minori vbertate. duorum est generum Yucca: altera imitatur Canabis folia, seu manus humane apertæ extensis digitis figuram, & eadem magnitudine, canabinis verò folijs crassiora, maioraq. sunt. Quilibet autem frons 7. vel 9. seiunctas, diuisasq. punctas, & mucrones habet: caulis seu stipes nodosus, vt dixi, est, atq. coloris cinerici, vel albidus folia ipsa valde viridia, pulchra, & visui grata in campis apparent. alterum genus ramis, & fructu non differt à priori. sed folio tantum: nam quamuis quodlibet folium 7. vel 9. diuisuras habeat, tamen aliam formam retinet. ideo viriusq. folium hic posui.* Hactenus Ouiedus. Si igitur talia sunt Yuccæ folia, vt etiam ex alijs dictum est videlicet Monarde, & Gomara, quibus Cardanus subscripsit. nostra certè planta non erit istorum Yucca occidentalis videlicet, sed alterius generis, Canedana scilicet, ab hac enim regione, quæ in Noua Francia est multum distans à Mexico,

Cardanus de  
Hyiucca.

Defenditur  
Card. contra  
Scaligerum.

Scaliger di-  
stat ab om-  
nibus.

Ouiedus de  
Yucca Mexi-  
cana.

acce-




Nostra Hyiucca Canedana à nullo descripta.

accepimus nos hanc plantam, itaq. fatemur nostram plantam non esse Mexicanam Yuccā à prædictis auctoribus descriptam, sed alterius generis, & valdè diuersam; sed eiusdem vsus, cum ex hac etiam fiat panis in Canada, verum nostra planta non videtur ab aliquo descripta. Mexicanæ Yuccæ folia sic pinguntur.

### FOLIA HYIUVCCÆ MEXICANÆ

HYIUVCCA PRIMA OVIEDI.

HYIUVCCA SECUNDA OVIEDI.



Hæ rudes foliorū Hyiuccæ vtriusq. figuræ in Ouiedi lib. extant, quas afferre non piguit, vt lector benignus distinguere valeat Hyiuccam nostram Canedanam (à nullo hæcenus descriptam) à Mexicana Hyiucca. Monardis, Gomaræ, Ouiedi, Cardani, & aliorum.

### De Pane Hyiuccæ Mexicanæ.

## SECTIO TERTIA.

**Q**uoniam autem de Hyiuccæ planta sermonē capimus liceat quæso ipsius historiam prosequi, & agere etiam de mexicana. Nascitur hæc in India in Continenti in Prouincia S. Marthæ, S. Dominici, in Cuba, Hayti, & reliquis Insulis, ex cuius radice panem conficunt, quo Indi tot sæculis vitam sustentarunt, & hodie etiam vescuntur Hispani. Sed mirum in tota Insula S. Dominici ubiq. succus venenatus est, non alibi, vt refert Monardes; sed Gomara etiam in Cuba, & Hayti cruidam radicem esitaram perniciosam dicit, excipit tantum S. Marthæ prouinciam. *vbi. Ea (inquit) cruda, assa, elixaq. vescuntur, & quocunque tandem modo parata grati est saporis.* Ratio panis ex ea conficiendi

Panis ex Hyiucca mexicana.

Hyiucca vbi venenata.

doce-



docetur à Scaligero loc. cit. *Sam* (inquit) *redigunt in pollinem pumicum, aut Cotium attritione - tum in manicam induunt* (sic enim vocant laneam cucullam. quod nos Colum, Pharmacopola) aquam imponunt, ut expressione transmittant succum. ille liquor lethalis est. Pulverem, quæ reliqua est, exponunt soli sacchari candi specie: siccantam farinam, aqua subactam, in panis modum formant: quem panem *Cazaui* nominant. Monardes. *Cazaui* appellari scripsit. Ouiedus *Cazabi*. aliter, & luculentius huius panis faciendi rationem docuit Monardes. Repurgatum (inquit) suo cortice, instrumentis quibusdam (ijs, quibus muliercula linum pectunt similibus) dente acuto, & firmo præditis in frustula secant, & comminuunt, quod comminutum est, in manicam ex palmæ folijs contextam injiciunt, & pondera quedam veluti grandes lapides superimponunt, ut suo pondere succum ex fructu exprimant, quo probè expresso, fructus crassior materies amigdalitis tritis, & expressis similis restat, quæ patina iniecta lento igne coquitur, & densatur, subindè illam voluendo uti ova frixa solent: ea bene densata placenta sic nummi Hispanici octo regalibus æstimati crassitudine, quam soli siccandam exponunt. Hæ placenta illis panis vicem præbent, multum nutriunt, possuntq. multo tempore incorruptæ servari. (anno servantur ex Cardano, nos etiam diutius servari posse censemus teste Ouiedo) nam navibus, quæ inde huc in Hispaniam appellant, imponuntur panis biscotti vice, pro alimento. Verùm fauces exasperat eius *Cazaui* usus, nisi aqua, aut in scuto maceretur, aut alijs cibis commisceatur: ea etenim ratione edi potest; at qui succum comedere vellet, altera manu vasculum aqua plenum perpetuò tenere necesse est, alioqui deglutire minimè posset. De hoc pane *Cazabi* exactissime etiam agit Ouiedus, quem legito: nos huius panis *Cazaui* frustrum habemus acceptum ab Henrico Coruino Aromaticario, & Botanico Romæ, quod ex India à Batavis delatum receperat à clarissimo viro Theodoro Clutio. cuius hæc est imago.

Panis ex Hy-  
iucca confici  
endi ratio.

Cazaui.

Panis cazabi  
exasperat fau-  
ces.


Lati-



## PANIS HYIVCCAE MEXICANAE.

SCLAV SCLAV.

CAZABI.



RADIX HYIVCCAE CANADANAE.



Latitudo diametri huius panis, palmaris est, rotunda placeta modo, in medio semidigiti crassitie est, in ambitu tenuiori colore, albo quide: sed admistis fuffuribus. videtur enim placeta ex alba farina facta, & fuffure crasso. sapor nullus sentitur, sed exucci pulueris instar os afficit: ad huc perdurat incorruptus: sed cum Ouiedus duplicem afferat panis huius, seu placenta, formam, scilicet *Cazabi* cuius altitudo semidigitum aequat, pro vilioribus, & *Sciausciau* pro nobilioribus, qui tenuior est. huius generis nostrum frustrum iudicamus.

## De Succo Hyiuccae.

## SECTIO QVARTA.

**S**I mihi circa huius succum philosophari licebit, considerandum proponam, quae vis possit eius esse Veneni. Ouiedus. succum crudum pessimum venenum vocat, ut vno tantum haustu enecet, quod si ebulliat duobus, vel tribus feruoribus. iuris vice in usum venire pro pane intrigendo ait. sed dum calet, antequam perfrigeretur edi debere. decoctus ad consumptionem duarum partium, & triduo aeri expositus, dulcescit adeo, ut Sapae vicem suppleat. quod si iterum hic dulcescitur hoc modo liquor ebullierit, & aeri fuerit expositus, acescit adeo, ut aceti modo vsui sit. Monardes sic scripsit. *Sed mira est expressi succi iam numerati Natura, nam si homo, aut animal eum bibat, aut degustet, illico moritur, tanquam praesentissimum aliquod venenum haussisset: at si primum ferueat, & ad media decoquatur deinde refrigerari sinatur, Aceti vsum praebet non minus praestantis, quam si ex vino confectura foret. Si vero coquatur donec crassitiem acquirat, dulcescit, & pro melle est, vide quanti in rebus momenti sit coctio, quandoquidem praesens venenum in salutare alimentum, & potum conuertit.* Hic in reddendis tot mutationum causis Cardano, Scaligeroue subtiliores esse fas erit: itaque particulatim singula aggrediemur.

Pro certo accipimus primo. Succum venenum, substantiam alimentum esse, ita Monardes, & caeteri: unde etiam quaestionem posuit Scaliger exercit. 153. num. 5. lib. de subtil. his verbis. *Cur Hyiuccae succus lethalis, farina salubris est? Eo modo quo Porri succus perniciosus: Porrum ipsum editur sine noxa.* Ratio pendet a duplici causa: una est partium tenuitas: unde est facilitas penetrationis: altera est libera qualitas, & facultas ad nocendum in succo ipso: posteaquam soluta est societas, quam inierat cum terrestri parte a primordiis ipsis ortus ipsius planta, quae pars aduersa qualitate ferociam eius ita cohibebat, quemadmodum crassitie sua, tardabat celeritatem. Pace

Succus Hyiuccae Mexicanae veneni

Ratio Scaligeri duplex.



Taxatur Scaliger.  
Negatur paritas inter Porri succum, & Hyiuccæ.  
Prima ratio.

Secunda ratio.

Tertia ratio.

Quarta ratio.

Correctio Porri.

Quinta ratio.

Hippocr. de succo Porri.

Quale Hyiuccæ venenū.

subtilis Scaligeri, dixero parum subtilem hic ipsum fuisse. Nam primo neganda est paritas inter Porri succum, & Hyiuccæ liquorem, multiplici de causa. Primò, quia Porrus totus tam crudus, quam coctus, & cum suo succo absq. vlllo nocumto editur. Hyiucca verò cruda, & tota, cum suo succo in Insula S. Dominici, sine vitæ detrimento, vesci non possunt Indi: vnde succum separare coguntur. Secundò, Porri succus est verè succus expressus. Hyiucca verò dictus succus (si vera refert Scaliger supra citatus) improprie succus Hyiuccæ est, nam additione aquæ fit, vnde potius tenuior quædam miscela, quam succus. Terriò, succus Porri videtur quasi Homogeneus, & totus venenosus, Hyiucca verò heterogeneus aperte est, pars enim, quæ prima coctione exhalat, (nimirum tenuior) venenosa est. Quarto, Hyiuccæ succus coctura amittit venenositatem: an idem de Porri succo affirmare poterit Scaliger? contrarium potius censeo, & (veluti chymicum extractum) futurum suspicor multò validiorem crudo: quod quidem si impunè, & tutò experiri liceret, facilis, & cita esset experientia, & clara dubitationis huius explicatio. sed coniecturam nostram illud videtur confirmare, quia simplici coctura Porrum cum suo succo non corrigunt Galenus, & Dioscorides: sed bis decoquunt, hoc enim modo coctio prodest quidem succum à substantia separando, nimirum in aquam admistam deponendo: non tamen illum corrigit (Hyiuccæ modo) exhalatoria separatione, in vno enim coctio corrigit substantiam efilem, in altero potabilem. Quinto, Porrum sua acredine nocet, vnde Galenus de cau. morb. c. 2. *Vsus immoderatus esculentorum aeris, & calide qualitatis, veluti alliorum porrorum, caparum febrem aliquando suscitavit.* Venenum autem est, quia sanguinem educit, vt habet liber de Dinamidijs inter Galeni spurios. *Sanguinem* (inquit) *purgat porri capitati succus dracma una.* & liber alter de Cathartics etiam inter Galeni spurios. *Sanguinem educit porri succus.* quod idem apud Aetium legitur serm. 3. cap. 56. Et fortasse hoc est medicamentum illud, cuius meminit Galenus, quo educebatur sanguis (fortasse dico, nam inuentor ille non succo utebatur illius herbe, sed contactu vim inuenit, postea succo, vel substantia vsus est?) At educere menstrua constat, nam Isaac de Dietis, & Rufus apud Serapionem suppositum succum ea educere scribunt: ac contra opponi video Hippocratem tum his, tum Scaligero, & cæteris. Nam 2. de morb. mul. in mea Cornari versione in 4. fol. 372. *Potio ad fluxum, & omnes morbos, qui ab utero sunt. Ferule rase Acetabulum, & porri succum in vino albo diluto. Hoc etiam ex naribus manantem sanguinem sistit.* Sed quicquid sit de Porri succo. Hyiuccæ succus venenum illico necans est, & fortasse strangulans: etenim (vt aiunt) panis ipse etiam si succo priuatus, & co-

ctus



Etus fauces exasperat, & siccus deglutiri nequit. Accedat etiam aliud, nimirum ex Dioscoride, & Auicenna. *Porri succus ex melle potus contra bestiarum morsus auxilio est.* Hyiuccæ autem succus crudus nunquam salubris. ex quibus patet ineptam esse comparisonem succi Hyiuccæ ad porri succum: ex his similiter clarum est subtilissimum alioqui Scaligerum nimis crassum hoc loco euasisse. Sed vltro pergamus. causam affert duplicem; sed non (meo quidem iudicio) exactam. Prima causa huius succi malignitatis (ex ipso) est partium tenuitas, à qua est facilitas penetrationis. ridicula certe causa. Nam si partium tenuitas est causa, ob quam Hyiuccæ, nec non porri succus venenum est, omnes succi, & omnia medicamenta, quæ partium sunt tenuium, immo omnia Spagirica (quæ tenuissima sunt) maxime erunt venenata; quod sanæ mentis nullus cōcedet. si dicat succum per se maleficum, separatione à fœcibus, quia attenuatur, validiorem effici: nō erit ergo venenosior, quia simpliciter substantiā tenuior est reddita; sed quia segregatus à materia crassa ipsius acrimoniam, & malam qualitatem obtundente: vndè porri succus nunquam venenum, nisi à parte crassa separatus. Hyiuccæ verò radix integra venenū est, etiam non expresso succo, scilicet cruda. Quare rectius statuendum partium tenuitatem in qualibet re ad penetrationem faciliorem, & ad actionem citius perficiendam, facere. vndè ob partium tenuitatem nullum medicamentum dicemus nocuum, vel salubre: sed si salubritati accesserit tenuitas, salubrius dicetur, si verò cū malignitate aderit etiam tenuitas, dicetur nocentius. ergò in Hyiuccæ succo necessario adest summa partium tenuitas, quæ citissima (non malæ) actionis causa est. Dicitur enim degustatus succus illico necare, tenuitas enim, vt dixi, non est causa actionis, sed facilioris, & citioris actionis. Secundam deinde causam afferens Scaliger dicit, succum separatum habere facultatem liberam ad nocendum, at mistum cum terrestri parte aduersa qualitate ferociam cohiberi, crassitie celeritatem retardari. At neq. hæc causa pro vera nobis recipienda venit, habere quidem locum potest in porri succo: nam hic crudus, & totus cum suo succo esitatus non nocet, separatus autem succus venenum dicitur. At in Hyiucca alia ratio est, hæc enim cruda, & cum suo succo commesta venenum est semper in aliquibus Regionibus, nec tamen succus liber est à crassa materia, & ab aduersa qualitate: quo patet ineptè venenositatis causam assignari, succi separationem, cum etiam non separatus noceat, teste Gomara, qui scribit. *Hyiucca, quæ in Cuba, Hayti, & reliquis insulis nascitur perniciofa est, si cruda edatur.* Quiedus dicit esse alteram speciem dictam Bonata, quæ innocua est, & cruda edi potest. Ego vt venenositatis causam huius Hyiuccani succi inquiram, statuo primo (ex dictis ci-

Refellitur  
causa veneni  
ex Scaligero

Contra pri-  
mam causam  
Scaligeri.

Tenuitas nō  
agit, sed a-  
ctionem iu-  
uat.

Contra se-  
cundam cau-  
sam à Scalig.  
allatam.



Auct. opi. de  
vene. Hyiuc-  
cæ.

Non totus  
succus vene-  
num.

Sapores non  
gignuntur ab  
igne.

Vt separen-  
tur spiritus  
destillatione

tatorum auctorum) Venenum Hyiuccæ succi (si succus propriè dici po-  
test, pars substantiæ tenuis aquæ additione extracta, vt vulgaris dictus  
liquiritiæ succus) expressione à reliqua substantia ex parte tolli, non pe-  
nitur: nam adhuc cruda etiam abstracto succo, alicubi non est esilis.  
Secundò, statuendum ab extracto succo venenum coctione tolli co-  
actum calore in auras euolare; & patet etiam, quod remanserat in fœcibus  
venenum, coctione tolli, quia fœx relicta pani conficiendo inseruit, quo  
salubriter (inquit Monardes) vtuntur Indi, & in quotidiano est vsu  
pro nutrimento, non solum Indorum, sed etiam Hispanorum. succus  
igitur (seu tenuissima substantia) non substantia crassa, venenatus erit;  
imò huius particula quædam sola, quæ coctione tollitur; sed vt par-  
ticularim hunc consideremus succum, dicendum Heterogeneum  
esse, nec totum venenum, vt patet ex eo, quod decoctus ad medi-  
etatem non sit ampliùs nocuus; sed pro aceto inseruiat. decoctus ad  
crassitudinem, mellis, seu sapæ loco habeatur. Itaq. ex hac Indorum  
vulgari per coctionem separatione, triplicem succi partem agnouimus.  
Venenatam, quæ primò exalat. Acetosam, quæ secundo euaporat. de-  
nique melleam dulcem, quæ remanet. Nec dubito quin peritus Spa-  
gyricus adhuc plures partes diuersas arte sua separaturus esset, si præ  
manibus talem haberet succum. Atq. saporem in tali succo Acidum,  
& Melleum separatione apparere, non calore gigni sentio, sicuti in alijs  
multis chemicis processibus accidit, vt rectè Petrus Castellus in Dode-  
chaporio Chalchâtino dub. 3. pag. 31. & 32. Nos verò (tùm Acetosa, tum  
Mellea, alijsq. derelictis partibus) substantiam, qualitateq. huius pri-  
mi succi tantum considerabimus, qui venenatus est. Cum igitur pars  
venenosa coctione primò euaporet (vt ferunt) oportet reliquarum par-  
tium tenuiorem esse, atq. hæc quidem pars tenuior coctione, & destil-  
latione primo ascendens potest esse (vt chemicis est notum) vel aquea,  
vel aërea, & spiritalis, exemplum est in vino, a quo primo ascendit pars  
aërea, & spirituosa, secundo Aquea. In Vitriolo vero, & aceto primo  
pars aquea tenuis ascendit. secundo, acida, & spirituosa (vt volunt ali-  
qui, quibus tamen in aceto reclamatione Libauius) quod accidit prout ma-  
teria ignem, & calorem passa hac, vel illa substantia tenuiori, & sepa-  
rabiliiori magis abundat. seu prout spiritalis substantia residet in par-  
te, aquea, vel terrestri; in aquea, vt vini spiritus, qui primus ascen-  
dit; in terrea, vt Vitrioli spiritus, qui post flegma ascendit; seu spi-  
ritus (hermeticè loquendo) residet, & producitur, vel à sulphurea  
parte, vt in vino spiritus ardens, vel à Mercuriali, vt in Vitriolo, in  
quo spiritus post flegma, & ante oleum dictum ascendit: hoc autem ex  
Vitriolo ultimo ascendens atrum, falsa pars est. vel deniq. spiritus ex

par-



parte saligna magis deducuntur, & abstrahuntur, tunc ultimo ascēdunt, ut in aliquot aquis fortibus. sed hæc aliò spectant. In Hyiucca igitur primò separabitur coctione pars tenuior, quæ vel erit aquea, & insipida, vel spirituosa, aerea, & acuta. atq. in altera ex his illius venenum contineri fateamur, quod si nobis licuisset hunc destillasse succum (quod non licet in nostra Canedana, quæ est alterius generis) facile nouissemus eam, quæ exisset, humiditatem. sed postea quam huius succi destillandi non datur facultas, imaginatione id assequi tentabimus, censem igitur cum eruditissimo Botanico, & Spagirico, nec non Hippocratico Medico Petro Castello, cum quo familiariter de hac re loquuti sumus, venenositatem esse in parte acuta, & spirituosa; nam actionis vehementia, & celeritas, non nisi acutam, & spirituosam substantiam arguit, insipidum enim phlegma, parsq. aquosa quamuis tenuis, & primo evaporabilis actionum celeritati nequaquam apta iudicatur. hæc est nostra opinio, sentiant quid velint alij, in re dubia, liberum est cuiq. suum iudicium.

Sed simul etiam alterius accidentis reddenda est causa: nam scribit Monardes. *Nec minore admiratione dignum est, omnem Yuccam in continenti nascentem, tamen scilicet, quæ ad Sanctum Dominicum nascitur (ex qua Cazani fit) similem, salutarem esse, eiusq. fructum (radicem velle censuit Clusius) edulem, & succum inde manantem potabilem, nullamq. noxiam adferre: eam autem, quæ ad Sanctum Dominicum provenit (quacumque tandem ratione edatur) eiusq. succum non coctum, perimere. Locorum verò naturam tanti momenti esse, ut quod salubre alimentum in continenti præbet, id in omnibus insulis præsens sit venenum. Quomodo Colummella de Persico scribit, perniciosum venenum in Perside fuisse, at ubi in Italiam translatum fuit, noxium illum succum deposuisse, & suavem, salutaremque præbuisse.* igitur in continenti Hyiucca, & cruda, & non expressa sine nocumento editur, & succus similiter bibitur, at in Insula S. Dominici, & reliquis Insulis, & Hyiucca cruda, & succus itidem crudus perniciosus; & eiusdem est sententiæ Gomara. *Yucca (inquit) quæ in Cuba, Hayti, & reliquis Insulis nascitur, perniciosa est, si cruda edatur, in provincia verò S. Marthæ salubris. Ea cruda, asæ, elixaq. vescuntur, & quocunq. tandem modo parata grati est saporis.* Si igitur hæc vera sunt; Hyiuccæ succus non ubique terrarum malus est; unde venenositas Hyiuccæ non est illi naturalis, cum non sit semper talis, sed adscititia, & accidentalis: nam in continenti, & in Insula S. Marthæ succus crudus potabilis est sine nocumento. Ex quo patet nihil ad rem facere subtilia Scaligeri verba: nam Hyiuccæ succus venenosus à non venenoso, neque partium tenuitate, neq. separatione aliqua differre videtur, quæ pro causis veneni ille attulit;

Coctura succi Hyiuccæ quid primo separatur.

Petri Castell. opinio.

Hyiucca in continenti non venenosa.

Hyiucca in insulis tantum venenosa.

Venenum à Regione sumit.

sed



Venenum nõ  
à celi aspe-  
ctu & aere?

An ab aquis?

An à terra?

Locus ve effi-  
ciat plantas  
Venenas.

sed re vera fateri oportet venenum à Regionibus sumere, & loco natali, vt expressè etiam adnotauit Monardes. Verùm si venenum à Regionibus sumit, dicendum, vel ab earum prouinciarum aere, quo ambitur, infici; vel aqua, qua irrigatur & succum desumit; vel à terra qua nutritur; vel deniq. à celi positu, & aspectu peruerso, & maligno de quo nihil in presenti dicam, nam variant aspectus celi, & cum semper Hyiucca ibi venenata, quis ò Astrologe dirus aspectus tam diuturnus? & cur non inficit alias omnes plantas? At si ab aere malignitas Hyiuccæ adueniret, cur hominibus, & alijs plantis non æquè nocuus aër? Nec cen-  
seo adeò veneficam vim ab aquis illarum insularum prouenire, & si sciremus Hyiuccæ succi destillatione primo exire aquositate, & phlegma, possemus fortè dicere, regiones magis aquosas venenosam Hyiuccam producere, quia fortasse corrumpatur, ob nimiam aquositatem, circa radices, pars quædam aquea elementaris Hyiuccæ radices, quæ tali putredine prauam concipiens qualitatem, postea venenum hominibus sit, & ita venenosa qualitas in aquea portione erit residens: sed cum non constet de maiori, vel minori aquarum abundantia in illis Insulis, nec an sint magis, vet minus montuosa, Vallata &c. ob id affirmare, nequeo insipidum phlegma venenatum; magis autem menti meæ satisfacit (vt paulo antè dixi) imaginari acrem, spirituosam, & aeream prima destillatione sursum ferri particulam, quæ quandoq. veneficæ qualitatis sit subiectum, sed fortè ex putredine aquæ, & terræ huiusmodi (quibus nutritur Hyiucca) spirituositas mala accidit, vt effectus sit alicuius alimenti putridi. Nec enim à simplici terra vbi nascitur malignitatem acquirere suspicor, ob malos ibi contentos succos, possent enim esse ibi Sandaracha, Auripigmentum, Cadmia fossilis, vel huiusmodi alia nobis suis qualitatibus infecta, in quibus natas plantas, praua qualitate carere, absurdum est asserere. Sed plurimum terræ istæ malignæ steriles sunt, tamen Diligens Mesues nos admonet, vt colligamus *Polipodium super arborem nascens, nam in lapidibus natum humiditatem habet superfluam, indigestam*. sic etiam vult nata in locis liberis, non Thermanibus, Serpentariam, Arum, Esulam, Mezereon, Squillam, Absinthium, Hermodaëtilos, colocyntidem, aliter venenata dicit. reprobatur etiam aliquas plantas, quæ vnicè natæ reperiuntur in aliqua regione, vel loco, vt colocyntidem, squillam. societate alias gaudere scripsit, vt de Hermodaëtilis. *Ortus eius in vicinitate scille meliorat in conditionibus suis, & similiter in vicinitate raphani*. & de Colocyntide sic expressè scribit, *& quæ nascitur in terris fortibus, & puluerulentis, aut iuxta loca reptilium, aut in locis Thermanum mala*. Quæ autem nascitur in terris laxis, & arenosis, & liberis, est quæ eligitur. de fungis etiam notum vicinitate ferri, panni,

fer-



serpentis mortui, vel eius caueæ, aut plantæ noxiæ (teste Dioscoride) ex salubribus lethales fieri. cum igitur non constet genus terræ illarum insularum, & an ibi animalia venenata particulatim genita radices has inficere possint, vel vicinia aliarum plantarum perniciosarum, vel an genus culturæ ab illis incolis ibi varietur, nihil certi affirmari poterit. nec Cardani, nec Scaligeri subtilitates satisfacere poterunt, immò nec Pelopis acuties Galeni præceptoris in reddenda cuiusq; rei causa. nobis, vt dixi, suspicio magis placet, putredinem alimenti plantæ, pernicipi causam adducere, ortam, eo quod planta ijs in locis rectè concoquere, nequeat alimentum attractum, & ita ob debilitatem coctionis putridam, & venenatam acquirat qualitatem, at dubium est, an illa coctionis debilitas procedat ex parte succi attracti, vel facultatis læsæ ab ambiente; hoc incolis iudicandum relinquimus; nos satis lusimus circa, hanc materiam imaginatione vagantes, cum non liceat, tam facile, illas adire regiones, vel à doctis veritatem de visu audire.

Sed non tacendum videtur, quod mihi à nostræ plantæ acutis, solidiq; foliorum mucronibus casu puncto in manibus accidit; dolor enim adeo sæuus, & ingens illico accessit, vt ferè apud me amplius non essem animiq; fastidio afficerer, ac spasnum timerem. confugi quo portui citius ad Balsamum meum vulnerarium Aldinum dictum à me, quo inuncta plaga statim in miraculum vsq; dolor, & omnia accidentia sedata. Hoc balsamo (post quam in huius mentionem incidi) à me exco- gitato, & plurima experientia comprobato, nullum præstantius inue- niri posse imaginor, cuius vires in atrocissimis vulneribus, & alioqui leralibus, atque etiam venenatis, non apud Aulicos tantum Illustrissi- mi, & Reuerendissimi Domini mei innotuere, atque ipsi subiectis gen- tibus, terris, arcibus, & pagis: sed apud Romanos etiam plures Princi- pes, & nobiles viros, matronasque, immò in vsu etiam plurimo est Ro- manis aliquot primarijs Chirurgis id à me sæpè efflagitantibus. Et In- ter hos D. Prosper Cecchinus Chirurgus Romanus primarius, & Medi- cinæ doctor meo balsamo feliciter curauit Perillust. & Reuerend. P.D. Varesium, insigni capitis vulnere, & contusione ob casum ex vehicu- lo. curauit etiam Franciscum Eunuchum, & Cantorem Illustriss. & Re- uerendiss. Card. Burghejsij, necnon Capellæ S. D. N. ex capitis vulne- re, etiam cum deperditione substantiæ cerebri, in syncipite, vt notum Romæ est, & adhuc, & sanus, & viuens est. & plurimi alij etiam sanati sunt. Inter ceteros verò Medicos, quos honoris gratia hic enumero, ef- ficaciæ nostri Balsami testes, nulla exceptione digni, esse poterunt Illu- striss. & Reuerendissimus Dominus Cirtius Clemens. Sanctissimi Domi- ni Nostri Pauli Quinti, olim Medicus dignissimus. nec non Perillu-

Probabilior opinio:

Punctura fo-  
liæ Hyiuccæ  
Canedanæ  
dolorosa.

Balsamum  
vulnerarium  
Aldinum.

Medici præ-  
clarissimi Ro-  
mani.

stris,



tris, & excellens *Dominus Ioseph Ghislerus* Principis mei Illustrissimi, ipsiusq. nobilioris familiae Medicus; immo etiam maximè Perillustris, & excellens *Dominus Petrus Castellus* Medicus Romanus Spagiricæ artis peritissimus, & simplicium, animalium, atque metallorum perscrutationi deditissimus, atquè amicus meus singularis. alijq. testes esse poterunt præclarissimi Medici, Chirurghi, & pharmacopei, qui non hoc solum à me receperunt medicamentum, sed alia etiam plurima celeberrima, & efficacissima, quibus Dei gratia, & Odoardi Farnesij Principis, & Cardinalis Illustriss. & Reuerendiss. Museum nostrum Hermeticum abundat. sed vinum per se vendibile non eget suspenso hedera. Nunc addèdum mihi videtur hanc plantà fortasse etiam antiquos olfecisse. lego enim in Diod. Siculo rerum antiquarum lib. 4. cap. 3. *In Æthiopia, quæ supra Ægyptum est, iuxta fluvium, quem Astapam vocant, inhabitat gens, quam Rizophagos vocant. Radices enim arundinum, quas ex propinquis locis effodiunt, magna cura lavantes barbari, lapidibus terunt, quoad molles factæ cohereant: deindè placentas ad modum lateris quantum manus capit factas, atq. ad solem decoctas mandunt.* & hic nostram Yuccam innuere videtur, quæ folia arundinum ferre videtur. Sed Regionēs hæ, de quibus loquitur Diodorus, multum distant à Canada.






# DE MARACOT

## CAPVT TERTIVM.

Descriptio Plantæ Maracot.

### SECTIO PRIMA.



**N** VLLA Indica planta magis (quod sciam) ab Europeis desiderata vnquam est hac, quam describendam nunc suscipimus. Hæc ex relatione, & reminiscencia quorundam, quamuis imperfectè delineata, in maximo habita est honore. Hæc à curiosis ob raritatem summè expetita. Hæc à poetis diuinis laudibus decantata. Hæc ab oratoribus omni eloquentiæ genere celebrata. Hæc à philosophis subtilissimis rationibus perscrutata. Hæc à medicis ob saluberrimas vires mirè commendata. Hæc ab ægrotis diù efflagitata; Hæc à Theologis admirata, à pijs Christianis venerata. Denique hæc ab omnibus cuiusq. naturæ, & conditionis gentibus, ob formæ elegantiam, misteria, vires, & alia, mirum in modum exoptata, & perquisita diù fuit, & adhuc est.

Dictam esse Indis audio *Maracot*, ab Hispanis verò quibusdam *la Flor de las cinco ilagas*. ob aliquas (vt aiunt) floris maculas. ab alijs fructus gratia, qui paruo assimilatur Granato, *Granadilla*. vt testes sunt Nicolaus Monardes in *Historia simplicium noui orbis* cap. 66. & Petrus de Cieza parte prima *Hist. Peruanæ*. cap. 28. ab Italis autem communiter *Fior della Passione* dicitur, imaginatis multa signa continere, Passionis D. N. Iesu Christi, quod nomen, quàm apte illi tributum fuerit iudicabunt postea lectores. Nascitur ex Monarde sponte in Peruanis montibus. Cieza autem. *Amplam istam vallem* (inquit) *de Lile dictam, in qua Oppidum Cali, mediam secat flumen, cuius ripæ abundant fructibus eius loci, inter quos grati admodum saporis, & iucundi odoris est Granadilla nuncupata*. Sanè Iacobus Bosius in sua *Cruce Triumphante* lib. 2. cap. 6. ex relatione Ioannis Oforij scribit oriri sponte in Peruanis Indijs à Regione, qua in Provinciam Benezuela ingreditur, vsq. ad totum Regnum Granatæ, atq. etiam in noua Hispania, Guatemala, & Aguagacha. aliorum verò Religiosorum relatione nasci scripsit in Regno Granatæ,

Hæc planta à multis desiderata.

Nomina.

Vbi oriatur.

F

Tocai-



MARACOTINDICVM.





Tocaima, Vaga, Cartago, Vuga, Almager, Pasto, Quito, Lima vrbe, Guamanga, Cusco, Iuli, & haud dubium est quin etiam in alijs plurimis India regionibus reperiri possit, quamuis scribat Monardes *raram esse plantam* (fortasse suo tempore) & *que dumtaxat in vno loco reperiatur*.

Planta hæc viuiradix est, seu Natura sua perpetuæ radicis: fructicosa, repens, & amplexicaulis, vnde scripsit Monardes Hederæ similem esse, eodemq. modo repere, & scandere quocunq. loco ponatur, sed paucioribus viticulis, non tot filamentis, & radiculis, vt Hederæ ascendit, nec cauliculo se contorquetur suo, vt Scammonium, & volubiles alij. Scribit Bosius Plantam hanc ex se vim non habere in altum se erigendi, nisi inuenerit adminiculum alicuius ligni, vel arboris, ob id continuo super terram repere, & fructificare: sed alterius arboris, vel ligni adminiculo reperto breui id æquare, & superare, illi se annectendo vinculis quibusdam, vti vites solent. Postea ex relatione cuiusdam fratris Hieronymi de Agüero narrat: Limæ vrbs incolæ in suis viridarijs ex hac Granadilla sibi constituere amplas pergulas, sub quibus, vmbra, & frigida aura fruenter, sæpè cenant magna voluptate. Apud nos quoq. his quinq. annis (vt nobis conspecta referamus) se harundinibus amplectens suis capreolis ascendit ad altitudinem quinq. vel sex brachiorum, & magis ascendisset, si adminicula fuissent altiora, pluribus ab radice cauliculis prodeuntibus. A terra autem prodijt è semine primum binis cordatis foliolis eruca in modum, cætera deindè folia, quæ caulem ambiunt, singularia orta sunt, alternatim disposita modo ex vna parte, modo ex altera; ita vt alterum ab altero trium digitorum transuersorum spatio distet. Solidiori autè, longoq. prædita pediculo adhærent cauliculo. Porro frondium figura quasi trigona est, similitudine autem foliorum Sambuci rosæ; sed magis sectorum, seu potius Lupuli foliorum: nimirum ex tribus veluti partibus profunda incisione discretis, principio tamè probè vnitis in vno folio, quorum medium segmentum aliquatò maius cæteris existit, & in sectionis imo semispherica efformatur cavitatis rubicundis oris exornata. Et quidem sunt folia longitudine quatuor, vel sex vnciarum, minutim circumferrata, lenia, tenuia, & imbecilla, aliquantum venosa, colore subuiridi, infernè candidiori, qua parte pediculus oritur granula foliacea duo annectuntur, odore sunt ingrato, & veluti amaradulcis, vel stramonij, insuper obseruauit Horti custos admodum diligens muscas depascentes in illis manentem Rorem, inibi etiam deperire, quod idem ex stramonij folijs etiam accidere obseruatum est.

Hinc patet, quantum à veritate distent verbales relationes Doctissimo Bosio factæ: nam descripsit folia, vti Aranciorum indiuisa, & acu-

Natura Maracot.

Volubiles.

Vitus plantæ Maracot.

De folijs.

Obseruatio Olitoris.



## FLORES MARACOT.





minata, ferro, qui summis lanceis imponitur, similia, & scribit etiam auctor libri de hoc flore Bononię editi. folia esse magna, viridia, & densa figura ferri, qui pingitur cuspidi lanceę, quę latus D. N. vulneratus fuit. Nos non aliorum reminiscencias; sed quę ipsimet vidimus, & accuratę considerauimus, & sexcenti alij, nobis Romę commostrantibus, viderunt, nunc referemus, & viuente adhuc plantam cuique ostendere solemus.

Cauliculus cum trium palmorum altitudine adoleuerat per diametrum quartam vncię partem equabat, non tamen postea crassior factus est; sed equalis, eiusdemq. semper magnitudinis in tota planta permansit, rotundus etiam, & leuis, detracto cortice per longum venosus, & quę parte solem aspiciebat, veluti sanguine perfusus, altera verò viridis.

Cum primum ē terra emerfit obrutum semen tria, vel quatuor (ordine dicto) folia produxit, tria verò subsecuta viticulas, seu capreolos, socios habuere, longitudine palmari, crassitudine, vt in vitibus, & duriores, & non diuisibiles in duos, vel tres, sed vnicos, & simplices, colore, vt suus cauliculus, viridi, & parte altera sanguineo, quibus se vicinis plantis, & harundinibus pluries torquendo, & complectendo, fortiterq. adherendo in altum mirę assurgit; & summa celeritate, sed cauliculus ipse nequaquam se conuoluit, ac cōtorquetur (vt falso retulerunt) Hederae instar. Post quę omnia deinceps subsequēta folia simul cum capreolo florem, & quandoque etiam gemmam noui furculi formata sunt.

Futuri floris Calix vnicus pro quolibet folio insidet forti, robusto, tenui, & erecto pediculo, in rotunditate quasi trilatēro, ac trium ferē vnciarum longitudine. Atque Calix iste clausus altitudine sesquiuncia, digitiq. maioris crassitie est: pentagonus figura, & non dissimilis Melantij capitulo iam deflorato, & semunculorum pleno, verum non integer, vt ille; sed ex quinque oclusis, constrictisq. folijs constans, summoq. clausi calicis insunt quinque cornicula parua, erecta, quartę partis vncię altitudine, scilicet folijs referatis insidentia. Paruulus quum est Calix totus colore viridi spectatur, cum verò apertioni properat, circa segmenta albedo apparet: in extremo quoque calicis fundo, quo pediculo committitur, tres parua appendicula spectantur, quarum quilibet videtur foliolum cum duobus granulis. anno 1619. floruit mense Augusto, 1620. Iulio 1621. Iunio, & ab imo primum flos dehiscere incipit: continuo postea floret vnusquisq. cauliculus, vel quotidie, vel alternis diebus se aperientibus successiue floribus.

Floris figura hæc est. Calix cum in florem aperitur, dehiscunt primo illa quinque externa folia subviridia ab extra, intus verò alba, quę

Falsæ relationes foliorum Maracot

De Cauliculo.

De Viticulis

De Calice floris nondum aperto.

liber in duntaxat

vt in aequo

cor-



Floris figura

Crassa stami-  
na.Fructus rudi-  
mentum.Supremi sty-  
li capitati.

cornicula in summo gerunt, post quæ spectantur alia quinque alba fo-  
liola tenuiora, & flaccida non corniculata; sed folijs rotarum similia,  
aliquando tamen strictiora, quæ inter illas posita, expanso flore, Rosæ fi-  
guram efformant valde extensam, deorsum aliquantulum pendentibus  
lubuiridibus illis corniculatis folijs. super quæ in Orbem spectatur du-  
plex ordo filamentorum, mira serie positorum: nam à quodam medio  
circulo prodeuntia, & se circumnectentia pulcræ radiantem effor-  
mant rotam, atq. eam duplicem combinata filamentorum serie. pro quo-  
libet autem ordine filamenta octuagesimum æquant numerum, rotun-  
da, crassiuscula, succosa, longitudine sesquiunciæ, in extremo tenuiora,  
acuminata, & aliquantulum circinnata, colore quidem lubuiridi, sed  
punctis atropurpureis adeo maculata, ut ferè tota purpurea appareant,  
atq. in his filamentis in orbem extensis, dum benè dilatatus est flos, ex di-  
ctis purpureis punctis, modo magis, modo minus obscuris, duo spectatur  
circuli magnâ flori venustatè afferètes: adhuc etiam centro propinquius  
duplex spectatur ordo brevissimorû purpureorû capillamentorum den-  
sissimè in circulû positorû, quasi lineæ duæ satis inter se distinctæ. deinde  
etiâ magis versus mediû alter est ordo capillamentorû paulo longio-  
rû mox dictis, sed attriorû. Rotunda deinde est area viridis, & splens, &  
nitida, in cuius medio, centrum totius floris obtinet, crassior, exalbi-  
dusq. pediculus columnulæ instar, & in imo crassior paulò, postea te-  
nuior, cui insunt quinq. crassa stamina colore viridi diluto, purpuro-  
nigris punctata maculis cum suis luteis, & satis magnis appendicibus,  
ut in albis lilijs, quæ cum primo flos dehiscit per quadrantem horæ non  
amplius, appendicibus sursum dispositis, & stellam efformantibus, re-  
cta spectantur; sed cùm paululum flos processit, & omninò est expan-  
sus, hi petioli retorquentur, & luteæ appendiculæ deorsum pendentes  
nutant. supra hæc in floris medio fructus rudimentum locum habet vi-  
ride, rotundum cùm aliqua oblongitudine, seù quinquangulum, ac si  
obscuras haberet strias, magnitudine ciceris parui, seù magni grani tri-  
tici. Huic denique quatuor insunt, interdum quinq. sed ut plurimum  
tres tantum crassiores styli, & ipsi capitati, seù in summo crassiores cum  
quadam rotunda triangularitate, ut clavi quasi caput forment, & fini-  
gant, hinc à multis clavi sunt dicti. viridi colore, & purpureis punctis  
in flore clauso coniuncti primo sunt, & erecti, mox aperiens se flore  
dissunguntur, & eo tempore appendiculæ (ut dixi) supra florem stellam  
efformant quasi auream nimirum flore semiaperto, quod evenit brevissi-  
mo tempore, sed statim atq. flos fuerit optimè expansus, momento  
temporis, & instanti (vnde nisi quis continuò, & assidue florem de-  
hiscentem aspexerit diligenterq. hoc non notabit) contorquentibus se

illis



illis quinque pediculis, seu crassis staminibus, & stellæ coniunctæ delentibus formam appendiculis deorsum contrario modo versis, ita etiam eodem tempore clauiformes superni styli contorquentur, & deorsum vergunt, quæ floris apertio, actio, & motus, pluries à nobis magna diligentia, & attentione inspecta, magnâ oculis, & animo curiosos voluptatē, & iucunditatem attulit. Flos in meridie ipso expanditur, & citò, & latissime, sic etiam remanet nocte tota, sequenti die paulò post solis ortum clauditur omninò in campanulæ satis angustæ formam, adeòq. breui marcescit, vt 24. horarum spatium apertus minimè pertingat.

Longior, & nimis diligens videbor fuisse in hoc explicando flore; sed necessarium id visum fuit, vt dilucidarentur, & clarè innotescerent ea, quæ huic tribuuntur flori, an vera, vel falsæ, & adscititia sint. veritati quidem non obstitit Monardes scribens. *Florem habet albæ rosæ persimilem, in cuius folijs aliqua veluti passionis Christi figuræ delineatæ conspiciuntur, quas magna diligentia istic pietas existimes eam ob causam elegantissimus est flos.* Verùm Auctor Bononiensis scribens vnicum tantum habere, folium campanulæ instar, non leuiter est deceptus, præterea simul cùm Bosio Coronam addens 72. spinarum, merum figmentum attulit: sed excusandi hi sunt; nam relata referunt, & admirantur, & qui retulerunt (alioqui viri grauissimi) non perfectè poterant reminisci veræ formæ, & omnium particularitatum: sed aliorum scriptis omissis, veram plantam in Horto Illustriss. Domini mei viuentem pro Theologis (si licet) quæso consideremus (intra meos tamen terminos.)

Qui in summo sunt clauis adeò perfectè sunt figurati vt addi nihil possit, interdum tres, interdum quatuor sunt, & etiam fuere, qui tres, & qui quatuor D. N. I. C. Clauos fuisse docerent, (sed obstat in aliquot floribus, quinq. vt dixi clauos apparere) in flore aperto contorti sunt, & atris punctis maculari, quasi sanguine infecti, & iam è cruce sublati. fructus rudimentum in flore ipso spongiæ potest comparari, quæ cum aceto, & felle oblata Saluatori in cruce fuit. Stella verò in semiaperto flore, cælestis Domini passionem, seu stellam Magis præeuntem, in aperto verò hæc quinq. particulæ multa alia possunt significare, vt quinque plagas. Basis fructus, & illorum quinque pediculorum, Columnæ, cui illigatus Dominus fuit, non obscurè assimilatur. filamenta verò fustibus perbelle assimilabuntur sanguine perfusis (nò coronæ vt aliqui) circuli autem illi purpurei in filamentis apparentes coronam spineam sanguine madidam ostendent. alba folia puritatem, candorem, & albam vestem Saluatoris demonstrabunt. Corniculata folia, & intus alba, ab extra viridia spem, ac puritatem cum aculeo, idest penetrantem, quibus præditus debet esse quilibet fidelis, & misteria Christi passionis am-

Excusatio  
Auctoris.

Christiana  
floris consi-  
deratio.

plecti



plecti. folia sunt vnica, quia vnus Deus, trigona, quia tres personæ. Planta natura sua apta ascendere ad cælum vsq. si eouiq. adminiculum acquireret; sed non sine capreolis: ideò Christianus, qui natura sua est aptus ob merita passionis in flore depictæ, vsq. ad cælum ascendere, adminiculis eget, quibus incumbat, & adhæreat charitatis, quæ amplectitur, &c. planta etiam recisa ad radices, regerminat, vt noscamus, qui passionis misteria in corde retinet, nullam mundi iniuriam obesse illi posse. Dulcem, & odoratum postea affert fructum, passio enim D. N. delectabilissimum, & vtilissimum affert nobis fructum. Sed satis. Ego, vt verum fatear, tantam multitudine, nisi per vim, in hac planta non aspicio. vnde cum dicant aliqui omnia misteria passionis D. N. Iesu Christi in hoc flore apparere, & ideò vacari *Fior della Passione*. mihi non satisfacit. Nam in hac tota planta Crux non apparet, quod primum, & principalissimum passionis Saluatoris est signum, clauiformes styli quinque spectantur, lanceam non video, alia, quæ attuli per vim contorfi, & idem in infinitis plantis facere possem, & ita per consequens infinitæ essent plantæ passionis. Sed ad plantam ipsam redeamus.

Falsa relata  
à Bosio.

Retulit Bosius, dilatari florem oriente sole, & eo occidente claudi, quod falsum obseruauimus, sed eo, quod diximus, modo, clauditur, & dilatatur. Nec clausus permanet campanulæ instar, vt idem scribit, sed expansus est omnino rosæ in modum, quum verò die sequenti clauditur, tunc campanulam efformat, & ita remanet per duos dies semper eodem modo, postea decidit, quâdoq. siccatur in planta, si fructum non perfecit, vnde non omnes apud nos fructum perficiunt, sed pauci admodum.

Floris diuer-  
si coloris.

Nec reticendum quod ab Indis accepit Bosius, vt scribit *Florum folia in Perù esse leonato colore, seu fuluo, & in noua Hispania alba rubeis maculata punctis*. At mihi retulit clarissimus, & eruditissimus vir Ioannes Berclai Scotus in Viridario Regis Angliæ vidisse se hunc florem luteum, qui forsan erit Bosij Leonatus, & Peruanus. noster autem flos cum sit albis folijs erit alterius plantæ, & ex noua Hispania dicta, at neque in nostris albis folijs rubræ illæ maculæ apparent.

De



## De fructu Maracôt.

## SECTIO SECVNDA

**D**E fructu scribit Petrus Cieza parte prima Hist. Peruanæ cap. 28. *Granadilla fructus grati admodum saporis, & iucundi odoris est. Monardes ita. fructus Granadilla appellatus ab Hispanis ob similitudinem, quam cum nostris granatis habet: nam eiusdem ferè est amplitudinis, atq. etiam coloris, quando maturus est, nisi quod corona careat; in eo resiccato, si agitetur, strepitum edit semen intus oclusum, piri semini simile, aliquanto maius, tuberculis quibusdam eleganter elaboratus, & aspectu iucundus, pulpa candida est, & saporis expers. deinde ait. Fructus ipse sunt Granatula iam dictæ, quæ matura acidulo liquore abundant, & semine plena sunt: aperiuntur ut ova, & liquor ille cum magna voluptate sorbetur ab Indis, & ab Hispanis: nec etiam si multos sorbeas ullam ventriculi gravitatem; sed potius aluum emollitam senties. fructus temperatus esse videtur, & aliquantulum humidus. Bosius hæc protulit. Maturus fructus (ut aiunt) luteo est colore maculis viridibus infectus, qui plenus suavissimo est liquore, quasi moschi, & ambre, & gustui gratissimo. & hæc quidem apud scriptores reperi. Verum dicam ego fructus immaturus viridis est, deinde maturescens citrinescit, figura potius malo, seu arancio, sed ficcus solatro pomifero, quam granato assimilari mihi videtur: immò parvum limonem omnino representat. cortex etiam non crassus, ut Granato, sed membranaceus solatro, dicto pomifero & capfico, quodammodo æmulus: sed sub membranaceo cortice inest medulla quædam spongiosa candida, medium fructus est vacuum. semen lateribus fructus interna parte hæret, triplici per longum serie, nullis intus septis, ideo maturum semen in fructu sicco separatum ab eo ubi adhærebat loco, & in vacuitatem decidens, sonitum intus reddit, concusso fructu. segmenta autem in hoc fructu melonis instar, & pomiferi solatri, spectantur, tam extra, quam intus. Viridis (ut dixi) fructus parvulum limonem (nobis *limoncello* dictum) omnino emulatur aliquanto est oblongius, seu non perfecte rotundus, ut potius aliquantulum efformet triangularem formam, colore viridis, & obscurus totus est nullis maculis, nec segmentis apparentibus.*

Semina piri seminibus similia sunt, colore citrino.

Descriptio.

Figura Vera  
fructus.

Fructus for-  
ma.


Semen.

G

Vires




## FRUCTVS MARACOT.





Vires huius plantæ nobis adhuc ignotæ sunt . sed si aliquid ex relatis coniectari licet , aqua in fructibus repertâ , quæ acidulo, gratoq. est sapore , non multum calida videtur iudicanda ob huiusmodi saporem à Galeno inter frigida numeratum . sed quia ventriculum non grauare , scripsit Monardes , etiam si in magna copia sumatur , dicemus, tenuis , subtilisq. esse substantiæ . quia denique aluum emollit , detergendo id præstare crederem . at folia hypnotica facultate prædita esse censeo , foliorum enim odor , solatrum sapit . & si recordamur obseruationis supra posite , nimirum Muscas in folijs residentes exanimari , aliquid deleterij , vel forte soporiferi continere fatebimur . sed nil certi affirmare audeo . sed placet nunc memorari nobilissimum meum *Nepente* sine opio , quod omnia somnifera præcellit . *iucunditate* sumendi , pillula enim vna x. granorum pondere sufficit . *cita* , & infallibili actione , nam præstitisse scimus , quod alia opiata non valuerunt . *securitate* denique , quia nec grauedinem capitis relinquit , nec molestum somnum parit . sed de hoc aliàs.





## LAVRVS INDICA





# DE LAURO INDICA. CAPVT QVARTVM.



ATA nobis est planta anno 1620. ex Indicis quibusdam seminibus, quæ racematim breui pediculo 5. vel 7. simul coherebant, baccarum Lauri vulgaris formam habebant, verum non rotunda erant, Sed oblongiuscula, & parum acuminata parua oliuæ figura, ab extra nigra, & rugosa, vt Lauri bacca, statim autem Lauri speciem esse indicaui. Enata, planta breui in magnam altitudinem adoleuit, folia autem odore, & figura Laurum nostratem non parum imitabantur, quod primam opinionem meam auxit, vnde Laurum Indicam appellare nunc liber. Itaque folia insunt quodammodo inter Lauri vulgaris, & Regij dicti media, vel potius cedri folijs similia, non enim ita dura, & lucida sicut Lauro. colore sunt subuiridi, Hyeme (quæ sunt vetustiora, & casura) citrinescunt, ac rubent; longitudine aliqua excedunt palmum, alia semipalmum tantum æquant, latitudine verò nonnulla sex uncias excedunt, mediocriter folium appingi curauimus. Mansa folia amariuscule primò sunt, postea cum dulcedine pauca, mucilaginosæ, & odorem nostratis Lauri referunt. foliorum autem pediculus, qui crassior est, atque etiam ramorum lignum subdulcia sunt. sed mirum quanta mucilago in ore sentiat viscida, & lenta his mansis, id nulla alia in re vnquam obseruauimus, quamuis ultra mille plantas degustauerim. Sed neque talis apparet vnquam mansis communibus mucilaginosi seminibus, vt cytoniorum, psyllij, &c. nec radicibus alteæ, &c. quod vt mirabile mihi apparuit, sic notatu, & aliena consideratione dignum censui: ex hoc enim fortè aliqua vis recondita tam admirabilis plantæ inuestigari posset. Et quidè Petro Cast. Medico eruditiss. in animum cecidit, syr. ex decocto foliorum. loco syr. de altea, asperitati gutturis, & vocis fortasse prodesse posse. hucusq. apud nos florem non produxit.

Dubitauimus aliquando cum Viris Botanicis Eruditissimis, an esse t Cinnamomi, seu Cassiæ, seu Cannellæ planta, nec leui coniectura. nam ex Garzia ab orto Cannellæ arbor est *folijs Lauri quidem colore, sed forma ad Cui folia accedente*. Franciscus de Tamara scribit. *in freto maris*

Odor foliorum.

Descriptio foliorum.

Folia mucilaginosæ.

Coniectura P. Castelli.

An sit planta Cannellæ.

Ery-



Auctores af-  
ferentes cân-  
nellam arbo-  
rem esse lau-  
ro similem.

Fructus can-  
nellæ.

Cannellæ  
quædam spe-  
cies mucila-  
ginosa.

Cannella  
Laurus est In-  
dica.

Folia Cassiæ  
qualia Diosc.

Cortex à  
Clusio alla-  
tus.

Alter cortex  
eiusdem.

Cannella  
Iauaica.

*Erythrai Cinnamomi arbores, & Lauros maris æstu interdum aperta inueniri.* Lud. de Barthena in navigatione sua scribit. *Cannellæ arborem laurum pro-*  
*xime referre, præsertim folijs, item baccas lauri modo ferre, sed minores, & can-*  
*didiores.* Odoardus Barbossa testatur *Arborem Cannellæ esse lauro similem.* idem affirmat Theuetus. præterea Petrus Cieza part. 1. Chronici Peruani cap. 40. Franc. Gomara in Historia generali cap. 143. Augustinus Carate lib. 4. Hist. Peruanæ cap. 2. Cannellæ arborem dicunt esse folio laurino. Christ. Acosta *Folium laurino simile, letius tamen colore dilutius, & minus secum.* Præterea Nicolaus Monardes in nouo Orbe nasci Cannellam retulit, & folia habere laurinis similia dixit. nostra autem arbor folia lauro, ac cedro similia habet. Secundo ex Garzia *fructus Cannellæ est niger, rotundus, auellane ferè magnitudine, aut exiguis Oliui similis.* Gomara verò, Carate, & P. Cieza: dicunt fructu esse racematim coherente. Acosta: fructum maturum, nigrum, & splendens dixit. Tertiò, sapor mucilaginosus, qui est in nostra Planta videtur etiam adesse in Cannella quadam nostri cassiam legitimam putant, & in mandendo lentor quidam sentitur. sed alterius generis plantam esse conuincit semen ipsum à me ipso satum; non multum tamen à cannellâ dissimilem esse plantam censemus. nã Lauri speciem aliqui faciunt, vt Cæsalpinus, & Cardanus lib. 8. de subtr. pag. 303. *Cinnamomum* (ait) *Lauri arbori haud absimile est, folia folijs, truncus trunco similis, nisi quod humilis est; & latè ut salix diffunditur. sed & cinnamomi bacca Lauri baccis: veruntamen illa his minores sunt, & candicantes.* Vnde licet coniectari *Arborem vnâ esse; sed regionibus solum distingui.* Huic tamen pluribus obstat Scalig. exerc. 144. qui legi poterit. de Cassiæ odoratæ folijs, simile quid videtur scripsisse Diosc. nam ait: *folijs piperis.* folia autem Piperis, ex Garzia sunt mali Afirij effigie, & icon apud Clusium spectari potest. immo præstantior Cassia apud eundem Dioscorid. vocatur Daphnitis. à Lauro, qui Græcè *Δάφνη* à Daphnide Virgine in Laurum arborem conuersa.

Aliquando suspicatus sum corticem illum, atq. etiam arborem de qua loquitur Clusius Exor. lib. 4. cap. 1. conuenire cum nostra Lauro. nam *foliorum* (inquit) *odor Laurinorum foliorum odorem æmulatur, sed illis sunt lauiore, & magis viridia.* Deinde suspicari etiam possumus, an Cortex, de quo Clusius lib. 4. cit. cap. 2. dubitat an sit Cassia Veterum, fuerit ex nostra Arbore: ait enim *Aliquo temporis spatio ore retentus hic cortex, præter acrimoniam lentorem quendam habere deprehendebatur.* id autem suspicari me inducit maximus in mandenda nostra arbore lentor. deinde subdit Clusius de Cannella Iauaica. *Eius odor exiguus, imò penè nullus, sapor, qui in viliori cannellâ, aut in cortice modo descripto; in quo tamen mandendo obseruaretur quidam lentor, & veluti gummositas, quæ vel summis tantum digitis*

admo-



admotis inhereret, & quodammodo glutinis instar distendi posset. huiusmodi lentorem ego obseruavi in siccis etiam folijs nostris, quamuis magis in viridioribus. sed nihil certò affirmare audeo.

Sed postquam in Casia, Cinnamomi, & Cannellæ mentionem incidimus, de his opinionem meam non silebo. Quamuis enim plurimos legerim affirmantes Cannellam vulgò dictam, esse antiquorum Cinnamomum, inter quos Garcias ab Horto. ijs tamen multiplici de causa subscribere nequeo. Vnde dico nos destitui verò cinnamomo, & cannellam vulgarem non esse nisi Antiquorum Græcorum Casiam ligneam: cum autem plurium fuerit specierum Casia, ita etiam nunc diuersarum specierum cannella reperitur.

Prima ratio est, quia Casia antiquorum Cortex erat, Cinnamomum verò lignosus furculus, difficilius à cortice separabilis. At cannella vulgaris cum sit solus Cortex, sola Casia erit. id probabo clarissimè ex dictis antiquorum, cinnamomi siquidem attributa, in nulla cannellæ specie reperiuntur.

Secundò Dioscor. c. de Corallo. *Corallum laudatur ramosissimum, cinnamomi figura, frusticis forma.* si vera sunt Diosc. verba, debent conuer- ti, & cinnamomum debet esse figura coralli. sed ubi, rogo, est in nostra cannella forma, & figura coralli, idest ramositas? in nulla cannella reperitur, ergò nulla cannella habet figuram cinnamomi, igitur non est Cinnamomum.

Tertio Gal. 1. de antid. 14. *Est Carpesium herba Phu appellato genere similis.* deinde. *Tenuia autem quadam Carpesij sarmenta cinnamomi virgultis similia sunt.* Si igitur quæ æqualia sunt vni tertio, etiam æqualia inter se. Cinnamomum, Carpesium, & Phu similia erunt. at Phu ex Diosc. *Ex obliquo villosa in nigri veratri, aut iunci modum.* & ex Oribas. *habet adnascens radículas exiguas, ut iuncus odoratus, aut veratrum nigrum inter se complicatas.* nulla video in vulgari cannella sarmenta, nulla virgulta, non iunci formam, non radices complicatas. ergò in nostra cannella nulla adest carpesij similitudo, proinde neque Phu similitudo; si verò horum similitudo non adest, neque aderit veri cinnamomi similitudo. ob id negandum vulgarem cannellam esse antiquorum cinnamomum.

Quartò Gal. 1. de Antid. 13. *Super sunt adhuc ibi multa vasa lignea, quæ varias cinnamomi species continent, quarum nulla tamen veluti truncus, in ramos plures diuisus, multum attollitur: sed hellebori figuram per se fert, immo verò Damasorij, quod è Creta ad nos deferitur.* Hic docet Galenus in illis vasis cinnamomi, tunc temporis nullam contineri integram cinnamomi plantam, nec etiam valde magnam, ut quæ velut truncus in ramos

Nos carere vero cinnamomo.

Prima ratio à cortice.

2. ratio à figura coralli.

3. ratio à similitudine Carpesij, & Phu.

4. ratio à ramis.

plures



Ab Hellebo-  
ri, vel Dama-  
sonij figura.

5. ratio à plu-  
ribus virgul-  
tis.

6. ratio, quin  
ramusculus,  
non cortex.

7. ratio, quia  
ramosum &  
cum radicib.

plures diuisus attollatur, seu coralli figura: id accidere voluit ob Imperatorum post Antoninum incuriam, qui deficiente optimo, & primi generis cinnamomo, nouum, & optimum habere neglexerunt, quod igitur reliquum cinnamomi remanserat, breuius erat, & tantum Hellebori, vel Damasonij figura. At qualis forma Damasonij? ex Diosc. *Est radicibus tenuibus, ut veratri nigri*: in nostra autem cannella non solum nunquam spectauimus notas optimi cinnamomi, s. truncum in ramos plures diuisum: sed neque notas deterioris, s. formam rad. hellebori. non solum paruitate, & tenuitate, sed neque etiam ramusculorum plurium simul ortu, & coniunctione: ergo nostra cannella caret notis, & figura, tam optimi, quam deterioris cinnamomi.

Quinto Galenus subdit de illis cinnamomi reliquijs. *Quævis autem cinnamomi species ab una radice, ceu frutex quidam paruus consurgit, emittitq. hæc sex, illa septem virgulta, vel paulo plura, paucioraue, non aequali tamen omnia longitudine sunt, verum, quod maximum est, pedis Romani dimidium non excedit.* Sed quis vnquam ex nostris tale cinnamomum vidit? quod tamen non erat optimum eo tempore putatum: nostra quidem cannella reperitur ultra duos pedes longa, sed cortex est vacuus, & non virgultum, & semper vnitas sola, nunquam associatio plurium spectatur ab vno communi exortu.

Sexto, Cinnamomum ramusculus est non simplex cortex. Galenus arborem esse primo dixit, quam non equidem fuisse valde magnam existimo, etiamsi arca magna esset in qua integra arbor Romam delata fuit. Arca enim cubitos quatuor, & medium longa erat. deinde ait Galenus. *Ex hoc cum accepissem ramusculos aliquot apud me deposui.* Ex quo patet cinnamomum fuisse ramusculum, non solum corticem, qualis nostra cannella, quamuis pro optima habita.

Septimo, cinnamomi ramositatis testis est Diosc. qui scribit. cinnamomum Mosyliticum *preferri tenuibus ramulis, ac frequentibus nodis cinctum.* deinde vt optimum nosceretur, sic monet. *vellito ab radice surculum.* & tertium genus *fructicosum* dixit. Quartum autem genus *magnam habens radicem.* Quintum verò *densa radice firmatum.* cui subscribit Galen. de Ther. ad Pison. 12. *non magnam radicem habens.* deinde de Mosylitico. *virgas paruas, & subtiles, ramos densos.* denique autem ait: *Quævis autem cinnamomi species ab una radice, ceu frutex quidam paruus consurgit, emittitq. hæc sex, illa septem virgulta vel paulo plura, paucioraue, &c. nec renuit Plin. lib. 12. c. 19. Ipse frutex duorum cubitorum altitudine amplissimus, palmiq. minimus, quatuor digitorum crassitudinis, statim à terra sex digitis, surculosus, arido similis.* deinde ait. *Præcipua bonitas virgultorum tenuissimis partibus, ad longitudinem palmi. secunda proximis breuiore mensura, atq. ita*

ordine.



ordine. *utilissimum, quod radicibus proximum, quoniam ibi minimum corticis in quo summa gratia. Qua de causa praeferuntur cacumina, ubi plurimus cortex. ita patet ramosum, & tenue fuisse antiquum cinnamomum cuius nullam notam habet officinarum cannella.*

Octavo, si de colore loqui voluerimus, habemus Galenum loco cit. sic docentem. *colorem denique talem habere. qualem si quis lacti nigrum colorem admisceat, atque carulei, quem vocant, aliquantulum addat. profecto huiusmodi color in nulla cannellae specie conspicitur. sicut nec color à Diosc. traditus, scilicet. Nigrum ex vinoso in cinereum vergens. deficit igitur cum reliquis etiam conditionibus cannellae ipsi color antiquo cinnamomo tributus. Iurè igitur dicimus, nos carere vero antiquorum cinnamomo. nam in cannella ubi est cinnamomi radix? in terra certe relicta est. Vbi similitudo corallij ramosi? ubi similitudo radicum. Carpesij, vel Phu, vel Damasij, vel Hellebori? ubi sunt sex, vel septem virgulta ab una radice? ubi denique color veri cinnamomi?*

Nono, si consideremus Dioscor. totum cinnamomi caput. sub nulla eius specie tegi posse cannellam cernemus. Etenim Mosiliticum cinnamomum esse nequit, quia colorem non habet cannella, quem scripsit Diosc. non tenues ramos, non frequentes nodos, & à quo velli ab radice furculus nequit. insuper desideratur odor rurae. nec non sapor quadantenus salus. sic neque species est aliquantum à Mosilitico distans. neque item 3. non enim nigrum, neque fructicosum, seu ramosum. neque 4. fungosum candicans, aspectu tuberosum, magnam habens radicem. denique neque 5. densa radice firmatum. ecce cannellam non esse ullam cinnamomi speciem. Neque etiam dicere possumus esse Xyllocinnamomum, seu lignosum cinnamomum. nam hoc est *sarmenta longa* (seu ut Matt. legit virgulta brevia) *robustaq. ferens.* concludamus ergo cannellam officinarum cuiuscunq. sit speciei, non posse esse, nec dici antiquorum cinnamomum.

Addam apud me esse baculum ex vera cannellae arbore, quem salicis esse diceres, (ut non ineptè Theoph. cassiam Amerinæ salici comparavit) longitudine quinque palmorum, crassitudine pollicis, intus ligno leuissimo, & quasi spongioso, & albo, inodoro, & insipido. extra nodi pauci, parvi, & inter se distantes spectantur, cortex est tenuissimus, & vnicus, intus levis, extra rugosus, quasi salicis modo, color rufus, & similis salici; non colore cinereo uti illud Matt. scabrosus, cum aliquibus maculis parvis, nigris: odor nullus sentitur, sed cannellae esse lignum clare ostendit ipse cortex, qui quamvis tenuissimus, & nullam cannellae faciem praeferat, tamen manifestissimam cannellam esse manifestat. Sed de veri cinnamomi defectu mecum sentiunt aliquot viri

8. ratio à colore.

9. ratio.

Apud auctorem baculus ligni cannellae.



Auctores no-  
bis cum sen-  
tientes.

Auctores cō-  
trarij sentiē-  
tes ad nos  
deferri cin-  
namomum.

Soluitur eo-  
rum respon-  
sio.

Respondetur  
Theophr.

Opinio no-  
stra.

eruditissimi, vt Matt. com. in Diosc. Monachi in Mef. Io. Monard. lib. 6. epist. 3. de Theriaca. & lib. 8. epist. 1. B. Marantha lib. 1. Theriaca Theuetus, & alij.

Contra tamen non paucos sensisse lego, qui cinnamomum ad nos ferri cum cassia, & cannella mixtum scribunt, vt Fuch. lib. de comp. med. Amatus Lusitanus in Diosc. And. Cæsalpinus lib. de Plantis. Lacuna lib. 1. c. 13. Garzias ab Orto lib. 1. cap. 15. C. Clusius in com. N. Monardes cap. 25. Costeus in Mef. com. de elect. cinnamomi. Scaliger de sub. exerc. 144. Franc. Alexandri radio 1. Apollinis. Nicol. Stellio- la. de Theriaca. Euangelista Quadram. de Theriaca c. 5. & 12. & alij. Sed allatas à nobis rationes vellem soluisent. nec satis est, quod respon- det Costeus. nihil referre, quod nudus sit cortex. quia Indica com- mentaria cinnamomum esse asserant. non sufficit, dico, horum aucto- ritas, sine ratione. sed addit. non posse negari cinnamomum esse li- gnosum virgultum, planta enim non est, nec cortex sine ligno. ta- men cortex cinnamomi olim expetebatur. teste Theoph. 9. de Histo. Plant. scribente cap. 5. non in ligno, sed in cortice gratiam esse, pro- ptereaq. quod radici proximum est, quia minimum corticis plurimum autem ligni habet, esse deterrimum: summa verò cacumina plurimum corticis, & ligni parum habentia esse laudata. Respondeo nō negandum maiorem, vel potius totam odoris gratiam in cortice residere. tamen. ex quo colligat Costeus adhiberi solum cinnamomi corticem nō video. nam si solus cortex à ligno separatus in vsu fuisset, ad quid electio illa, cacuminum? nam delibratus cortex quamuis infra tenuior, supra cras- sior spectaretur. tamen totus esset cortex. & non efficeret illam diffe- rentiam à Theo. notatam. ego verò cenfeo totum ramusculum cinna- momi in vsu fuisse cum cortice, & ligno, sed quia cacumina ob cras- siores corticem, ac teneriorem, & lignum nondum induratum odo- ratiora, & sapore acutiora erant, ideò magis expetebantur cacumi- na. propè radicem verò quia lignum creuerat, & cortex attenua- tus erat, deterior pars ea habebatur; sic in nouellis furculis cedri, vel lauri 4. digitos longis, cacumina plurimum corticis habere spectamus, tenera, odorata tota, actota aromatica. deinde verò cum creuerint, & medulla interna in lignū obduruerit, soli cortici tenuiori effecto, rema- net odor, ac sapor. sed in his cacuminibus sciendum etiam difficillimè corticem à ligno posse separari. vt ego tentauī in nostratis vulgaris lau- ri furculis nouellis. sed nec ab vllō Antiquo scriptore colligere potui, cinnamomum decorticari, nec à Diosc. nec Galeno, Theoph. immo Pli- nius mihi fauere videtur qui lib. 12. cap. 20. *Cassia nascitur crassiore sar- mento, tenui cute, verius quam cortice: quem contra atque in cinnamomo leuari*

exina-




*U*tinam pretium est. deinde agit de modo corticem auferendi: itaque in cortice leuando contra atque cinnamomo agendum est, non similiter. ergo non auferendus cortex à cinnamomo. Sed hæc satis. hoc addam in meo baculo è cannella', seu cassia. corticem esse valde tenuem, & vnicum, & manifestè apparet non fuisse ablatum alterum corticem vnde nescio quid dicant ij, qui duplicem inesse cannellæ corticem, dicunt. At in meo baculo cortex tenuissimus est, & non crassus, vt cannella qua vtimur, sed adeo tenuis est, vt à ligno difficilimè separari queat, at sapor cannellæ acutissimus, cannellæ baculum esse manifestat quare imaginor corticem, qui adfertur, non esse ramorum, & baculorum, sed caudicis veteris. veluti è subere arbore cortex aufertur à crasso stipite non à ramis.





## FOLIUM, ET BACVLVM CANNELLAE.



Paulo

H. c.



Paulò ante Dicam me habere cannellæ baculos aliquot, cortice tenuissimo præditos, sapore suauissimo, aromaticoq. vt optima cannella. iconem curiosis ostendere possum tantū. Sed ad me accedentibus, vel ad præclarissimum, eruditissimumq. Virum P. Castell. cui dono dedimus huiusmodi baculos aliquot, ad Illustriss. & Reuerendiss. D. meum. Principem, & Card. ampliss. Odoard. Farnesium, ab India, inter alia rarissima, transmissos. Sed folium etiam cānellæ pingi curauimus, quod similitudinem magnam habet cum folio indo, seu Tamalapatra Clusij, vt vtriusq. picturas conferenti patebit, vnde aliqui decepti sunt opinati idem esse, ideò Garzias lib. 1. cap. 19. *Scribit Franciscanus quidam in Aethyopia gigni, sibiq. datum esse, cum inscriptione foliorum cannellæ. Sed valde hallucinatur. Non in Aethyopia nulla est cannellæ arbor, neq. folium similiter fieri autem potest, vt ad eum missa sint cannellæ folia cum ipsa cannella. ea enim non multum à folio differunt Indo, nisi quod cannellæ folium angustius, & minus acutum est, tribusq. illis costis sine nervis caret quos folium Indum habere diximus.* Ego assentior folium cannellæ, & Indum dictum esse diuersa. nam vulgare folium indum, vt ego degustauī, & Clusius etiam refert, lauri folium gustu refert, at cannellæ folium sapore suo cannellam ipsam representat, ob quem refelli nequit. Sed assentiri nequeo Garzię dicenti, folium cannellæ, tres illos neruulos non habere, nam meum folium illos ostendit. & Christ. Acoſta Aphricanus scribit cannellæ *foliū tribus nervis insignitum, &c.* Sed de cannella satis, vnum admoneo folium nostri lauri non habere illos tres neruulos: & folio cannellæ mansum, vel etiam folium Indum, non habere visciditatem illam.





## DE HOLOLIVCHI.





## DE HOLOLIVCHI

Seu Conuoluulo Peruuiano perpetuo.

## CAPVT QVINTVM.



XIT hæc planta folijs corniculatis, vti primum emergit è semine etiam Conuoluulus nostras, seu Campanula azurrea, tam diurna, quam nocturna, folia deinde cetera oriuntur dicto Azurreo conuoluulo forma similia: seu potius similia Apocino latifolio, & cordis quodammodo figura, non ita candicantia, vt Apocino, verum duriora, estque verè folium colore ex atroiridi, leni superficie, & splendenti, ambitu leui, & simplici, in cacumine acutior, tenui carne, sed solida. nunquam folia exeunt bina, & paria, sed impari exortu, nec eadem distantia: præterea cum primo oriuntur, & per aliquod tempus, medium folium apparet: nam folij binæ alæ inter se coalescunt, & conniunt, nec aperiuntur, nisi iam grandi facta fronde. Vnicaulis est ab radice, deinde fruticosa, ac ramosa admodum etadit, vicinis fruticibus sese facillimè contorquens. Caulis valdè lignosus est, intus vacuus, extra cortice cinereo. Planta frigus valdè timet, nam quolibet paruo vento flante, statim teneræ summitates læduntur, & emoriuntur. Perpetuò vi-  
ret natura sua; nam quamuis primo anno apud nos Hyeme, ob frigora ingentia, aliquot plantæ folia omnia dimiserint; vna tamen planta, quæ cæteris erat validior, & melius custodita, sua folia per totam hyemem retinuit, & vsquequo adueniente vere alia noua folia orta fuerint, & sic constat natura sua perpetuò virere. tardè florem, & semen profert apud nos, nam anno 1619. habebam octo plantas, quæ primam hyemem omnes transegerunt, & cum nec primo, nec secundo anno florem produxissent, hyeme secunda omnes periere plantæ. cum frondem, aut ramusculum secabam non emittebant succum lacteum, vt Apocinum, sed aquam viridem, & tenuem. Henrico Coruino Botanico Romano, qui easdem quoque habebat plantas, & sine prole, & flore secundo anno periere.

Descriptio  
foliorum.Qualis sit  
Caulis.

DE



## BALANVS MIREPSICA.





# DE GLANDE

## VNGVENTARIA.

### CAPVT SEXTVM.



VCIS, quam Græci *βάλανον μυροβάλαν*, seu Balanum Myrepficam, Latini Glandem Vnguentariam dicunt. Plin. verò Myrobalanum, idest Odoratam Glandem. Arabes scriptores Ben, seu granum Almesus, Hispani Auellanam Indicam, Romani Bene, nunc plantam in Farnesiano Horto viuere demonstraturi sumus.

Ex Centenis Glandis vnguentariæ vsualis, & vulgaris apud nostros Myropolas fructibus, qui satis recentes mihi videbantur Illustriss. & Reuerendiss. D. D. meo in maxima copia allatis, quos experiundi gratia terræ commiseram, vnica tantum enata est planta anno 1618. quæ in hunc vsq. perdurat annum. Cuius fructus quamuis nostris Myropolis, & vnguentarijs, ac Plebi sint noti, & vulgares, planta tamen ignota est, huc vsq. à nemine ex nostris Botanicis in Italia visa, neque exculta, quod sciam, vllibi in Europa. immo facies, & figura admodum dubia, & controuersa est inter simplicium scriptores. Ob id eius ad viuum pictam Iconem, & exactam Historiam rei herbariæ studiosis non ingrati futuram spero. Quamuis enim Veronensis Pona Montem Baldum peregrinans nouellæ arboris pictam figuram à Creta à Bello transmissam viderit, & in lucem ediderit, quia tamen recens, iuuenis, ac nouella admodum planta pingitur, & diuersa ab adultiore, & quod magis est sine vllis notis: ideo nos alacriter historiam, atque Iconem nostram proponemus.

Primo anno exorta planta quatuor, vel quinque à radice furculos emisit, quos vno, tantum relicto, Ioannes horti Custos admodum diligens abstulit. Relictus furculus octo, vel decem tantum folia emisit ramosa, quibus inerant alia folia Heliotropij folijs similia, vt etiam apud Ponam spectantur, rotundiora, quam Myrto, nec acuminata, sed subalbida; aduentante hyeme foliola primò deciderunt omnia, & remansere folia ramosa, quæ etiam tota simul postea cecidere, tandem remansit medius cauliculus semipalmi altitudine, qui deinde Hye-

Nomina.

Ex 110. seminibus vnica enata planta.

Descriptio plantæ Myrobalani.



## FOLIUM GLANDIS VNGVENTARIAE.





me perijt. Secundo anno à radice germinauit, & in palmi altitudinem caulis vnicus excreuit, hyeme tamen cecidere eodem modo primo foliola; deinde ramosa folia; postremò etiam cauliculus perijt. hoc tandem anno 1622. in humanam creuit altitudinem, & spero fore vt caulis viuat hac hyeme, robustus enim ac lignosus videtur. à radice vnicus est stolo vndiq. folijs inordinate ortis septus. primo autem aspectu, planta visa, diceret esse Genistam: sed præcipue Autumno, decidentibus enim foliolis, remanent folia ramosa, ob id quadam Genistæ facie, quæ quidem folia videntur esse rami ipsius Arbusculæ, & multi fuere apud nos, qui induci nequirent, vt crederent, totam illam tenuium virgarum, veluti iuncorum congeriem (sursum enim spectant) esse vnicum folium. sed totum istius plantæ folium tale est. A parte qua cauli hæret in longitudinem virgulam habet lentam flexibilem, rotundam, ac tenuissimam veluti paruum iuncum, vel genistæ ramum, sed dimidio tenuiorem, quæ cubitū superat; & in summo magis tenuis, & acuminata fit, ab hac prodeunt alati rami, seu alia tenues virgæ similes, palmo longiores, valde inter se distantes, binæ tamen semper, & ordinatæ quatuor, vel quinque pro latere, quæ pariter desinunt in capillaceam tenuitatem. hoc totum ramosum est folium. At ramusculis his plurima insunt foliola Mirti forma, sed non acuminata, nec dura, nec Heliotropio dissimilia, raris geniculis orta, sed binario semper numero, magnitudine inæqualia, atque etiam forma, quò enim magis foliola ad ramusculorum summitates accedunt, eò minora fiunt, ita vt tandem oblonga admodum, & tenuia sint Poligoni vulgaris magnitudine, & figura. At mirti folia à poligoni folijs certè valde distant: talia tamen spectantur foliola. Tandem ista foliola ita minorantur in vltimis folijs, quæ nimirum Decembri mense oriuntur, vt spectare tantum sit virgosa folia sine vllis foliolis, & ita decembri mense, genistæ assimilatur planta, nam nouellæ frondes sine foliolis prodeunt, vetustiora autem folia, quibus decidere foliola ipsa ramosa tantum aparent. Diu, multumq. disputauimus cum nostro Horti custode, & alijs Botanicijs, qui ramosum folium, non folium, sed verum plantæ ramum esse volebant, quibus me primo opposui Theoph. verbis lib. 3. de Hist. Plant. cap. 3. vbi de Sambuco loquitur, quam folia habere dixit lauro emula. deinde subdit. *desinit id totum simul, & hinc vnum folium totum esse ratione putaueris.* pariter enim nos vnum folium dicemus totam illam virgosam congeriem foliolis ornatam: quamuis enim foliola. primo per se decident, ob quod videri possent, distincta, tamen deinde etiam cadit totum simul folium ramosum, quod si verè ramus esset, non decideret ex se; in nulla siquidè planta ramuli ex se cadunt, sed sola folia. secundo folia ista ramosa

Similitudo  
Genistæ.

Folia similia  
ramis.

Qualia folia

Folia mirti.  
Folia Helio-  
tropio.

Folia Poli-  
goni.

Dubitatio  
de folio ra-  
moso, an ra-  
mos, vel fo-  
lium.

Prima ratio

2. ratio



3. ratio.

4. ratio.

Radix.

Flores.

Vbi nascatur

Betulæ rami  
& folia.

omnia inter se sunt similia, & superiora sunt maiora inferioribus, at veri rami inter se differre solent, & inferiores, ac antiquiores esse solent semper copiosiores, ac maiores. Tertiò ab exortu nascitur: nam hoc ramosum folium totum simul, & semel efformatum à planta oritur, primo rubens, inde virescens, deinde nihil priori formæ additur, nisi magnitudo, quæ crescit; siue nullum aliud germen edit, ut solent alij rami: nec foliola paulatim gignuntur; sed cum totis ramusculis. ergò non verus ramus, sed folium unicum. quartò virgularum summitates incapillaceam tenuitatem desinunt, & cacumina clarè demonstrant, vltro non posse germen produci; genuinorum ramorum more: statim enim summitates tenuissimæ læduntur, & pereunt, non ergò ramus, sed folium.

Radix crassa est, Napi quodammodo similitudine ab extra nigra, paucis radiculis.

Flores, & recentis fructus Notas aliàs dabimus si planta produxerit, nec non si vita plantæ, & nobis Omnipotès Deus prorogare dignabitur.

Hactenus nostræ viæ plantæ Historiam enarrauimus, nunc libet Antiquorum de Glande Vnguentaria dicta recēdere, & librare. circa natale solum. scribit Diosc. *Nascitur in Aethiopia, Aegypto, Arabia, & Petrea secus Iudæam.* Theoph. lib. 4. cap. 2. *sunt in Aegypto Arbores, ut Glans, & aliæ quedam, quæ peregrinari omnino nequeunt.* Plinius verò lib. 12. cap. 21. *Myrobalanum Trogloditis, & Thebaidi, & Arabia, quæ Iudæam ab Aegypto determinat commune est.* deinde ostendit differentias inter Arabicum, seu Syriacum, seu ex Petrea oppido, & Trogloditicum, seu Aethiopicum, & Thebaicum, seu Aegyptiacum. quæ si vera sunt, mirari subit, quomodo nunc Balani arbor in Aegypto esse desierit, nam diligentissimus plantarum Aegyptiarum obseruator P. Alpinus in Aegypto nec arbores, nec fructus apparet obseruasse, cum de Ben, seu Balano hac nihil scripserit. fortè ut deperdita Balanus. ita aliæ exortæ, ut Cassia purgatrix, Tamarindi, Boabab: nunc in Aegypto copiosæ, Dioscoridi verò, qui in Aegypto vixit, ignotæ. Sed Petrus Bellon. suarum obseruat. lib. 2. c. 61. propè Montem Synai se vidisse, testatur *Rupe deinde conscensa (inquit) Balani myrespice arbores inter saxa prouenientes conspeximus Betulæ magnitudine, similibusq. ramis; caudice etiam candido, ut procul intuentes, Betulan esse existimarem.* Pharagou incolæ, eius fructus diligenter legunt, & ex illis multum olei exprimunt. *Vt autem istam arborem obseruarem, occasionem nobis præbuit eius semen cum suis siliquis trigonis, ab incola Arabe in aceruum congestum apud Pagum.* Sed fortè Bellonius non vidit plantæ folia perfecta, sed ramosa tantum. nam betulæ folia, nec nostra, nec antiquorum Mirobalanus habet. virgosa,

autem



autem & flexilis est Betula, corbium sportis apta, atque scopis, & fortè non dissimilis facie balano ob virgulas plurimas dum decidere foliola. Monardes autem c. 47. scribit. In insula S. Dominici quoddam genus Auellanae reperiri, qua se Indi familiariter purgant. & esse Ben magnum vulgi, quod etiam firmat Celsipinus de Plantis lib. 2. c. 45. Nostri autem Arbor cum sit Ben vulgare fortè erit Auellana purgatrix, & Ben magnum ex sententia Monardes. Circa magnitudinem Theoph. 4. de Hist. Plant. cap. 2. *Glans* (inquit) à fructu nomen accepit, illaesa, magnaq. arbor est, verum non recta, sed contorta, materies valida, & tam ad alia, quam ad nauigia percommoda. Diosc. verò fructus (ait) est arboris *Mirica* similis. Hic Mattioli. & alij dissentire censentes Diosc. & Theoph. dubitant, aut in Theoph. aut Dioscoridis codice mendum subesse, siquidem aut in Theoph. *rupinus*, pro *rupinus*, aut in Diosc. *rupinus*, pro *rupinus* legitur. Nam in utroque auctore facilis, lubricusq. esse potuit scriptorum lapsus, propter vocabulorum propinquitatem. Sed mihi nulla videtur oppositio. Diosc. comparat arborem hanc *Mirica* Arbori, id est eius magnitudini, & formæ, non eius folijs. nam materies valida dicitur, & contorta, vt Tamarici, sic Ericam *Mirica* similem dixit, intelligens, quod sit arbor fructuosa eodem modo: sæpè enim Dioscor. arboream formam vni comparat, alteri verò folia *Philirrea* (inquit) arbor est *ligustri* magnitudine, folijs olea, &c. & *Sicomorus*, arbor est magna *fico* similis, folijs mori &c. sed quæso cum scribit. *Arbutus* arbor est *cotoneæ* malo non dissimilis. vbi est similitudo, in fructu? in folijs? nequaquam. in sola arboris figura, & magnitudine. sic igitur *Glandis* vnguentariæ Arbor *Tamarisco* magnitudine, & figura, non folijs assimilabitur. ita Bellonius magnitudinem, & ramos *Betulae* tribuit non folia.

De folijs alia quæstio est, nam dissidere videntur Auctores Plinius lib. 12. c. 21. *Indicatur, & glandem esse arboris Heliotropio, quam dicemus inter herbas, simili folio.* Theoph. verò. *folium ei simile, atque myrto, oblongius tamen.* Ego qui modo in manu mea veram, viuamq. habeo plantam, quam nec Theoph. nec Plinius viderunt, non miror diuersis assimilari plantis ab auctoribus, & quandoq. ineptè: in hac tamen planta ab antiquis dicta similitudo spectari, non in toto folio, sed in foliolis debet. *Heliotropio* quidem Dioscoridis folium forè rotundum est, mirro verò oblongius. at ex Theoph. *Balani* folium etiam oblongius mirro, vnde dissimilius à rotundo *Heliotropij*, nos denique diximus folium adesse poligoni, quæ igitur deuersitas, & dissentio est ista? Respondeo nullum adesse absurdum: ramosarum enim frondium priora, ac rotundiora sunt *Heliotropij* emula, posteriora paulatim minorantur, & oblongiora mirro fiunt, vltima denique ipsissima poligoni folia videntur.

Magnitudo.

Dubium.  
Mattioli.Declaratur  
Dioscorid.De folijs  
Vnguentariæ  
glandis quæ-  
stio.Concilian-  
tur Theoph.  
& Plin.Respon-  
ditur.



dentur. nulla igitur dissensio inter Antiquos.

Sed inter recentiores posset adesse aliqua difficultas: nam Ouiedus in Hist. ind. lib. x. c. 4. Agens de Indorum Auellana purgatrice. scribit non excrecere altitudinem duorum hominum, & folijs adesse Canabis. ego quidem crederem hunc æquiocasse, & quamvis Auellanam purgatricem suam esse Ben dixerit apud quosdam Medicos. esse forte Ricinum, non Ben verum. & de huius vsu plura refert legenda. Doctiss. Cefalpinus Balanum Plinij folio Heliotropij censuit fortè esse Castaneas Equinas dictas ob folium Pentaphylli maiorem, Ricini magnitudine, sed per Heliotropium Cefalpinus intellexit Ricinum, Plinius verò herbam Heliotropium voluit.

Lilac Martioli non esse. Glandis vnguentariæ plantam satis cuique notum cum Romæ sit frequentissima planta ob flores gratos, dicitur vulgo Siringa cerulea. Figura Arboris Ben, quam exhibet A. Marinus in Mesuem, quam dicit recepisse à P. Antonio Michelio, sine descriptione est, vnde nil dici potest, videtur ramèn aliquo modo cum nostra convenire, sed à pictore malè fuisse depicta.

Horum fructum vsus in Medicina nullus apud nos est. quamvis antiqui purgare per vtramq. partem tradiderint, & Indis in vsu, sit vt refert Monardes, sed affirmare equidem non ausim. an Ricenum voluerit, nimis enim vehementia sunt.

Oleum autem expressum, tum eo quod vetustate rancorem non sentiat communiter vnguentarijs est in vsu. tum etiam quia sine odore, facile alienos suscipit. odorem autem oleo tribuunt, nostri Miropolæ, vt Mesues docet de rosaceo conficiendo.

Modum autem hunc odorem communicandi, ac transferendi in oleum de Ben viris nobilibus, & odoramentis deditis gratum futurum. cenfeo: ob id diligenter edocebo nostram encheriam, parandiq. formulam, accipito vas terreum intus vitreatum, & mundissimum (vel argenteum, vt est apud Illustriss. D. meum) altitudine cubitali, in imo strictius in summo paulatim se amplians, in quo stratificandi sunt flores, & Gossipium rarissimè, tenuissimèq. carptum, ac oleo Balanino imbutum, mediante crate (nè flores, & Gossipium comprimantur nimis) ex setis equinis (nè florum humiditate lædantur mucoremq. acquirant) vt distinctè autem loquamur sciendum requiri hæc.

Ouied. de  
Ben errat.

Cefalpinus  
de Ricino.


Lilac Matth.

Oleum de  
Ben.

Diligentior  
expositio.



Primo. ad sit vas \* altitudine vnus cubiti, diametri superioris latitudi-  
 ne, ad palmum vnum, in fundo strictius, in summo latius (& Trul-



la, vt dicunt, figura) sit anatum cum suo operculo, sit terreum alba vi-  
 treatura obiectum, nitidissimum, & mundissimum.

Secundo. ad sit flores illius generis cuius odorem quæris, qui ponan-  
 tur in vasis fundo duorum digitorum crassitudine, & interposito vnus  
 digiti spatio, vt aer liber sit

Tertio. ad sit crates V. circulo ligneo paruo confecta, & pilis equinis  
 rarissime dispositis, & textis, hi quidem corrumpi humore nequeunt,  
 textura auxilio est ne imposita decident, raritas autem non impedit  
 transitum odorati aeris. hic circulus, seu crates immittitur in vas \* lo-  
 co notato. i. ibi recte permanebit, & deorsum decidere non poterit ob  
 vasis stricturam. hoc facto.

Quarto. in promptu sit Gossipium purissimum, albissimum, & te-  
 nuissimè carpum prius præparatum hoc modo: aqua maris leuiter ma-  
 defiat, sole exicetur, iterum madefiat, & exicetur, ita minus erit cor-  
 ruptibile. quod Oleo Balanino nitidissimo, & optimo imbutum dili-  
 genter (ne gossipium nimis comprimatur) erit primæ crati i. im-  
 ponendum. huic verò gossipio super ponantur alij flores ad vnus di-  
 giti altitudinem. tunc intercedente pauco spatio, ne prædicta com-  
 primantur, alia crates imponenda loco signato. i. circulo paulò la-  
 tiore, vt suspensa maneat, & deorsum non decingat, huic superponatur  
 aliud gossipium superiore modo præparatum, cui alij flores modo etiam  
 dicto superponantur. deinde circulus tertius loco i. i. notato. Gossi-  
 pium, & flores modo dicto collocentur, quod faciendum 7. 8. 9. cra-  
 tibus, prout opus fuerit donec ad summum vasis peruentum sit, semper  
 adhibendo crates circulis latioribus, ne deorsum decingat, vltimo coo-  
 perietur vas.

Prima



Cautiones  
in parando  
oleo de Ben.

Prima cautio adhibenda est. nè flores sint humidi, vel roridi, tales enim minùs odorati, & mucorem facillè contrahere, ac retribuere, apti sunt, neq. e contra multum à sole illustrati: tales enim resolutum, habent odorem.

Secunda. nè flores omnes maneant 24. horis in vase; Iasmini enim v. gr. post 7. vel 8. horas non amplius odorati sentiuntur, & tunc lædere potius, quàm iuuare oleum possunt, ideò non maneant vltra 4. horas.

Tertia. permutatio nouorum florum posset fieri per 25. vel 30. dies. sed 10. tantum dies sufficere mihi videntur.

Quarta. circa expressionem notandum. adhiberi posse instrumentum rotundum perforatum (quò Pharmacopei vtuntur ad succos extrahendos) ex nitidissimo oricalcho, sed oleum viride solet reddere. melius erit ex ære rubro flamno obducto; in quo ponatur gossipiū iam sufficienter odoratum, exprimitur torculari, & elicetur oleum odoratissimum. Potest etiam tale gossipium lineo panno fortiori inuolui, & torculo exprimi, ita quidem deperditur non parum olei in petia remanentis, sed clarum, & elegans habetur, quod colligitur. Hoc modo odorata olea præparata digna sunt, quæ magno cuilibet Principi, & Regi offerantur, & quolibet anno pro Illustriss. Card: meo ex pluribus florum generibus diuersa odoratissima olea parare soleo. sed postquam in mentionem odoramentorum incidi, multis haud ingratum reor futurum, si ostendero modum conficiendi odoratissimam *Mantecam*. Sic autem dicitur odorati vnguenti genus, nomine forsàn ducto à Butiro, quod Neapolitani, & Hispani Mantecam vocant, nos non ex butiro, quod facillè rancelcit, sed ex adipe animalium, purissimo, & albissimo, ac sine aquæ tactu præparato, componimus. at multis quidem modis, quibus omnibus derelictis, vnum tantum proponam omnium faciliorem, & à me aliquando vsitatum. Sumo duo vascula alba è terra vitreata, plana, & depressa, in quibus nostri Pharmacopola solent conseruas rosarum, violarum &c. ponere: fundum horum vasculorum adipe illo leniter illino, indè repleo vascula floribus odoratis, & simul claudio concularum more, reclusi flores maneant, & mutantur, vt dictum est in oleo: quum satis odoris adeps attraxerit colligitur, & in vasculum aptum seruiatur, qui magnam Mantecæ copiam habere voluerit huic pluribus vasculis opus erit. Mantecæ odoratæ vsus iam notus Nobilibus, nil igitur aliud addam. Adeps eligitur solidior, vt hedinus, virulinus, ceruinus, si nimis solidus visus fuerit aliquantum suilli adipis misceatur. sed parari etiam potest ex odoratissimo oleo Balanino addita pauca cera albissima, vt in vnguenti formam deueniat: alterum habeo Mantecæ parandi modum, quem mihi nunc referuo.

Manteca  
odorata.

Nunc



Nunc addere placet Myracopa nostra, linimenta, vnguenta, cercelea, cerata liquida, crismata, & alimmata, quæ illitionibus aptorum medicamentorum sunt genera, magis, & minus crassorum, quorum exacta distinctio, & explicatio petenda à Pharmaconomastico Erudiss. P. Castelli. Itaque parare nobis mos est illitionis genus, quod *Seueto*, & *grassetto odorato* italicè dicere solemus, latinè verò *adipem odoratum*. aptius antiquo nomine *Myracopum*; cuius vsus est ad fissuras manuum, labiorum, mamillarū, & manus molliores, lenioresq. reddendas nobilium mulierum, vice vnguinis dicti nostris *Pomata*. Ego conciliare odorem soleo floribus Iasmini, Aranciorum, Acaciæ nostræ, Narcissi iuncifolij, & huiusmodi alijs, artificio non valdè dissimili à mox dicto.

Itaque exempli gratia, recipiō adipem (seu Sebum Hædi) album, depuratum, & mūdificatū absq. sale, & sole, & quia diuriusculus esset solet, & nos requirimus paulò liquidiorē, ad labia, & manus: idēdum igne liquatus est, illi impono parum olei Amigd. d. vt formam vnguenti molli representet, quod exuperior imposita gutta marmorī. deindē multū leuiget, optimēq. ducatur, donec refrigescat, & albescat: tandem cum sic fuerit paratum. Accipito duas maiores patinas, seu paropsides nobis dictas *Piatti de Maiolica*, illinantur optimē, & equaliter toti in parte interna ad crassitiem aciei cultri, tunc includito inter has flores iasmini, vel aranciorum, vel Hiacintorum, Narcissorum, Violarum, Sambuci &c. non valdè coaceruatos, & sic maneant loco frigido per 4. vel 8. vel 16. vel 24. horas, secundū florum naturas, vt iasmini per horas 4. Violæ per horas 6. Aranciorum 8. Cariophyllorum per horas 10. Acaciæ 24. &c. reiterentur flores 10. 15. 20. & 30. diebus postea colligatur hic odoratus adeps, & seruetur, qui non multū distabit à Manteca dicta. Eiusdem vsus conficimus etiam Cerceum, italicè vocamus *Ceretta*. fumimus v. g. olei Amigd. dulcium vnciam vnā, ceræ q. l. misceo ad formam linimenti duriusculi, & non valdè liquidi. odore imbuo mox dicto artificio, aliquando verò oleum ex ben odoratum, & ceram misceo, & diū agito, vt albescat.

Pharmaconomastico  
P. Castelli.

Modus con-  
ficiendi My-  
racopum.

Cerceum.





## LILIONARCISSEVS RVBEVS INDICVS.





DE  
LILIONARCISSO  
RVBEO INDICO.  
CAPVT SEPTIMVM.



Ilionarcissus, seu Narcissolirion aptius hæc planta, dicitur, quam Tulipa: flos enim verè lilium emulatur, radix, & folia narcissi sunt. missus est bulbus Narcissi Iacobi nomine, eo quod crucem ensi formem S. Iacobi Equitum representare videretur, sed enatus flos diuersus apparuit, à Iacobeo Narcisso à Clusio, & Rubino diligenter picto, quare huius iconem ostendere voluimus. Augusto nullis præcedentibus folijs è terra scapus prodit quandoq. duorum palmorum altitudine, in cuius summo aperta tenui membranacea tunica quatuor simul quadratè dispositi flores hærent crassiori pediculo, deorsum flore reflexo: flos ipse in sex dehiscit folia striata, & rubra, sed lilij albi facie. intus stamina subalbida, & longiora sex numero cum luteis apendiculis, in quorum medio vnum est stamen cæteris oblongius, rubens, & sine apendicula. flos ultra 20. dies perdurat in planta. arefacto flore duo, vel tria emergunt folia Narcisso marino, seu hemerocallidi similia; sed latiora, viridiora, & lucidiora non multum longa. quæ vsque in hyemem perdurant: plantæ verò floris non feraces folium vnicum emittunt Vere perdurans vsq. ad mediam hyemem insequentem. In horto Clariss. & Nobiliss. viri D. Tranquilli de Romaulis in quo rarissimi flores diligenter coluntur, produxit quinq. flores, inter illos nimirum quatuor alterum erectum, in medio, visui valdè iucundum, & rubicundissimū, quod reticere nolui.





## SPINACIA FRAGIFERA.





# DE SPINACIBVS FRAGIFERIS. CAPVT OCTAVVM.



PINACIA fragifera folio, ac vsu à spinacibus vulgaribus non differunt. sed sapore minùs acido sunt, & potiùs Betaceo, quam vulgaria. sed spectabilis est flos aceruatus in oblògam quandam rotunditatem summitati, & cauli propè foliorum exortum adhærens, & ob rubicundissimum colorem Amarantho æmulum, fragam perbellè representat: sapore est quidem herbaceo, verùm non ingrato, duplicis igitur vsus planta, folio cocto, & fructu crudo fragæ vice, commeltis.





RICINVS AMERICANVS.





# DE RICINO AMERICANO. CAPVT NONVM.



**P**LVRA Ricini genera reperiri nulli dubium est. Vulgare, cuius semen Ricini animalis figuram amulatur copiosè reperitur. Vocantq. Græci Cici, & Croton, Arabes Cheruam, Mesues Granum Regium. aliqui dixere Girasole, ob id Cæsalpinus Heliotropium Dioscoridis esse censuit. alij Cataputiam maiorem, Pentadactylum, & Palmam Christi, à foliorum figura vocarunt. in India ab Hispanis Ficus infernalis dicitur. Vulgaris Ricini facies nota. Alterum Ricini genus ab Aegypto affertur multò validius vulgari, cuius maximam copiam Romæ vendit Dionisius Albertus Circulator. sumitur grani vnius dimidium, & valenter aluum purgat, ea tamen sumitur cautione, vt deuoretur aliqua re-  
septum, ne Oesophagum tangat, adeò enim acre est. Vt viderim ego iuuenem melancolicum 20. annorum satis robustum, qui ob dolorem capitis, medium Ricini granum sumpserat, & masticaerat, cuius aluus bene purgata, & capitis dolor ablatu fuerat, sed ob acrimoniam seminis oesophagus, & os ventriculi ita læsa, & inflammata, vt post febrem, sitim magnam, animi deliquia, & difficultatem appetendi, & deglutiendi 9. die resolutus obierit. nec vllis remedijs à tribus Medicis sanari potuerit. Huius Aegyptij ricini semen à nobis satum plantam vulgari quodammodo similem produxit. Sed maiorem, & folijs crispioribus, & rubicundioribus, ac semen maius.

Tertium nunc nos exhibere volumus Ricinum Americanum. hic prima folia ex substantia seminis produxit subrotunda, & similia vulgari, sed decies maiora, vt Icone demonstratur. insequuta folia videbantur hederacea, & angulosa, non diuisa, vt alijs speciebus. semen ipsum nigrum erat, & non maculosum. vnde illud esse opinamur, quod Curcas ab Indis appellari retulit Clusius com. in Monar. At Ouied. lib. 10. cap. 4. Hist. Indicæ. credo hanc plantam intellexisse nomine Auellanae Indicæ. non enim sua descriptio Glandi vnguentariæ quadrat. quamuis Ben vocet. planta hæc apud nos vixit vno tantum anno.

De viribus nihil explorati habemus. sed vide N. Monar. & Ouied.

Ricinus Aegyptius.

Ricinus Americanus

DE



## CAMPANULA EXOTICA.






# DE CAMPANVLA EXOTICA. CAPVT DECIMVM.



LEGANS hæc campanula oblata nobis est campanulæ Virginianæ (i. ex Virginijs insulis) nomine sed nihil certi affirmare possumus, certè admodum elegans, & visui iucundus flos est colore cælesti amenissimo costulis interioribus albidis, iucundioris aspectu cæruleum reddentibus colorem, ab extra albus flos est, circa fundum verò campanulæ subluteus, diurnus est, & Ephimerus vna tantum perdurans die copiosissime tamen, & diu floret. Succedit deinde semen aliarum campanularum more in tenui capsula, sed dura valdè, & parum acuminata. semen verò ternario semper numero. in altum non assurgit. sed in latera humi recubans se extendit. folia oliuarum quidem, sed herbacea, & mollia, maioraq. præcipuè priora, tenuiter lanuginosa. radix parua: multo tempore floret. hyeme benè custodita planta non perit.





## GARYOPHILLVS SPICATVS.





# DE CARYOPHILLO SPICATO CAPVT VNDECIMVM.



**M**IVS planta quidem, & folia ab alijs generibus forma non distant. Sed flos nunquam foliatus spectatur, nunquam dehiscens, sed spica tantum viridis squammosa, cum igitur per plures annos talis planta in Horto permanferit ob raritatem publicam lucem inuidere nolui.

# DE SOLIS FLORE TUBEROSO.

Seu flore Farnesiano Fabij Columnæ.

## CAPVT DVODECIMVM.



**A**DEO exactè descripta est hæc planta ab Eruditiss. Fabio Columna in sua minus cognitarum stirpium parte altera. cap. 6. ut aliquid addere non liceat. Verum ab amicis sæpè queritur radicum vsus, quas Tubera Indica appellare soleo, ideo operæ pretium duxi, aliquid breuiter de ipsis præfari, radices igitur Tuberum formam quodammodo imitantur. nec vsus diuersus, itaq. si cruda edere libet cum sale, & pipere, licet: dulcia enim sunt. sed gratiora sunt palatui meo cocta, vel igitur sub cineribus calidis assantur, vel aqua decoquuntur, ita coctæ radices cum sale, & pipere gratiores sunt. aliquando careotarum coctarum more in acetarijs vsi sumus, addito oleo, aceto, sale, pipere. aliquando coctas radices, & in frustra sectas oleo friximus tuberum vulgarium more, vel butiro, & tandem succum arancij, piper, & sal miscuimus, & tuberum vicè supplere: nonnunquam farina obiectas frigi curauimus pisciū modo. aliquando more fungorum parauimus prius coctas radices oleo frigentes addito oleo, nepeta, sale. Raparum more nonnunquam in pingui iure coqui curauimus. Parari etiam iussi placentas testuaceas, crustaceas. Deniq. quocunq. parentur modo gratæ radices semper sentiuntur. Valent impinguare, & cum reliquarum radicum more flatus excitent, venerem maximè excitare, & fouere pluries expertum est.



## HELLEBORVS NIGER TRIFOLIATVS.





# DE HELLEBORO

## NIGRO TRIFOLIATO.

### CAPVT DECIMVM TERTIVM.




HELLEBORI nigri Genus nouum habemus, quem trifoliatum appellare libet, ex semine nata planta prodit primis 4. vel quinque folijs, cordis figura, Hederæ quodammodo similibus, deinde folia constant ex duobus lauro, & magnitudine, & substantia, & figura non dissimilibus folijs, cætera deinde folia trifoliata spectantur ex tribus laurinis folijs constantia. sed eundem ordinem non semper seruant; nam quandoque iterum, & vnifolium, & bifolium producit. foliorum ambitus ita est ferratus, vt spinosus videatur. caulis adest rotundus, cubitalis, digiti crassitudine folijs circumcinctus ornatus veluti Helleboraster. Flos est in summo caulis, & in pluribus ramulis circa folia. Hellebori nigri vulgaris facie, seu rosæ in modum ex quinque folijs, & viridi diluto, seu subalbido coloratis, in medio floris quatuor adsunt sesamaceæ filiquæ multis filaminibus cum suis appendiculis septæ. incipit florere à Nouembri & perdurat semper florens vsq. in Martium & Aprilem, paulatim flores enascuntur, & dehiscunt, & vicissim ita vt semper adsint, florentes, deflorescentes, filiquæ maturæ, & inchoati flores. quilibet autem flos apertus, & in suo vigore, perdurat vltra 40. dies: anno 2. florēt.

Plantam habuimus ab Henrico Coruino Delphensi pharmacopeo, & Botanico insigni.





## ALQES AMERICANA FLORIDA.





# DE ALOE AMERICANA FLORIDA. CAPVT DECIMVMQVARTVM.



**A**LOES Americanæ nullus hucusque (quod sciam) imaginem cum flore edidit, quod non ubique floreat, nec nisi post multum temporis, & raro. Verum cum multas hic Romæ floridas viderimus plantas, æquum iudicavi, hanc cum flore exhibere, ut ij, qui Regiones incolunt, in quibus hæc florens non visitur; quando viuum non possunt aspicere, florem, picto saltè fruantur.

Itaque huiusmodi planta, quum multis annis culta, vltimò tandem florem emittere cupit, trium mensium spatio altissimum producit caulem. Hoc autem anno principio mensis Maij cepit apparere caulis, initio verò Iunij ramos produxit, altero tandem mense flores perfecit. Caulis perfectus quandoque excedit altitudinem quindecim cubitorum, crassus est, intus albus, spongiosus, & leuissimus; extra colore herbaceo: ornatur circumcirca breuib, raris, tenuib, siccis, ac aridis folijs, colore fuliginoso. In summo ramos produxit, veluti sparsam umbellam constituentes, in quibus flores sursum spectant forma potius fructuum, quam floris, seu cum fructu quasi perfecto. Est enim Digiti, seu Citini malorum puniceorum, non dum aperti forma, vasculus nimirum oblongus, triangularis, ac striatus, colore viridi: à quo prodeunt sex stamina tenuia, longa, dura, & solida, retorta, & lutea, cum appendiculis concoloribus, in quorum medio emergit erectum alterum capitatumq. necnon luteum stamen, eadem dehiscit summitas Citini modo in sex particulas, veluti folia longiuscula, pro quolibet autem ramo 200. 250. & 300. numeravi aliquando flores, qui perdurant vsque in hyemem, tandem in planta siccantur, siccari paulatim decidunt. qui non flores, sed fructus tunc dicendi. Sunt enim Dactili forma, triangulares tamen, colore obscuro, tribus intus segmentis, & capsulis, in quibus semen album, leuissimum, copiosum, compactumque, bisectum, semicirculare. & araneæ harundinum forma. ita ut plures araneæ candidæ superimpositæ videantur. hoc semen an sit fecundum affirmare non audeo. & de flore Aloe, satis. in reliquis alios legito Auctores.

DE



## ALOEES FLOS, ET FRVCTVS.





## DE NARCISSE CALCEDONICO

P R O L I F E R O.

## CAPVT DECIMVMQVINTVM.



**V**ALIDA Natura calore, & substantia in rerum generatione ludit quandoque non parum: in animalibus quidem plures particulas gignendo, nec raro superfluas, ut sextum digitum, & similia, quarum meminerunt Auctores de Monstris agentes; in mineralibus vero ac fossilibus monstra infinita reperiuntur, quorum plurima in nostro museo asseruamus Tandem in stirpibus, monstruositates quotidie frequentiores spectamus, de quibus omnibus agere nostra non est intentio, sint exemplo, inter colores flores Aquilegiæ, & Caryophyllorum, sed maxime Tulipanorum, in quibus mirificum naturæ lulum circa colores spectare licet. Nam horum vnus floris semina sata, proles producant diuersi colores: inter formas Caryophylli spicatum, quæ superius exhibuimus, cuius speciem esse monstruosam censemus. Sed missis alijs monstruositatibus, flores prolificos inter monstra numerare nunc libet. Aliquas quidem plantas flores prolificos producentes ab alijs exhibitas scimus, ut Bellidem prolificam, Chaltam, Ranunculum, Anemone, & quædam alia. In præsentem ostendere est in animo Narcissi Calcedonici figuram vno tantum flore prolificam: exhibuissem etiam scabiosæ purpuronigræ odoratæ flores prolificos, tertio ab hinc anno nobis floridos: sed quia tunc pingi non curauimus, sit satis eos memorasse. Narcissi autem Calcedonici flos, cuius picturam proponimus, non variat ab alijs, nisi quia alium flosculum à latere foliorum producit, folia, & bulbus, eiusdem cum alijs sunt generis, inter quos casu inuenimus, quia tamen rarus est flos, curiosis pictum exhibere voluimus.

## CARYOPHILLVS PROLIFERVS.

## CAPVT DECIMVMSEXTVM.



**N**Societatem Narcissi proliferi non abs re visum est asserre Caryophyllum prolificum. quem à nullo descriptum vidimus, folia non variant à suis congeneribus, sed floris rudimentum, seu calix valde latus, & crassus est, & antequam flos dehiscat findi solet: aperto, & completo flore à medio prodeunt plures flosculi, habemus autem duplicis coloris, purpurei, & carnei.

ERRA

F I N I S.

M



NARCISSVS CALCEDONICVS PROLIFERV.

CAPUT DECIMUM QUINTVM.



CARYOPHILUS PROLIFERVS

CAPVT DECIMVM SEXTVM.

des debiles fuit foler appetit & copiofo flore à medic produnt plu-  
res foluti habent autem duobus coloris purpureo & carneo  
duntaxat ten calis valetutis & carnis eff. & antequam  
mox folia non variant. fuis congenitis, foliis ru-  
Caryophylli profertur. quem à nullo defertum vidi-  
N Socieratem Martis profertur non abs re vultu eff. affere

ERRA-



## ERRATA TYPOGRAPHICA.

- Pag. 6. ver. 28. Nigra, *lege*, fuliginea.  
 Pag. 7. ver. 29. peteat, *lege*, pateat.  
 Pag. 8. ver. 5. fructicosam, *lege*, fructicosam. & ver. 14. quorum,  
*lege*, quarum. & ver. 25. expandens, *leg*, expandentes.  
 Pag. 14. ver. 14. Pseudoebenum, *lege*, Pseudoebenum.  
 Pag. 15. ver. 25. Aquifolio, *lege*, Aquifolio. & ver. 32. vicè, *lege*, vicè.  
 Pag. 16. ver. 6. quorum, *lege*, quæ.  
 Pag. 29. ver. 40. mutulam, *lege*, matulam.  
 Pag. 39. ver. 27. Theodoro Clutio, *leg*, Ourgero Theodori Clutij filio  
 Pag. 46. ver. 18. vet, *lege*, vel. & ver. 35. Socitate, *lege*, Societate.  
 Pag. 53. ver. 31. vnica, *lege*, vncia.  
 Pag. 55. ver. 5. curiosos, *lege*, curiosis.  
 Pag. 56. ver. 29. Ioanes, *lege*, Ioannes.  
 Pag. 69. ver. 1. dicam, *lege*, dixi. & ver. 12. Non, *lege*, Nam.  
 ver. 15. sine, *lege*, siue. ver. 23. folio, *lege*, folium.

Pag. 71. ver. 16. acutior, *lege*, acutius. & ver. 37. adde sequentia.  
 De viribus Hololiuchi, ( quod Ololuchiqui vocant ) nil nos experti  
 sumus, sed Ioseph Acosta è Societate Iesu in Hist. Nat. Indica. lib. 5. c. 25.  
 tradit vires habere dementandi, & tollendi facultatem rectè iudicandi,  
 nec non magnam habere energiam mortificandi, ita vt solum per se  
 emplastri modo impositum carnem mortificet, tamen ipsius semen  
 assumunt Indi, vt mente capti varias visiones videant: refert etiam  
 nefandam quandam Mexicanorum sacerdotum inunctionem ( quam  
 referre non pigebit ) quæ hoc modo parabatur. Accipiebant plura ani-  
 malia venenata vt Serpentes, Basiliscos, Araneas, Centipedes, Sala-  
 mandras, & similia, simul comburebant igne in templo ante altare suo-  
 rum Idolorum posito, donec in cinerem omnia essent redacta, in  
 massam redigebant, & addebant puluerem feminis Ololuchiqui, & ver-  
 mes quosdam nigros, & pilosos, quorum pili sunt solum venenosi, ad-  
 debant denique fuliginem caldarium, ex quibus omnibus paratum  
 linimentum in olla ponebant, locabantquè ante Idolos, cibumquè vo-  
 cabant suorum Deorum, *cibum Diuinum* nuncupantes, inuncti hoc  
 nefando vngvine strigones fiebant, & Demonem videbant, & alloque-  
 bantur. Sacerdotes inuncti omnem amittebant timorem, & Diabolo  
 imbuti crudeliores euadebant, vnde audacter in sacrificijs homines oc-  
 cidebant, & noctu soli petebant Montes, speluncas, & antra obscura, &  
 horrenda, pro certo habentes Leones, Tigres, & Serpentes fugituros vi-



inunctionis Diabolicæ. Vfus erat huius linimenti etiam in Morbis: unde Diuinum medicamentum vocabant. inungentes partem affectam, quo mirificè iuuari dicebant. Et hæc ex Acolta, qui multas Indicas plantas describit, & refert lib. 4. cap. 28. Franciscum Ferdinandum Regis Hispaniarum speciali mandato fecisse librum eximium de materia plantarum, liquorum, & similium rerum Indicarum cum figuris naturalibus cuiusq. ultra mille ducentas, quem librum aiunt, constasse ultra septuaginta millia aureos: quem quidem ipsum Nardus Antonius Medicus Italus compilauit, curioseque admodum in breuem traduxit formam, ad quos libros legendos remittit lectores Ioseph Acolta dictus.

Pag. 76. *ver. 14. adde, tenuibus, valde longis, subluteis, sapore acerri-*  
mo. *odore nasturtij siluestris.*

Pag. 78. *ver. 16. ramen, lege, tamen. ver. 8. fructum, lege, fructuum.*  
*ver. 20. Ricenum, lege, Ricinum.*

*ver. 25. Vbi est Mesues docet de rosaceo cõficiendo, adde, ter-*  
tio, vel quarto modo. nimirũ stratificatis Ben nucleis mundis, & in qua-  
tuor, vel quinque partes diuisis, cum floribus Iasmini: deinde oleum  
exprimunt vocantque Oleum Iasmini, nos olim ita parabamus ex  
Oleo iam extracto quod odore inficiebamus hoc modo; cartã bibulam  
Oleo balanino imbibebamus, vel lanæ flocculos, vel Gossipium fila-  
rum, stratificando flores odoratos, quotidie recentes imponendo per  
aliquot dies, cum Oleum satis odoris attraxisse perceperamus torcu-  
lari (apto instrumento excepta carta, vel lana) fortiter exprimeba-  
mus, & odoratissimum sortiebamur Oleum. Parauimus (inquam) quan-  
doquẽ dicto vulgari modo: sed duplex erratum depræhendimus. Pri-  
mum, quia Ben nuclei in aliquot partes diuisi imbibebantur superflua  
quadam humiditate à floribus desumpta. vnde nisi cautè fuisset occur-  
sum, mucorem, & fetorem acquisuissent, ob id eos insolare, & exic-  
care aliquantisper opus erat, ad consumendam illam humiditatem,  
sed non parũ etiam odoris peribat. tunc denuò reuertebamur ad stra-  
tificationem. Alter error erat, quia dicti nuclei imbuebantur odore  
in superficie tantum, ob id Oleum extractum non erat extremè odo-  
ratum, & vix sex mensium spatio suavis odor inhærebat. Præstantius  
igitur reperi Extractum Oleum odoribus replere: at quia Oleum de-  
bet recipere odorem ad minima: ideò non simpliciter in vase ponen-  
dum, sed vt rarum, & permeabile sit, alicui rei adhærere debet, à qua  
sustollatur, & ab ea postea facîle separari queat: ob id altero præpara-  
ui modo, mediante nimirum carta Oleo imbuta, vel Lana, vel Gossipio.  
sed multis abhinc annis sequenti parare soleo modo, quod omnium

Oleum Ia-  
smini.

Modi varij  
aromatizandi  
Oleum de  
Ben.  
Primus mo-  
dus.

Secundus mo-  
dus.

Duplex Er-  
racum.

Opt. Olei de  
Ben parandi  
modus.

opti-



optimum, & apud me hucusque secretum retinui. sic confeci Oleum Odoratissimum Balaninum ex floribus Iasmini Chatalonici dicti, ex floribus Aranciorum, Violarum, Liliorum conuallium, Hyacintorum, Narcissorum: nec non ex floribus Dipcadi, vulgo *Moschi graci*, qui odore suauissimi sunt. gratissimum etiam Oleum parauimus ex floribus Acaciæ nostræ, quæ Keiri odorem imitatur, sed præ cæteris Illustrissimo D. meo placuit Ol. ex flor. Narcissi Iuncifolij, vulgo *Giumchilie*: suauissimus enim est flos, nec dubium, quin ex alijs etiam odoratis floribus parari, & confici possit.

Pag. 81. ver. 13. esset, lege esse.





...um, & apud nos in quibusdam locis, in confecti Oleum  
 Obovatissimum Balsamum ex floribus latissimi Chalcidici disti, ex  
 floribus Arancorum, Violarum, Liliorum, conuallium, Hyacintho-  
 rum, Narcissorum; nec non ex floribus Dipicadulgo, Molle, & aliis  
 odoratissimis sunt. Eritissimum etiam Oleum parantur, ex floribus  
 Arancorum, quos Keini odorati interunt, sed per caros illu-  
 strantur. D. meo placuit. Ol. ex floribus Narcissorum, vulgo Gna-  
 libus; in quibus enim est flor. nec deum, quia ex aliis etiam odo-  
 ratissimis floribus parari, & confici possit.  
 pag. 8. cap. 1. effus. & effus.





# I N D E X

## EORVM, QVAE CONTINENTVR IN HISTORIA RARIORVM PLANTARVM Horti Farnesiani.

A V C T O R E T O B I A A L D I N O .



<i>ACACIA</i> ad anum pro-	<i>Acacia</i> rami contorti .	8
cidentem . pag. 26	<i>Acanthi bacciferae alia expositio .</i>	15
<i>Acacia</i> ad diarrheas . 26	<i>Acanthus baccifera Virgilij .</i>	13
<i>Acacia</i> ad muliebria pro-	<i>Ad Acoras puerorum .</i>	26
fluia . 26	<i>Aethiopum filij albescunt in Italia .</i>	10
<i>Acacia</i> bis floret . 5	<i>Aloes Americana florida .</i>	85
<i>Acacia</i> candida facile putrescit . 9	<i>Aloes Lota .</i>	23.24
<i>Acacia</i> duplex Theophrasto . 9	<i>Andreae Cesalpini opinio de Balano</i>	
<i>Acacia</i> est natura fructuosa . 8	<i>Plinij .</i>	78
<i>Acaciae</i> folia pro pecudum pasu . 26	<i>Aqua benedicta Aldina .</i>	30
<i>Acacia</i> Lota . 23.24	<i>Aqua suauissima destillata ex flor.</i>	
<i>Acacia</i> mas, & femina . 9.13	<i>Acacia .</i>	26
<i>Acacia</i> nostro ex Insula S. Dominici .	<i>Arbor Indae .</i>	10
13.9.12	<i>Arbor Indae Spinosa .</i>	10
<i>Acacia</i> non in Aegypto tantum oritur . 12	<i>Ari Aegyptij flos à solo Columna pi-</i>	
<i>Acacia</i> nigra incorrupta in aquis du-	<i>etus .</i>	11
rat . 9	<i>Atra lacrima Spinae apud Andromac</i>	
<i>Acacia</i> rufa . 21	<i>quid .</i>	18.20.
<i>Acacia</i> rubra . 21	<i>Auctores negantes Gummi arabicum</i>	
<i>Acacia</i> Viridis . 9	<i>esse Acacia .</i>	18
<i>Acaciae</i> nostrae succus qualis . 23	<i>Auctores probati non sunt gratis accu-</i>	
<i>Acaciae</i> plantae descriptio . 3	<i>sandi .</i>	11
<i>Acaciae</i> planta missa M. Duc. Aetru-	<i>Auellana Indica Hispanorum .</i>	73.87
ria . 3	<i>Auellana purgatrix Oniedi .</i>	78

Bacca



# I N D E X.

<b>B</b> acca vocis abusus.	15	Cici Græcorum.	87
Bacca pro Flore.	15	Conuolulus Peruvianus.	71
Bacca Caprarum quid.	15	Cortex Clusij an Lauri Indici?	62
Balsamum vulnerarium Aldin.	47	Coctura succi Hyiuccæ.	44
Bartholomeus Maranta Ebeni speciem facit Acanthum Virgil.	14	Coronæ ex floribus Acaciæ usus.	26
Ben Arabum.	73	Coronæ semper florentes in Aegypto.	9
Ben magnum Monardes.	77	Coronas quando deposuerunt Reges in Aegypto.	9
Balanus myrepfica.	73	Coral arbor Clusij.	11
Bosij falsa relatio.	51. 53. 56	Corallorum copia nobis transmissa.	30
		Croton.	87
<b>C</b> ampanula exotica.	89	Curcas Indorum.	87
Campanula Virginiana.	89	<b>D</b> amasonium simile cinnamomo.	63. 64
Cannelle arbori sunt folia Lauri.	62	Decoctum fol. Acac. ad articulos debiles.	25
Cannella iauaica Clusij.	62	Diodorus Syculus de Hyiucca.	48
Cannella baculus quid.	65	Dodoneus auctor sincerior in Matthiolum.	11
Canabis Indica quid.	36	<b>E</b> riophori flos Dodonei falsus.	12
Canepus an spartum?	73	Ephemeru Matthioli in Ananienfibus montibus.	11
Cappares spinosi in Aphrica.	10	Ebeni species an Acath. baccifera Virgilij.	14
Coereleon.	87	Erratum in textu Dioscoridis.	16
Cardanus defenditur contra Scaligerum.	37	Extraxor quid.	24
Cazavi panis.	39. 41	Errores in odorando oleo de Ben.	100
Carpesium phlu simile, & cinnamomo.	63	Exculpato Auctoris.	51
Cinnamomum Lauro simile.	62	<b>F</b> abula Athen. de Coronis in spinis.	8
Cinnamomo tverò nos carere probatur.	63	Ficus infernalis.	87
Cinnamomi usus cum ligno.	66	Flos Farnesianus Columnæ.	91
Cataputia maior.	87	Folium ramosum glandis Unguentaria.	75
Cinthius Clemens. Pauli V. Medicus.	47	Foliorum Hyiuccæ descriptio.	33
Christoph. Landus pro Acantho baccifera Virgil. proponit Piracant.	13	Flos deltas Cinca illagas.	49
Kreuzot. color qualis.	20	Folia Hyiuccæ ex Monarde.	36
Chimicorum medicamentorum præstantia.	28		
Christiana floris Maraco considerata.	55		
Cherua Arabum.	87		

Folia



<i>Folia Hyiuccæ Oniedi.</i>	37. 38	<i>Gummi pars nigra quid.</i>	21
<i>Fior della passione.</i>	39	<i>Gummi vermiculatum.</i>	22
<i>Fractus Maracot.</i>	57. 58	<i>Gummi ferre ex vase, ut intelligatur.</i>	22
<i>Frittellaria maior dicta Hyiucca.</i>	35	<i>Glaucus color, qui.</i>	21
<i>Folliculi Acaciæ ad coria perficienda.</i>	26	<i>Gummi Acaciæ.</i>	17
<i>Flores Acaciæ albi, vel citrini.</i>	13	<i>Gummi Acaciæ vires ex Diosc.</i>	26
<i>Faba Aegyptiæ icon habuit Matthiolum ab alio.</i>	12	<i>Granadilla.</i>	49
<i>Fabius Columna gratis imposuit Matthiolo falsitatem figuræ falsæ Aegyptiæ.</i>	10		
<i>Fabius Columna iniquè accusat Matthiolum de Ephemero.</i>	10	<b>H</b> omines pilosi in aula Cardinalis Farnesij.	10
<i>Fab. Columna damnatur.</i>	11	<i>Homines pilosi in Italia filios gignunt minus pilosos.</i>	10
<i>Fab. Columnæ creditur.</i>	11	<i>Hololiuchi.</i>	71
<i>Figura Ari Aegyptij apud Columnam suspecta.</i>	11	<i>Heliotropium Dioscoridis Cesalpin.</i>	87
		<i>Helleborus niger tripholiatus.</i>	93
		<i>Hyiuccæ Mexicana folia.</i>	38
		<i>Hyiucca ubi venenata.</i>	38
		<i>Hippocrates de succo porri.</i>	43
		<i>Hyiucca Bonata innocua.</i>	43
		<i>Hyiucca in continenti non venenata.</i>	43
<b>G</b> racorum discordia de magnitudine plantæ Acaciæ.	7	<i>Hyiucca à Regione fit venenosa.</i>	45.
<i>Gigliomatto Ananienf.</i>	11	46	
<i>Guilladinus multipliciter deceptus.</i>	14	<i>Harundo Aethyopica Diodori Syculi.</i>	48
<i>Glans vnguentaria.</i>	73		
<i>Garzias taxatur.</i>	69		
<i>Glans vnguentaria ubi nascatur.</i>	76		
<i>Glandis vnguentariæ folia qualia.</i>	77		
<i>Glandis vnguentariæ descriptio.</i>	73	<b>I</b> nunctio Nephanda.	99
<i>Granum Almesus.</i>	77	<i>Ioseph Ghislerus Card. Farnesij Medicus.</i>	48
<i>Granum Regium Mesues.</i>	87	<i>Iacobus Bosius de Maracoto.</i>	49
<i>Girasole.</i>	87	<i>Ioannis Berclai, de colore Marac.</i>	56
<i>Garyophillus spicatus.</i>	91	<i>Interpretes Virgilij de Acantho bacifera.</i>	13
<i>Garyophillus proliferus.</i>	98	<i>Icon Acaciæ Bellonij rudis.</i>	10
<i>Gummi Arabicum ex Acaciæ.</i>	18. 19	<i>Icon Acaciæ prima Matthioli diffimilis à vera.</i>	10. 12
<i>Gummi Thebaicum.</i>	19	<i>Ioan. Pona ineptus exprobatior Matthioli.</i>	10
<i>Gummi Saracenum.</i>	20	<i>Iuuenis necatus esu Ricini.</i>	87
<i>Gummi de Babylonia.</i>	21		
<i>Gummi Alexandria.</i>	20		
<i>Gummi Acantium.</i>	20		
<i>Gummi album.</i>	21		



# INDEX.

<b>K</b> Akian Aegyptij dicunt. Aca-	Narcissus Iacobeus.	83
ciam.	Narcissus Calcedonicus proli-ferus.	97
7	Nepente Aldin.	59
<b>L</b> Vcas Ghinus misit florem fabe	<b>O</b> Leorum odoratorum parandi	
Aegyptia Maranta.	modus.	100
Lauatio succorum irridetur.	Olei de Ben usus.	78
23. 24	Ololuchiqui.	71. 100
Ligni Acacia usus.	Onigerus Clutius.	39. 99
25	Olei de Ben aromatizatio.	78. 100
Linimentum ad podagram.		
26	<b>P</b> Anis Hyiucca Mexicana.	38.
Liquor Herculeus.	39	
29	Panis Hyiucca icon.	40
Locus, ut efficiat plantas venena-	Porri succus quando venenum.	42
tas.	Prosper Cechinus Chirurgus insi-	47
46	gnis.	
Liber Bononiensis de flore passionis.	Punctura foliorum Hyiucca venena-	47
53. 55	ta.	
Laurus Indica.	Porri succus quando utilis.	43
61	Palma Christi.	87
Laurus Indica an sit Cinnamomū.	Pomata.	81
61	Pentadactylum.	89
Lilac Matthioli.	Plinius defenditur contra Guillandi-	16
78	num.	
Lilionarcissus rubeus.	Podagricos inuat decoct. fol. Aca-	26
83	cia.	
<b>M</b> Trobalanus Plinij.	Petrus Castellus vititur nostris medi-	29
73	camentis chemicis.	
Manteca odorata.	Petrus Castellus Auctoris amicus.	48
80	Petrus Castellus Hyiuccam vocat	
Myracopa, ut parentur.	Spheracantam.	33
88	Petri Castelli Dodecaporion.	44
Maracot.	Petrus Castellus donatus baculo can-	69
49. 51	nella.	
Maracot usus.	Petrus Castellus de Sy. fol. Lauri	61
51	indica.	
Maracot vis.	Petri Castelli opinio, de Veneno Hy-	45
59	iucca.	
Musca necata in folijs Maracot.	Petri Castelli Pharmaconomasticū.	81
51		
Moyfis Virga, ex quo ligno.		
25		
Matthiolus defenditur.		
10		
Marantha habuit florem Ari Aegyptij		
à Ghino.		
11		
Mercator exhibens figuram Acaciae		
Matthiolo defenditur.		
11		
Matthiolus defenditur à calumnia		
Alpini.		
12		
<b>N</b> Asturi Indici icon Dodonei		
differt à Vulgari.		
12		
Non magis credendum Columnae		
quàm Matthiolo.		
11		
Narcissolirium Indicum.		
83		

Petr.



Petri Castelli Allium, vel moli arbo- reum vocant Acaciam.	6	Spina Babylonica.	20
Plantæ variant cultura.	10	Succi Acaciæ color.	21
Pseudoebenum an Acanthus baccifera Virgilij.	14	Succus Hyiuccæ Venenum.	41
Pustulis gallicis decoctum Acaciæ.	26	Spirituum separatio per desillatio- nem.	44
Præcipitatus diuersorum colorum.	71	Scaliger refellitur.	43
		Succus Acaciæ quando colligendus.	22
		Succi Acaciæ vis.	27. 28.
<b>Q</b> uadrant. malè accusat Mat- thiolum.	19	Sciauscian panis Hyiuccæ.	41
Quinta essentia Aldina mirabilis.	29	Scaliger taxatur.	42
Quinta essentia Coralliorum.	30	Sapores non gignuntur ab igne.	44
		Scaliger de Veneno succi Hyiuccæ re- fellitur.	41
<b>R</b> icinum Americanum.	89		
Rubus sine spinis.	10	<b>T</b> indium ciuitas.	9
Rubus Sancti Francisci.	10	Tigridis flos in Europa non inspectus.	12
		Theophrasti, & Dioscoridis de Ba- lano dissentio.	
<b>S</b> iringa cerulea.	78	Tuberum indicorū condiendi ratio.	91
Seueto odorato.	81		
Spinacia fragifera.	85	<b>V</b> enenū Hyiuccæ quale.	42. 44
Solis flos tuberosus.	91	Vas pro Oleo de Ben odoran- do.	79
Sacerdotum Mexicanorum unctio Diabolica.	99	Virga Moysis ex Acaciâ.	25
Sant vocatur Acaciâ.	7	Virgilij Acanthus baccifera.	13
Spina arbor quid Atheneo.	13	Vnio dicitur bacca.	15
Siliqua syluestris Clusij.	10		
Seruius Grammaticus de Acaciâ.	13	<b>X</b> ilocinnamomum.	65
Semen in siliqua an ferat Acaciâ.	15		
Siliqua Acaciæ picta à Bellonio.	16		
Siliqua Acaciæ picta ab Alpino.	16		





# ENVMERATIO

## Morborum Curabilium Remedijs,

In hoc Opere traditis.




<b>A</b> pillis denigrandis. 27	Aluo purganda. 87
Acoribus in capite puerorum. 26	Alui fluxionibus. 26. 27. 28.
Oculorum defluxionibus. 27	30.
Oculis procidentibus. 27	Diarrhea. 28. 30
Oculis roborandis. 27	Dysenteria. 28. 30
Oculorum inflammationibus. 27	Ano foras procidenti. 26
Narium Hemorrhagia. 29. 42	Sedis vlceribus. 28. 30
Dentium doloribus. 31	Podagricis doloribus. 26. 27
Dentibus roborandis. 31	Artibus solutis. 15
Oris vlceribus. 27. 30	Articulis debilibus. 15. 27
Labiorum fessuris. 27	Articulis fluxione tentatis. 15. 27
Aurium vlceribus. 27	Articulis tumefactis. 26
Somno conciliando. 52	Articulis inflammatis. 26
Tussi. 21	Pernionibus. 27
Sputui sanguinis. 21. 27. 30	Pterygijs. 27
Hypocondriacis. 30	Ambustis. 26
Mictui sanguinis. 30	Igni sacro. 27
Veneri excitanda. 91	Kulneribus atrocissimis. 47
Pudendorum vlceribus. 30	Kulneribus dolentibus. 47
Vteri procidentia. 26. 27	Kulneribus venenatis. 47
Mulierum immodicis purgationibus. 26. 27. 28. 29. 42.	Vlceribus serpentibus. 30
Aluo emollienda. 57	Vlceribus difficilibus. 27
	Pustulis exiccandis. 26. 27
	Pustulis Gallicis. 26. 27
	Corpori impinguando. 91

F I N I S.

E N V







# INVENTARIO

Medicamentorum Curabund Remediorum

In hoc Opere traditis

Alumina	37
Ammoniacum	38
Asafoetida	39
Balaustina	40
Balaustina	41
Balaustina	42
Balaustina	43
Balaustina	44
Balaustina	45
Balaustina	46
Balaustina	47
Balaustina	48
Balaustina	49
Balaustina	50
Balaustina	51
Balaustina	52
Balaustina	53
Balaustina	54
Balaustina	55
Balaustina	56
Balaustina	57
Balaustina	58
Balaustina	59
Balaustina	60
Balaustina	61
Balaustina	62
Balaustina	63
Balaustina	64
Balaustina	65
Balaustina	66
Balaustina	67
Balaustina	68
Balaustina	69
Balaustina	70
Balaustina	71
Balaustina	72
Balaustina	73
Balaustina	74
Balaustina	75
Balaustina	76
Balaustina	77
Balaustina	78
Balaustina	79
Balaustina	80
Balaustina	81
Balaustina	82
Balaustina	83
Balaustina	84
Balaustina	85
Balaustina	86
Balaustina	87
Balaustina	88
Balaustina	89
Balaustina	90
Balaustina	91
Balaustina	92
Balaustina	93
Balaustina	94
Balaustina	95
Balaustina	96
Balaustina	97
Balaustina	98
Balaustina	99
Balaustina	100



